

الجزء الخامس

حَمْدُ اللَّهِ

# الْحَمْدُ لِلَّهِ

فِي ذِكْرِ الطَّاهِرِينَ

فِي رِثَاءِ الْأِمَامِ الْحُسَيْنِ الشَّهِيدِ

لِسَاعَةِ أَهْلِ الْبَيْتِ

أَمْرٌ مَخْفَى كَشَيْئٍ كَبِيرٍ الْخَوَافِي





جَيُّونَ

الْحَسَنِ بْنِ عَلِيٍّ

فِي ذِكْرِ الطَّاهِرِينَ

الجزء الخامس (القسم الثاني)

فِي رِثَاءِ الْأِمَامِ الْحُسَيْنِ الشَّهِيدِ عَلَيْهِ السَّلَامُ

سَاعَةَ الْقَدِيبِ

لَمَّا مَضَى الشَّيْخُ الْخَوَافِي

تلفن : ۷۷۴۲۳۴۶ فاكس : ۷۷۳۷۸۷۰  
ایران، قم، ارم، یاساج القدس الطابق الأرضي، رقم ۵۷  
ص. ب. ۳۷۱۷ / ۳۷۱۸۵  
سید حیدر الموسوی



**هوية الكتاب :** 9 - 38 - 6223 - 964 ISBN :

**اسم الكتاب :** الحنین فی ذکرى الطاهرين (الجزء ۵ - القسم الثاني)

تألیف : أم مظفر آل شبیر الخاقانی / الطبعة : الثانية - ۱۴۲۳ هـ ق

الناشر : انتشارات انوار الهدی / صف وتنضید الحروف : حسن الشاوی

العدد : ۱۵۰۰ نسخة / عدد الصفحات : ۴۳۲

المطبعة : مهر / القطع : وزیری / السعر الدورة : ۳۰۰۰ تومان

لیتوگرافی امام سجادة علیه السلام ۵۷۱۲ ۲۵۱ ۰۹۱۱



بِسْمِ اللَّهِ الرَّحْمَنِ الرَّحِيمِ









# الفصل السابع

اليوم السابع من محرم

في ما يخص مصيبة العباس عليه السلام





## لطمية

يا بدر يبن الهواشم      هللت بـيك الصوارم  
واصبحت بالكـون رنّه      من دوه سيفك الحازم

\*\*\*\*

يا شهم لجل الملاحم      رتبك حامي الحـمه  
واصبحت شـعلة وـغها      من تخوض الملحـمه  
تبـگه عـين الكون حمـره      تقطر بـفيض الدـمه  
سيفك الحامل بـسـاله      كل عـنيد يهـشمه  
وانت يـالشـاعت حـمـيته      دمك الـدينـك مـهـيته  
انت قـايد      انت رايـد

واكسرت سود الجماجم      يا بدر يبن الهواشم

\*\*\*\*

من دوه سيفك بـكونه      زلزل گـلوب الـآم  
گامت تـموج بـرعـبها      مادرت وین السـلام  
نازله وحلت سـماها      وانطوه عـليها الغـمام  
بـعد لـانور التـشوفه      وـغارت بـجوف الظـلام  
وفـرّت مـضيـعه دربـها      من حمـه بيـها حـربها  
بـالفـراسـه      والـحـماسـه

فرّقت ذیچ المایم      يا بدر يبن الهواشم



\*\*\*\*

شمرت لجل الهدايه	واعتنت الهالمصير
واگصدت للدين حامى	مگصد الواعى البصير
هاجمت سوح المنايه	وتعرف الموقف خطير
صحت ويّه حسين صيحه	وين ميحل ويسير
وأثرت درب الشهاده	عن ثبات وعن اراده
للحمايه	للعرايه
والبست ثوب العزايم	يا بدر بين الهواشم

\*\*\*\*

تابعت خط الامامه	وارفضت ما بالزمان
حين ما شمر ابن جوشن	غال ننطيك الامان
صحت صيحه غضب حره	من سمعت بهالبيان
واطلبت منهج العزه	ورفع راسك عالسنان
يا شهم يبن العداله	كافحت گوم الجهاله
واطعنتها	واهزمتها
يا أسد فوگ الضياغم	يا بدر بين الهواشم

\*\*\*\*

انت يا نور الطليعه	الحازت اوسام العلى
اذخرك حامى حماها	مشعل الطف كربله

طاعن جيوش الغوايه	وهادم صفوف البله
ورايت الحق بيمينك	وبسـنـاك مهلهله
رايه وبچفك ذخرها	ترجمت عزها وفخرها
يبوفاضل	يا مناضل
حامى لخدور القواطم	يا بدر بين الهواشم

\*\*\*\*

عاهدت ويّه ابواليمه	عهد ثابت عالآبه
بالعمر بالروح بيعه	بالدموم الساكبه
بيعه ضد الجور هيّ	والنفوس الغاصبه
واربحت بيها يحامى	واكسبت هالمرتبه
ياليّ معنـاك المروّه	مثلت روح الاخوه
بالتفانى	هـالـمعانى
واحرزت هالفخر دايم	يا بدر بين الهواشم

### لطمية

روينه وانغر عالـحال	واسگى الحرم والاطفال
دنهض يـبـوالـغيره وگوم	واسگي الحرم والاطفال

\*\*\*\*

ضجّت حريم ورضعان	دلحگ يخويه عليها
وارحم گلبها اللهفان	حر العطش ماذيها
صوّل يراعى الوجدان	عالمشرعه ورويها
رجّ العده وسوّى الويد	واسگى حريمك يا حيد
خوض الفرات الملزوم	واجري بحرها السيال

\*\*\*\*

انت العضيد المنعوت	والفايض بأحسانه
بسرعه وعجل ليهم فوت	لاتصبر وتتوانه
اشرف رضيعك عالموت	وتغيرت الوانه
وانت الضمد واسنادى	حيّ وهله بورادى
ويومك يناصر هاليوم	يوم العلم والعسال

\*\*\*\*

شذنب الحرم ممنوعه	من الورد وزلاله
وهذا الطفل ودموعه	وسط الجفن تتلاله
بيد امّه زايد لوعه	وجف ويبس دلالة
قايد يقايد وتشوف	چبد الرضيع الملهوف
دارت عيونه وتحوم	وتگربت آجاله

\*\*\*\*

شوف الهضم والحسرات	وانهض يخويه بهمّه
--------------------	-------------------

واشحات المهضومات	وجّر غلبهن همّه
وحده تسيل الدمعات	وحده التراب تشمه
من هم غلبها الملهوب	ما تدرى تفزع يا صوب
وبالكفره ما صح رحوم	ترعه دمعها الهّمّال

\*\*\*\*

من همهن بذاك الحين	وحده تلوذ بوحدّه
والعمها مشبوحة العين	والماي وين اتنشده
وصارت على حامى الدين	غصه عظيمه وشده
حن وصفگ راح براح	والمهجه ممليه جراح
ويصيح لدحم هالگوم	واليوم اسوى الزلزال

\*\*\*\*

همّ الاسد بالرايه	والعلم شاله وسدّر
عباس حامى الثايه	صوب الشريعه اتحدّر
رايح لجل هالغايه	يروى لهيب الخدّر
هذا العجيد الفرّاس	خل يعرفون العباس
يوم الحرايب معلوم	منه تذوب الابطال

## لطمية

حياك حياك يسبع الغنطره

رباك رباك يفارس حيدره

\*\*\*\*

رباك ليام الهمم      حاويلاه

بيك الشجاعه والعزم      حاويلاه

عباس شيال العلم      حاويلاه

بحماك بحماك      يراعى المقدره

\*\*\*\*

حياك يا سبع الحرب

لعداك هزيت الغلب

وظلت مضيعة للدرب

يعداك يعداك      بمرها محيره

\*\*\*\*

لمن على الحومه اگبلت

كل الاعادى تحيرت

حملات حيدرها حملت

بالواك بالواك      سماها اتنوره

\*\*\*\*

صارت بحيره وبوجل  
وتصيح من هذا البطل  
گالوا ابن خير العمل  
علاك علاك اليوم المفخره

\*\*\*\*

علاك راعى المرجله  
حيدر المجد قابله  
وتفخر بأسمك كربله  
يمناك يمناك دعته موذره

\*\*\*\*

بـيمناك ذليت الكفر  
خليتها متيه الفكر  
عباس يا راعى الفخر  
يسراك يسراك جمعها اتطشره

\*\*\*\*

خليتها تموج بدمه  
والهام منها امهشمه  
وانت يبن حامى الحمه  
طرواك طرواك نسايم عاطره

## لطمية

حامينه حامينه      عباس حامينه  
رايح يجيب الماي      لينه ويروينه

\*\*\*\*

عباس راعى الزود      شال العلم والجود  
سالم عسنة يعود      وبنوره يـضوينه

\*\*\*\*

سكنه تنادى بصوت      منى الغلب مفتوت  
يا عمي يا المنعوت      دلحك يـواليـنه

\*\*\*\*

انظر يعمي الحال      يمك تلوع اطفال  
يـستـگـطـع الدلال      شوف اشجره عليه

\*\*\*\*

عبدالله داعى نحيل      الحگ عليه دخيل  
ويل العده يا ويل      للماي حامينه

\*\*\*\*

كلها تريد الماي      يا عمى يارواى  
اذخرك جدي الهاى      بالماي تسگينه

\*\*\*\*

ناده يبت الحيد      لدحم جموع ايزيد  
واليوم اسوى الويد      واللى تطلبينه

\*\*\*\*

يا عمي لفدى العين      والمهجه والچفين  
فدوه لبوچ حسين      وهو امانينه

### لطمية

گوم يا حمای      روينه بالماي  
شوف الزغار تلوج      شـبـعت اذيه  
ياويلي شـبـعت اذيه

\*\*\*\*

گوم مسرع گوم      واسگی الظوامی  
شوف العده تحوم      والبحر طامی  
صوّل على العدوان      وانت التـجـيه  
ياويلي شـبـعت اذيه

\*\*\*\*

عاب چبده وذاب      طفل الزغیرون  
والعطش لهّاب      ومغربه العیون  
یسبـجـي ویدیر العین      حاله رديه  
ياويلی حاله رديه



\*\*\*\*

ويل حاله ويل      آيا مـرارـه  
ماكو ثدى يسيل      ويـطفـى ناره  
وگام بجبينه يلوح      عـرگ المـنيه  
يا ويلی عرگ المنيه

\*\*\*\*

المای وین المای      واهلك مطاریح  
ومـتیـه الراى      من لهبة الريح  
حر وعطش وهموم      کلها سـويه  
يا ويلی کلها سويه

\*\*\*\*

تشکيلك الحال      کل الغوالی  
منها الدمع سال      عـالـخـد یلالی  
حاله تذوب الروح      هـالـفاطمیـه  
يا ويلی هالفاطمیـه

\*\*\*\*

یا صل یمغوار      سکنه تنادیک  
لعيون الزغار      گامت تنخیک  
یا عمی بالمندوب      لیـه کل قضیه  
یا ويلی شبت اذیه

## لطمية

يا عباس گوم انهض يوالينه  
ياخويه العساكر دارت عليه

\*\*\*\*

توحد بوعلی ماعنده حمّايه  
ملزوم الفرات وحرّموا مايه  
يا هالناس والله ما سدت هايه  
وين الواعدونا شو جفوا بينه

\*\*\*\*

لرض الغاضريه بغدر جابونا  
ومن بعد العهد شلون غدرونا  
موگالوا يوافون وينصرونه  
وما بين السيوف اليوم تمينه

\*\*\*\*

شوف المشرعه هاليوم ملزومه  
حاميه العين بصحبته وگومه  
ياخويه طفلنه غارت رسومه  
فرفر من عطش گلبه وغمض عينه

\*\*\*\*

شوف اطفال بالصيوان عطشانه  
وهاى احريم غد العظيم خلصانه  
وعلينه العده هليوم كثرانه  
وجينه الكربله وبها تحيرينه

\*\*\*\*

ناداها الحنين وتهمل دموعه  
خويه يم طهر چلمتچ مسموعه  
كلنا جنود ابوالسجاد وبطوعه  
بالارواح والاعمار فادينه

\*\*\*\*

نفدى ارواحنا من دون ابواليمه  
ومنخلى العساكر توصل خيمه  
تسيل دمومنا ولاينهدر دمه  
اهو شيخنا وعزنا وحامينه

### لطمية

يـبن الشفيه	تنخاك تنخاك
للغاضريه	الگامت برجواك
يا سورنا العالى	عباس يالوالى

بِحَمَاكَ بِحَمَاكَ      يَا أَبَا الْحَمِيَّةِ

\*\*\*\*\*

تَنَخَّاكَ لِلشَّدَاتِ يَا لِي أَكْفَلْتَهَا  
وَمِنَ الْوَطَنِ لِي جَاىَ بِيَدِكَ جَبْتَهَا  
وَبِالْعَهْدِ يَا عَبَّاسَ مِنْ طَلَعْتَهَا  
اسْمَعِ النِّخَاوَاهَا      لِيخِيبَ رَجَوَاهَا  
حَيَّاكَ حَيَّاكَ      لَخِثَّتْكَ تَحِيَّه

\*\*\*\*\*

صَاحَتِ يَلِثَ الْكُونِ بَيْنَ الْغَوَالِبِ  
يَا سَيْفَنَهُ الْهَدَّارِ يَوْمَ الْحَرَائِبِ  
خَوِيَهُ الْكَ نَخَوَاىَ شَدَّ عَالِ الْكَتَائِبِ  
يَا سَبْعَ الْمِيَادِينَ      اذْخُرْكَ بِوَالْحُسَيْنِ  
بِالْوَاكِ بِالْوَاكِ      تَزْهِي السَّرِيه

\*\*\*\*\*

اِذْخُرْكَ بِوَالْحَمَلَاتِ وَأَنْتَ دَرِيْتَه  
وَالْفَخْرَ وَالنُّومَاسَ مِنْهُ حَوِيْتَه  
بِيكَ الْأَمَلَ عَبَّاسَ مَا ضَيَّعْتَه  
أَنْتَ يَعْزُ الْكُونُ      يَوْمَ الْحَرْبِ طَاعُونَ  
رَبَّاكَ رَبَّاكَ      حَامِي الْحَمِيه

\*\*\*\*

رباك حامى الجار حارس الثايه  
يدريك للاكوان بيك الكفايه  
رادك الهاذ اليوم تحمل الرايه  
يالبيك منصوره      منومسه ومسروره  
تفداك تفداك      روح الزچيّه

\*\*\*\*

حن صاحب الغيره لمن سمعها  
احنه عليها وگام يمسح دمعها  
خويه لترتابين لرهب جمعها  
تگله يورادى      ياسورى وسنادى  
هاك العلم هاك      رج الدعويه

\*\*\*\*

يالله يبو الهدات درفع لوانا  
انت الأمل والزود وانت حمانا  
لو رحت يا مغوار يگشع ضرانا  
ياقرة عيونى      لتخيّب ظنونى  
وياك وياك      خويه المنيه

## لطمية

زينب هللت والدمع مسجوم  
يومك يا عزيد حسين هاليوم

\*\*\*\*

يا عباس هاذ اليوم يومك  
ناصر بوعلی ربی يدومك  
انت الفارس الشاعت علومك  
وبیوم الحرایب زوده معلوم

\*\*\*\*

زينب هللتله والدمع خر  
يا عباس يا صل يا غظنفر  
لو سيفك دوه يرهب العسكر  
وتظل العده من دويته تحوم

\*\*\*\*

ادعيلك واصب العين عبره  
واندب هالحنين الله ينصره  
يا ريت العزيز يطول عمره  
واتهنه بوجوده دايم دوم

\*\*\*\*

گلها وظلت ادموعه جريه  
احمي الدين بالمنه عليه  
اذخرني علي حامى الحميه  
ليام الشدايد سهمى مرسوم

\*\*\*\*

يا زينب يصير امرچ على الراس  
اتنادينى وانا المندوب عباس  
بعون الله لحطم گوم الارجاس  
واسگى هالدعايه امرار وسموم

\*\*\*\*

يا زينب لجل دين الهدايه  
افدى رگبتى واحمى البرايه  
بعزم الله نكافح هالدعايه  
ونترجه رضا الواحد القيوم

### لطمية

يا عمي جيب الماي	وارحم لهيبي
وانت العميد الهاي	وانت مجيبي
الماي الماي يا عمي	روى احشاي يا عمي

\*\*\*\*

يا عَمِّ شوفه	ماى الفرات ايموج
ذاتك عطوفه	وانت الذى منعت
والرب يحوفه	ودام العلم والجود
الماى الماى يا عَمِّ	يا حمائى يا عَمِّ

\*\*\*\*

دار بجبينه	عبدالله عرق الموت
سوربت عينه	ومن العطش والجوع
خافى ونينه	ماله صدى ولاصوت
الماى الماى يا عَمِّ	وزاد الداي يا عَمِّ

\*\*\*\*

والعطش وجّه	ضرّه الوكت والحر
ماعنده مهجه	يبجى بضعيف الصوت
والعمه يرجه	ودار بنظر عيناه
الماى الماى يا عَمِّ	يا رواى يا عَمِّ

\*\*\*\*

والعطش ضرها	تصرخ جهال ازغار
غاير بصرها	ومن شدة الآلام
يلهب جمرها	واشحات النسوان
الماى الماى يا عَمِّ	تاه الراى يا عَمِّ



\*\*\*\*

يا عمّي بشرى	گلها ينور العين
من جودى يجرى	لدم واخلى الماي
وارخص بعمرى	ولفديلج الجفين
الماي الماي يا عمّي	وبيدى الوای يا عمّي

\*\*\*\*

والچف ضحیه	يا سکنه لیچ العين
مستعز علیه	ولو هجمت الصوبین
یا هاشمیه	والماي اجيبه الماي
الماي الماي يا عمّي	واسبى عداى يا عمّي

\*\*\*\*

يا بوالشهامه	سالم عسن محفوظ
زهوة العمامه	دايم قمر عدنان
راعي الكرامه	راعي الشرف والباس
الماي الماي يا عمّي	ضبي عینای يا عمّي

## لطمية

گوم یا راعی الزود رجّ الدعيه  
للحرم جيب المای يبن الشفيه

\*\*\*\*

يا شهم گوم ابساع وارحم لهبها  
هالحرم والرضعان شنهو ذنبها  
آل اميه بيا دين منعت شربها  
ماكو رحمه وايمان بالاعوجيه

\*\*\*\*

هلكت عيال حسين من گد بچاها  
والعطش يا عباس ذوّب حشاها  
وانت يا بوالنوماس عزها وحماها  
بلکی للخيمه تجيب قطرة اميّه

\*\*\*\*

صوّل على العدوان يبن الصميده  
وهذا عبدالله اليوم يابس وريده  
هالرضيع العطشان بالله اشيهيده  
بگصته گام يلوح عرگ المنيه

\*\*\*\*

سكنه بالخيمه تصيح دلحگ عليه  
نشتكى ليک الحال وانت وليمه  
والطفل گام يلوج خافى ونينه  
وانت عمى الممدوح راعي الحميه

\*\*\*\*

توزم وشال الجود بزر الحموله  
ودمعه بالوجنات ظلت هموله  
گلها لفدى الجفين والمای انوله  
والعمر دون حسين يصبح ضحيه

\*\*\*\*

يا زچيه نخواچ واللہ اعلى عينى  
لضحى برگبتى اليوم وافدى يمينى  
لوعة عيال حسين صابت جنينى  
والدمع بالعينين غالى عليه

### لطمية

عباس يالوالى	هاك العلم هاك
ياريع دلالى	والدين بحماك

\*\*\*\*

يا بادر عدنان	خويه يبو الشيمه
وانصر القرآن	رج العده بسيفك
فارس الفرسان	وذاك علي عودك
يمرّوع عداك	يا هيبة رجالي

\*\*\*\*

يا رفعة الراس	سالم عسن سالم
خويه يعباس	بحماك منصوره
واعدم الارجاس	صول اعلى هل كوفه
تزهر بيميناك	والرايه يالغالي

\*\*\*\*

هاليوم هاليوم	يا صاحب الرايه
نقمه على الغوم	ذخري واعرفنك
ارويها بدموم	ناداها بسم الله
بصارم الفتاك	وارميها برمالي

\*\*\*\*

ندحر الظلام	بعزم الله وآياته
وحرمة الاسلام	ونصون غايته
تشهد الايام	وبشرف چلمتنا
بخالق الافلاك	واعمادنا عالي

\*\*\*\*

لجل النبي ودينه	نرخص الاعمار
ونفوت للحومه	ونوَجِّر النار
هاليوم يا زينب	لعمل الما صار
ناداته يهلالي	وياك وياك

\*\*\*\*

ادريك ياخويه	فارس وصنديد
يوم الوغه يومك	ومـعـيـد بعيد
متهمك اجموعه	ولاكثره الويد
تـگـوـه يـخـيـالي	ويدوم مسراك

### لطمية

گوم يا حامى ظعنه      يشيال العلم

\*\*\*\*

گوم صول يبولغيره يا أسد  
وين شيال العلم  
شوف عسكرها بلاحد وعدد  
وين شيال العلم

وانت للشدات يا خويه ضمد

وين شيال العلم

ما تهاب جموع لو كثر الزلم

وين شيال العلم

\*\*\*\*

هله بسمك والعلم بيدك يرف

يا عميد الكون يا راعي الشرف

عسكر ابن زياد للخيمه زحف

هله بسمك هشم العسكر هشم

وين شيال العلم

\*\*\*\*

گوم خويه هالعساكر قادمه

يبوفاضل هاذ جيش الحاطمه

عسكر ابن زياد بالله هشمه

سيفك المعروف نقمه اعلى الظلم

وين شيال العلم

\*\*\*\*

اليوم خويه يبو الغيره غيرتك

يا شجاع الكون تظهر همتك

بارز العدوان واحمى عيلتك  
صولتك حلوه يفارس يا شهم  
وين شيال العلم

\*\*\*\*

توزم العباس وهو الضيغمي  
وگام منه يلوح عرق الهاشمي  
ناده عيب الغوم تدنه مخيمى  
وأنه حامى اليوم لحدود الخيم  
وين شيال العلم

\*\*\*\*

مادمت سيفي يخويه بيمنتي  
وفوگ راس الغوم تخفج رايتى  
ابذل اجهودى واحارس عيلتى  
وما يصيبچ يم طهر ظيم وهضم  
وين شيال العلم

## لطمية

عباس يا راعى الزود      خويه  
هاذ العلم هاذ الجود      خويه

\*\*\*\*

تنادى الزجيّه اعلى الماي      جيته  
هاذ البالمروّه شاع      صيته  
ريت ابوالغيره محفوظ      ريته  
يصول ويرد لينه ردود      خويه

\*\*\*\*

شيل العلم يا عباس      شيله  
وهمّ العلينه ياخوى      زيله  
وجمّع علينه الملعون      خيله  
وشلون تگعد وتهود      خويه

\*\*\*\*

عباس يا ابوالكلفات      وينه  
زّم العده وجيب الماي      لينه  
وغارت طفلكم يا حيد      عينه  
والگلب منه ممرود      خويه

\*\*\*\*



تراده الرضيع اعلى الماي      حاله  
 نهار القوى وماله جنان      ماله  
 بس الدمع بالعينين      لاله  
 مفظور غلبه ويجود      خويه

\*\*\*\*

عليمن الشاطي ملزوم      مايه  
 ماصارت بكل الناس      هايه  
 وضيع اخي المظلوم      رايه  
 وللوطن غالوا ميعود      خويه

\*\*\*\*

عباس شوف المظلوم      حاير  
 وين اليجيله هاليوم      ناصر  
 والعسكر جموع جموع      غاير  
 كلساع كلساع يزود      خويه

\*\*\*\*

الزم الجربه وبالكوم      نادى  
 هذا العمل هم بالناس      سادى  
 يا امة لبن المرسول      اتعادى  
 ولاخافوا الله المعبود      خويه

## لطمية

شيل العلم شيل يا فارس الليل  
شوف الجموع المجبله  
وبالخيـل غصّت كـربله  
شيل العلم شيل

\*\*\*\*

شيل العلم شيل يا بوالمحـنه  
بيدك يقنديل رفـرف علمـنه  
واهجم على الخيل وألهمـ تعـنه  
دنـهـض يـراعـى المـرجـله  
وخلها تموج امبـهـذه  
شيل العلم شيل

\*\*\*\*

شيل اللوه بساع يـبن الكـتـيبه  
وانت المـاتـرتـاع لعـظـم حـريـبه  
ذخـرتـك اسـباع ليّـام نـيبه  
مـذخـور مـن بـحر العـلى  
للـكـون رجّـه وـزلـله  
شيل العلم شيل

\*\*\*\*

يومك يعباس      بالغازيه  
تشهد لك الناس      يا ابو الحميمه  
بالعزم والباس      والأخويه  
حيّك يبن عقد الوله  
والسيف بمتونك حله  
شيل العلم شيل

\*\*\*\*

شيل اللوه وگوم      هاليوم يومك  
للجيش جيدوم      ربّي يدومك  
بالهمّه معلوم      وانعرف سومك  
حياك وبأسمك هله  
دايم ينور العايله  
شيل العلم شيل

\*\*\*\*

هاى المواسات      وهاي الأخوه  
يا طيب الذات      وزين المروّه  
للغازيات      بدموم      روه

عباس يالتمثله

طاعون عالگوم وبله

شیل العلم شیل

\*\*\*\*

خیال خیال نور العشیره

یهلال یهلال مامش نضیره

عالقوم من صال ظلت بحیره

فرّت شریده بالفله

وحت علیها زلزله

●○●○●

●○●

## لطميات الوكفة

### لطمية

اجيتك يا عجيد الراى      دهّم ليه دهّم ليه  
غيابك يا نظر عيناى      وجـربيه وجـربيه  
يـحامي الواي      شفيت اعداى  
وأنا مصابك وجـربيه وجـربيه

\*\*\*\*

صرخ راعى المصيبه بصوت      دوى بعالي حرايبها  
على راعى الوفه والجود      على قايد كتايبها  
ينادى يا عماد الواي      غيابك روحى لاهبها  
وجيوش الرحمه والايمان      هوى قـمة مراتبها  
الف ويلاه      على محياه  
على نوره ومساميه مساميه

\*\*\*\*

يصيح الهايم الولهان      وعلى ناب الحزن طاوى  
اجيتك يا عجيد الراى      لگيتك عالثرى هاوى  
صريع وفاقد الجفين      ومن دم الجسم راوى  
صحت أنا الأموت وياك      واذوب بـجمرك الداوى

أنا المحزون أنا المطعون

أنا الهاجت نواعيه نواعيه

\*\*\*\*

سمعت صوتك وأنا بياحال	صحت يابوعلي ادركني
وسلامك جاني ويّ الرّيح	يـصافحني ويـودعني
اجه من صوب المسناة	تـصداني ودوه بأذني
يـخويه واعرفت هالساع	تـهـايل وانهدم ركني
عمادي انهار	آيا مغوار

شعد يومي ومراميه ومراميه

\*\*\*\*

أنا الشفت الوفي مطروح	يون وخافت ونينه
ولاعنده رمق بيه روح	يـگوم يـحامي عن دينه
بـگيت امسح دماياته	واقبّل راسه واجبينه
وگلت بلكي ابوالنوماس	يـحـاچيني ويفك عينه
ونـخيته يـگوم	وهو الجيدوم

ولاگام ونغرليه نغرليه

\*\*\*\*

ونـخيته ولاسمع نخواي	ولاچـلمه اليـلبّـيها
وفتح عينه شفتح عينه	ونـزيف الهامه غاطيها

والأخرى سهم المحدد      ذهب ضيها وثبت بيها  
صحت يا قايدى ورجواى      اصاويك شيداويها  
سهم بالعين      ولاچفين  
وتوالتك بني ميه بني ميه

\*\*\*\*

يفارس خل تنام اعداك      واخوتك ما يمرها النوم  
يخويه وعيدت سفيان      واحبائك تسيل دموم  
رحت وانت الحسام الحاد      على گوم الردى والشوم  
چنت مثل الصگر بالريح      على روس العوالى تحوم  
يليث الغاب      اخوك انصاب  
ويندبك يا محاميه محاميه

### لطمية

وينك يراعى الزود      گالوا رميه  
والرايه والچفين      بالعلگميه

\*\*\*\*

اسأل عضيدي وين      گالوا على الكاع  
يم شاطى المسنات      مگـطوع الذراع  
گومى يأمّ الظيم      وتوزمي الساع

حضرى على الورد	ساعات الوداع
لمن سمعت ابهاى	ضاع البصر ضاع
واتصورت دنياى	طبغت عليه

\*\*\*\*

ارد اعبر الجيمان	ووصل مچانه
واگصد ثرى المتروس	همّه اوامانه
انخه واگله يگوم	يحمل لوانه
ليخلي گوم ايزيد	توصل حمانه
بعد الوفى المنعوت	دايم عزانه
والعيشه والايام	مرّه وشجيه

\*\*\*\*

ارد اوصل العباس	واشكيله حالى
خله يگوم الساع	ذخرى ودلالى
مايدرى بالصيوان	ظلت غوالى
لجله تحن وتنوح	والدمع هالى
نايم عزيز الروح	فوگ الرمالى
وخله البنات سيوب	بالغاضريه

\*\*\*\*

ليش اعلى جرف الماى	بدر الهواشم
--------------------	-------------



انهض يخويه وشوف	فخر العوالم
خافن عجب عيناك	تشبع هضاييم
يبن الدرع والطاس	يبن الصوارم
گوم بسرع ياخوى	شد المحازم
خاف العده يهجمون	عالفاطميّه

\*\*\*\*

يا كافل النسوان	وين الوعد وين
هسه تجى العدوان	تسبى الخواتين
وين العجيد الجان	حامى الصواوين
نايم على الموارد	لايسره لايمين
يمته عليه تعود	يانشمى يا زين
وعين الحرم تبراك	يبن الشفيه

\*\*\*\*

تأملك رضعان	ترجع يبالزود
بيدك تجيب الماي	للچبده ممرود
عين الغوالى تحوم	عالرايه والجود
ظنّت تجيها ابساع	وتعود اردود
ما حسبت يا حيد	ماتوفى الوعود
وانت الذى معلوم	كللك حميه

## لطمية

نايم الورد والعلم يمه  
ماروه گلوب العطاشه وار توه بدمه

\*\*\*\*

توزم العباس والعلم شاله  
صوّل بروح الفراسه وشعشع اهلاله  
گصده يشفي اليوم مهجة اطفاله  
ويروى عبدالله الزغير الهاوى دلالة  
وحالت النسوان ذوّبت حاله  
هاذى ملهوبه بعطشها وذیچه تبراله  
خله دمع العين بالوجن لاله  
ونخوة سكينه العزيزه غایت آماله  
كلها ملتّمه والدمع يهمّه  
ماروه گلوب العطاشه وار توه بدمه

\*\*\*\*

صول اعلى الغوم صاحب الغيره  
ناده هاذ ابن الرسول ومحد ايجيره  
من العطش ملهوب فرفر ازغيره  
والطفل يهل الخيانه شنهو تقصيره

اصبحت يا غوم ضايعة السيره  
لا كتاب الله عرفتوا ولا تدابير  
ومهجة المختار يصبح بحيره  
لانصير ولا غربه وباعده الديره  
وضاعت الرحمه وغارت الذمه  
ماروه غلوب العطاشه وارتوه بدمه

\*\*\*\*

هاالفرات يفوج طافح بماية  
وعترة الهادي عطاشه بياجزى وسايه  
كل وحوش الكاع منه روايه  
بس على حسين وصحبته تحمي حمايه  
والله ياهاالناس ماسدت هايه  
ولامثل جور آل اميه صارت اروايه  
لحمل البتار واغصب اعدايه  
واحمل الجود اعلى ظهري واحمل الرايه  
لنهض بهمّه اعلى الكفر نقمه  
ماروه غلوب العطاشه وارتوه بدمه

\*\*\*\*

فات ابو الاحسان ثاير بزوده

وخله جيمان الطواغي بسيفه مردوده  
 وعسكر العدوان هشم حدوده  
 درعم الصوب الشريعة وعالمتن جوده  
 واعلى ابوالسجاد روحه ممروده  
 ما شرب ماي الفرات وثبت عهوده  
 لجل اخوه حسين واهله واجنوده  
 ضحه بالعين ورگبته وضحه بزنوده  
 ماهوه عزمه ولاثنه سهمه  
 ماروه گلوب العطاشه وارتوه بدمه

\*\*\*\*

اعلى العقيده فات والعمر عافه  
 گضه ممرود القواد ويابسه اشفاه  
 شحال ابوالسجاد من أجه وشافه  
 بسهم المحدد رميه وغارت اوصافه  
 بدمعة الاحزان ساندده وحافه  
 وگله ياخويه اكسرتنى وموتك اوسافه  
 وانت نعم العون بالعهد وافه  
 وسفه دين الله ورسوله خلصت احلافه  
 وانحنه ايشمه وغارگ بهمه

ماروه گلوب العطاشه وار توه بدمه

\*\*\*\*

گـوـض العـبـاس      رـوـحـه عـطـشـانـه  
و من دمه الهامه ترّوه وماروه اجنانه  
والأشد من های      بـلـوه رـضـعـانـه  
صوبت گلبه وضميره وهدت اركانه  
و مارجع بالماي      يـرـوـى نـسـوانـه  
وظلت سمووم المصيبة تاذي وجدانه  
يالّي طبعه الطيب      و الـوفـه شـانـه  
قدم ادموم الوريد وعرف احسانه  
واعـتـله رـسـمـه      و الفـخـر لـسـمـه  
ماروه گلوب العطاشه وار توه بدمه

لطمية

ظهري انصاب يالغالي  
وانهض شوفني اشحالي

\*\*\*\*

صاح بگلب مترادی      يا بالفضل حاجيني

ركن الصبر هديته      بعدك سيف ايميني  
وسهم اللي صاب عيونك      بصوابه صوّب عيني  
راح الزود يــــعضيدى

وبعدك صار تبديدى  
وموقع وجودك خالى      وانهض شوفني شحالى

\*\*\*\*

حين الـوگف بوليمه      يم العضيد وشافه  
عليه انحنه بدلاله      وصوت الحزن بشفافه  
يگله انهدم عسكرنا      وبيمن بعد يتلافه  
اگــــعد شيلي الرايه

وانهض حوفلى الثايه  
وانت عميد ارجالى      وانهض شوفني اشحالى

\*\*\*\*

بعدك يطود ارجالى      مالى صبر لاحيله  
وهذا العلم عالشاطى      منهو اليگوم ايشيله  
ولوله رجعت لخيامى      شنهو جواب العيله  
ولوله عليك سألونى

واعلى الماي حاطوني  
بيمن ارجي اطفالى      وانهض شوفني شحالى

\*\*\*\*

چانت تصد لدروبك      بلكى تجى تروياها  
ومن العطش والآمه      هالعايله تحميهه  
بيك الأمل يعضيدى      وانت الحنون اعليها  
تترجاك رضعاني  
وما رجعت يالحاني  
وخابت يخويه آمالى  
وانهض شوفنى شحالى

\*\*\*\*

انهض يراعى الشيمه      حامينى واحمي اخيامى  
وانه الغريب الهاوى      بين الحرب والآمى  
ومن كل جوانب دنيای      كثره عليه اسهامى  
يابو الزود والغيره  
ليش تعوفنى بحيره  
ودمعى اعليك همالى      وانهض شوفنى اشحالى

\*\*\*\*

رحت بعطش دلالك      وماى النهر تركيته  
لجلي ولجل رضعانى      عنه بعدت وارميته  
موقف الك يالحامى      ويه الدهر توقيته

وانت الشاع معروفه  
يالى انصاب بـچفوفه  
وانت المثال العالى وانھض شوفني اشحالى  
\*\*\*\*

عفت العمر ومھيته لجل الشرع واحكامه  
يشھد دماك الزاكي وچفوفك ويه الهامه  
طف كربله شرويته وبالعز رفعت اعلامه  
كل الناس تحجيا  
للعباس حاميها  
واسمك دام للتالى وانھض شوفني شحالى

### لطمية

گوم يھلال العشيره گوم يا وافي الوعد  
رجع ظعون الغوالى يالجبته من البلد  
\*\*\*\*

حمل ظعون الغوالى وبيدك يلوگ الحمل  
وين شيال الكلايف وين عباس البطل  
ھودج اختك يا شفيه عدله فوگ الجمل  
وانت رجواھا وحماھا شلون عنها تبعد



\*\*\*\*

رجع اختك يا شفيه يا لجبتها برهده  
بالكرامه سايرتها وبحماك أمأمنه  
شلون جيه من جبتها جيّت العز والهنه  
وفوگ ظعن الهاشميه رفت طيور السعد

\*\*\*\*

فوگ راس الهاشميه خفجت اعلام الفخر  
وانت جيدوم السريه وبوجودك تبشتر  
بيدك الرايه العليه رايت العز والنصر  
يالذي رباك حيدر ضيغمي ونعم الولد

\*\*\*\*

يا ربات العز يغالى يا شبل حامى الحمه  
ليش خلّيت الزچيه باليتامه موزمه  
تدرى بالحره العفيفه اعلى الدلال معلمه  
وهسه محتاره وأسيره وطاح ظلها والعمد

\*\*\*\*

وين ذاك الظعن لونه شلون من هاذ الظعن  
رجعت اختك بالمهانه والعدو بيده الرسن

شافت انواع البلايه وضافت انواع المحن  
گوم يا صاحب الغيره گوم لاتهجع بعد

\*\*\*\*

راحت اخوتها النشامه وطاح سد العايله  
وظلت اختك بالكائبه حايره وموجه  
لش عفتوها غريبه ونمتوا بطف كربله  
راحت ارجال المهابه وبعد بيمن تستند

\*\*\*\*

گوم رجب هاليتامه يآلي فوگ المشرعه  
لش نايم عالوطيه والجفوف مقطعه  
تقبل مروتك خواتك بالبرارى ضايعه  
مابگه والى يلماها ولاكفيل ولاضمد

### لظمیة مربوعة

خويه يا عباس شوف احوالى  
والمصبيه وجت بدلالى

\*\*\*\*

مصيبتك عباس هدت حالتى  
يا عضيدى گوم وارفع رايتى

وانهض النخوای وارحم غربتی  
شوف دمعي اعلى الوجن همالی

\*\*\*\*

شلون وگفه حسين عالحامی وگف  
محنى ظهره والدمع يجرى نرف  
من صميم احشاه يا خويه هتف  
كدرتنی و حطمت آمالی

\*\*\*\*

وانحنه ايشمه وينشف طبرته  
وشاف مگطوعه اليمين ويسرته  
والدمه مهمول غاطي وجنته  
شلون حاله شاف اخوه الغالي

\*\*\*\*

ينظر بياحال شيال العلم  
فاگد الزندين وبعينه السهم  
ناده يا عباس يا راعى الشيم  
گوم وانهض يا عميد ارجالی

\*\*\*\*

گوم يهلال الهواشم يا وفي  
بعذك العدو ان بينه تشتفى  
وعسكر الايمان بعذك ينطفئ  
يصعب اعلى نومتك برمالى  
\*\*\*\*

عیدت سفیان من طاح اللوه  
والمحب اليوم بمصائبك دوه  
وبسهم فرگاك دلالى انچوه  
وبعذك الدنيه فلا تحلالى

### لطميّة

يصيح ابواليمه ويريد اعوانه  
حزام ظهره واگع بميدانه  
\*\*\*\*

هالغريب يصيح ما واحد أله  
وعسكر ابن زياد تارس هالفله  
ناده يهل الزود يهل المرجله  
صفيت وحدى والعهده كثرانه

\*\*\*\*

خويه يا عباس يحزام الظهر  
من عكب عيناك هالجيش انكسر  
واهدمت رجواى يا ضي البصر  
حتار فكرى ومهجتى خلصانه

\*\*\*\*

هدمت رجواى يا روح الأبّه  
وتدرى يا عباس نارك لاهبه  
والغوالى خلاف عينك سايبه  
صواب فقدك يالاخو رجّانه

\*\*\*\*

گوم يا عباس يا سيف الحمه  
وانصر المظلوم بضعة فاطمه  
وارحم الرضعان من حر الظمه  
وجيشك المنكوب لمّ اركانه

\*\*\*\*

يالاخو ظليت مالىّه احد  
وعسكر ابن ازياد مرفوع العدد

بيك زودی چان وانت المعتمد  
مشيت يا روح الأبّه وعنوانه  
\*\*\*\*

ناده يا طيبين گوموا النصرتي  
مفرد و حيران شوفوا حيرتي  
يهل المروّه دسمعوا نخوتي  
عفتوا مولاكم فريد اكوانه

### لطمية مربوعة

گوم يا عباس يا والينه  
يا الجبتنا ليش مستودينه  
\*\*\*\*

يا الجبتنه من المدينه الكربله  
گوم خويه الساع رد العايله  
وظعن ابو السجاد بيدك حملة  
موسجيتك يا لاخو تجفينه  
\*\*\*\*

عالشريعه تنام وتعوف الاهل  
تدرى موهين عليك ولاسهل

وانت يا عباس شيال الحمل

شلون جيه بشيمتك من جينه

\*\*\*\*

بيدك الرايه ترف اعلى الظعن

يوم جينه وياك واتركنه الوطن

خاف هالنسوان بعدك ينسبن

تعوفهن وانت الضمد والعينه

\*\*\*\*

يالاخو معذور وانت الضيغمي

خاف جودك طاح فوگ العلگمي

خاف دم الراس عالوجنه ايهمي

وماگذرت من الورد تسگينه

\*\*\*\*

ندري بحسانك يسبع الگنطره

ما اظن ترضه الخوات محيره

لكن رسوم الجميله معفره

اشطاح بيدك يالحنين عليه

## لطمية

ياليث العساكر يا محاميها  
والرايه يخويه تريد راعيها

\*\*\*\*

يا حامل الرايه ما تحاجيني  
واصوابك رمانى وزيد ونيى  
نمت اعلى الوطيه ومن يحاميني  
والعدوان ثارت من يلاغيها

\*\*\*\*

شهانومه يخويه برملة الوادى  
وانت حزام ظهري وسيفى واسنادى  
ما تسمع عضيدك واگف اينادى  
بحماك الكتيه تريد واليها

\*\*\*\*

مطروح العلم ويريد شياله  
وبعدك يا عضيدى منهو يحلاله  
والميدان ساب وضيع هلاله  
يا نور الطليعه الجان ضاويها

\*\*\*\*



من طاح العميد وطاحت الرايه  
وهجمت گوم ابن سفيان دوايه  
والمظلوم صاح وماله حمايه  
واصحابه ثرى الوديان غاطيها

\*\*\*\*

من حين الترادى صاحب الهمة  
بان الأنكسار بوجه ابواليمه  
حايروالاعادى عليه ملتمة  
واحزانه علت من كل نواحيها

\*\*\*\*

صارت ضغبره من طاح ابوالشيمه  
ساب الكون وانهدت تقاسيمه  
قايد بوعلی متگنظر هضمه  
يا وسفه هدف صار المراميه

### لطمية

نايم على الشاطى يا بعد عيني  
يا خويه غريبه لاتخلينى

\*\*\*\*

نايم على الشاطى يا بدر عدنان  
وشوارب الغيره معفره بتربان  
اسمعنى يخويه واسمع النسوان  
يالبيدك جبتنى گوم ودينى  
\*\*\*\*

يالبيدك جبتنا ما ترد بينه  
خويه بدار غربه لاتخليه  
ترضه ويّه الاعادى يسوگ حادينه  
واصريخ اليتامه زيّد اونيى  
\*\*\*\*

بديار الغريبه شلون تدبارى  
وادرى بالعهه ما ترحم ازغارى  
وابحر الوطيه جملة انصارى  
منهو اليعدل حمولى ويبارينى  
\*\*\*\*

نايم يا عزيزي بطرف المسنات  
ومصابك چوانى يا شريف الذات  
ترجعلى واشوفنك بعد هيهات  
يالچنت بوجودك رافعه جبينى

\*\*\*\*

يا راعى المروّه مو عليك بهون  
زينب والغوالى بوليت الملعون  
ولرض الشام ياخويه العده يردون  
تاليها يسيره واصفگ ايمنى

\*\*\*\*

ياخويه المحنه هاى تاليها  
تناديك العزيزه ما تحاچيها  
وعهود الكفاله ما توافيها  
انهض يالمحامى وشوف تمحبنى

**لطمية**

وعدك وين يا عباس  
والرضعان عطشانه

\*\*\*\*

يا عباس وعدك وين  
مشبوحه عليك العين  
وتحير اخوك حسين  
وراحت جملة اعوانه

\*\*\*\*

ماردیت لصیوان  
تسگی عیلة العطشان  
وتروی مهجة الرضعان  
منها الروح خلصانه

\*\*\*\*

سكنه واگفه تناديك  
وعیون الغوالی عليك  
یالحامی وضمدها بیک  
وانت الشایع احسانه

\*\*\*\*

تدری مفرفره الاطفال  
منها تـفـطر الدلال  
ما یخفاك هاذ الحال  
كلها تـلـوب لهفانه

\*\*\*\*

یالحامی درد لیها  
ومن المای دسگیه

ما تسمع بواجيها  
يالواگع بميدانه

\*\*\*\*

يالواگع بالمسناات  
دسمعنه يطيب الذات  
عيب تبطل الونات  
يااعزنا ويسلوانا

### لطمية

هالرايه الهوت بالگااع  
طايح وين راعيها

\*\*\*\*

راعيها هوه بيا صوب  
ذاك الفارس المهيوب  
والعسكر صفه مگلوب  
ومگبر نواديها

\*\*\*\*

صارت ضغبره واصياح  
لمن بو الفضائل طاح

ريسان الحرايب راح  
ومنهو اللّي يوافيها

\*\*\*\*

شها الضجه الغدت بالكون  
قايد بو علي مطعون  
ومن بعده العده يهجمون  
واخواتك شيسليها

\*\*\*\*

خويه بياكتر مطروح  
واخواتك علاها النوح  
من بعدك شيصبر الروح  
انهض يا محاميها

\*\*\*\*

ليش اعلى النهر نايم  
خويه يا بدر هاشم  
والعسكر غده جايم  
ثارت كل نواحيها

\*\*\*\*

زينب نادت بعبره  
اخوك محير بأمره  
يصبح ومحد ينصره  
وگومه تراب غاطيها

### لطمية

يعباس ظهري انكسر  
خويه ينور عيوني

\*\*\*\*

صاح حسين يا كسرتي  
يا خوي بعدك حيرتي  
خلصت رجالي واخوتي  
يهل الوفه تركتوني

\*\*\*\*

عباس يصبي عيني  
وسط الغلب چاويني  
يابو الوفه تخليني  
وآنا وحيد بكوني

\*\*\*\*

عباس يا راعى الوفه  
عباس يا حلو الصفه  
عباس يا ابو العاطفه  
باطيب اخو عازونى

\*\*\*\*

ظهري انكسر يعزىدى  
شبيدى يخويه شبيدى  
وانا بگيت وحيدى  
عزاز الغلب عافونى

### لطمية

هذا العلم يا خوى      مننهو يشيله

\*\*\*\*

چاوين شياله      ناييم على ارماله  
ويا حالة عياله      وتصرخ مطافيله

\*\*\*\*

هذا العلم بالكاع      مننهو يشيله الساع



وياك خويه وداع يا كافل العيله

\*\*\*\*

انهض يخويه وگوم وانت عجيد الگوم  
خويه حلالك نوم يالمحد امثيله

\*\*\*\*

يا ريس الجيمان نايم على التربان  
وبوعلي وجعان خلصت رياجيله

\*\*\*\*

شوف الغريب شلون ماله ضمد لاعون  
وكل الزلم بالكون والمدمع يسيله

\*\*\*\*

واگع يحامى الدين ومگطع الجفین  
والسهم طر العين والدم ضهد حيله

### لطمية

ياخوى فصمت ظهري

يا عباس حاجيني

\*\*\*\*

يصيح بصوت وينادي

انت العيين واسنادي

اليوم تهدم اعمادى  
صوابك صوّب العينى

\*\*\*\*

صداله ويجر حسره  
وهو محير بأمره  
غلبى عليك شيصبره  
عيب ايبطل ونينى

\*\*\*\*

آيا يحسين من شافه  
والدم غير اوصافه  
دامى ويابسه شفافه  
يگله السهم ماذينى

\*\*\*\*

ياخوى فجعت غلبى  
بعدك ما اصد دربى  
وعليه وجر حربى  
وانت سورى ومعينى

\*\*\*\*

يا عباس ظهري نعب  
صوبني الدهر نشاب  
عيني تشوفك اعلى تراب  
سهمك نار چاويني

### لطمية

مطروح يا ريسان      فوگ المشرعه

\*\*\*\*

مطروح يا بوالدين      ومگـطع الجفين  
والسهم طر العين      هاوى على التربان

\*\*\*\*

وسفه يطيب الذات      واگـع بالمسنت  
ومخضب الوجنت      آيا گمر عدنان

\*\*\*\*

بالعلگمی ممدود      يا بوالشرف والزود  
ما عوديت اردود      يا صاحب الاحسان

\*\*\*\*

وبو علي شحاله      مـمرود      دلالة

ومـگـوضه رجـاله ومـکـاثـره العـدوان

\*\*\*\*

لـيش الـولى عـفـته ومـحـير تـرکـته  
والـمـای مـا جـبـته لمـخـيم النـسوان

\*\*\*\*

کـلـها عـطـاشـه تـلـوب وفـادـها مـلـهـوب  
ومـضـيـعه المـحـبـوب حـيرـه وعـطـش واحـزان

### لطمية

هـای الزـچـيـه تـصـيح وعـدـك ويـنـه

\*\*\*\*

يـالـى جـبـتـها ويـاك وتـنـومـست بـحـماک  
خـلـيـتـها ويـه اعدـاک ومـشـيـت يـالـعـينـه

\*\*\*\*

يـالـى اکـفـلت زـينـب يـازـين يـمـنـتب  
لـيش الظـعن غـرب يـا صـاحـب الزـينـه

\*\*\*\*

نـادـت يـبـو الغـيرـه خـلـيـتـنـى بـحـيرـه

واخلافك يسيره      تعرضه يحامينه

\*\*\*\*

وين الكفاله وين      يا خلفت الطيبين  
صوبك ربيه العين      چاليش تجفينه

\*\*\*\*

يالواعدتنى شلون      بالعلگمی مطعون  
خاف العده يهجمون      بعدك يوالينه

\*\*\*\*

نايم يبولنوماس      يالبيك رفعة راس  
متگوم يا عباس      ما تنغر عليه

### لطمية

اويلاه يخويه طاح ورادی  
اويلاه يخويه تکور عمادی

\*\*\*\*

صرخ صوت دقومی بساع يحينه  
دریتی عزيزچ صوبوا عينه  
يخويه يشيل العلم رامينه  
دطلعی يحوره وشوفی اشسادی

\*\*\*\*

هوه الساع عمادى وطاحت اركانه  
يحزنى على المعروف عنوانه  
ببو الزود يوسفه اشتفت عدوانه  
يزينب يخويه انهدت اوتادى

\*\*\*\*

عزيزچ على التربان خليته  
اويلاه احزام الظهر خسريته  
صعب چود عزيز الغلب تركيته  
مصابه شعل نيران بفادى

\*\*\*\*

بعد وين الاقى ريس ازلامى  
درىتى يزينب واگع الحامى  
يخويه اصيحن من گلب حامى  
يعباس عليك يگبر النادى

\*\*\*\*

على الحيد غدت بخيامهم ضجه  
وبالعيال تعالت ضغبره ورجه

يعباس يغالى شكبر الفجه

يبوالزود عليك الحزن مدّادى

\*\*\*\*

چوانه مصابك يبوالحنيه

يعباس خواتك بگت مسبيه

يوسفه على شاطى العلگميه

ابو الذات يضل مطروح بالوادى

\*\*\*\*

يعباس يبوغيرت الموصوفه

بعد وين يجينه الحيد ونشوفه

رميه الحنين وقطعو چفوفه

على اجفاك مرير الشرب والزادى

## لطمية

طفل الولى عطشان      مارويته

\*\*\*\*

عينه عليك تلوب      ويستنظر المطلوب

رديت مرمى النوب      يا ساگى الرضعان

\*\*\*\*

للطفل ما رويت	وللخيم ما رديت
وانت ينور البيت	ويا زهوة الخوان

\*\*\*\*

احوه يساگينه	مصوب حامينه
ماعودت لينه	ايا گمر عدنان

\*\*\*\*

خويه طلبنه الماي	ومنو مسه بنخواي
بيكم نظر عيناى	وسفه زمانى خان

\*\*\*\*

والماي ما جانا	وتلوب رضعانا
وبالظيم خلانا	وبوعلى حيران

\*\*\*\*

والمير حيريته	والظهر كسريته
يا حيف ماجيته	يا صاحب الاحسان



## لطمية

بجرف النهر مطروح ياورادى

\*\*\*\*

انهض يريس اعضاى	طاح اعلى جرف الماى
لتعوفنى وتروح	منهو ألي حماى

\*\*\*\*

آياگمر هاشم	فوگ الجرف نايم
وانت الاخو الممدوح	سالم عسن سالم

\*\*\*\*

يمّه العلم والجود	عباس يابو الزود
وبعده سگيمه الروح	يمته العزيز يعود

\*\*\*\*

وتگوم تحمينه	يمته ترد لينه
ودماک خويه يفوح	جودک مزقينه

\*\*\*\*

عطبت دلالى	عباس يالغالى
شلون الگلب مجروح	گوم انظر احوالى

## لطمية

يعباس العلم والجود      ليش اعلى الجرف مرمى

\*\*\*\*

عباس العلم عفته      بجرف العلغمى تركته  
خويه يا بعد اخته      غلبى من الألم يدمى

\*\*\*\*

عباس اعلى جرف الماي      تركت الجود يارواى  
والله نحيلت اعضاى      عيونى دوماها تهى

\*\*\*\*

دمعى من دمه مهمول      وجسمى من الهضم منحول  
يا غالى يحلو الطول      يا خلفت هلى وعمى

\*\*\*\*

بجرف المشرعه مطروح      ذاك اللى تريده الروح  
يا عباس يا ممدوح      وسفه ما نجح سهى

\*\*\*\*

راح الزين شيرجعه      راح البالوصف طبعه  
اعليه طول العمر انعه      همى ما يفلى همى

\*\*\*\*

راح اللى عليه حنين      يا وسفه انضرب بالعين  
ويمه الجود والچفين      يعينى عالحنين اعمى

## لطمية

هالفارس المطروح      وين چفوفه

\*\*\*\*

چاوين چفينه      والسهم طرعينه  
ومخضب جبينه      والجسم كله جروح

\*\*\*\*

وسفه يبدر التام      فوگ التراب اتنام  
يالفارس الضرغام      ليش الدمه مسفوح

\*\*\*\*

لتنام هالنومه      والهامة مهشومه  
يالشاعت علومه      وانت الاخو الممدوح

\*\*\*\*

نايم يبو الغيره      وبوعلى بحيره  
وين الذى يجيره      واعليك ماله روح

\*\*\*\*

يا ساگى الرضعان      ما عدت للصيوان  
وانفجعت النسوان      وبالخيمه صار النوح

\*\*\*\*

وعبدالله يا حاله      وانفطر دلالة  
والمای ماجاله      ليک النظر مشبوح

● ○ ● ○ ●

● ○ ●

## نواعى فايزى

گومى يزىنب هللهلى الحامى الظعینه  
بدر الهواشم فات والسيف بيمينه

\*\*\*\*

صوّل يسبع الگنطره صول على الگوم  
واحمى خواتك يا شهم وانصر المظلوم  
وصّاك حماى الحمه والوعد هاليوم  
وانت عضيد ابن النبى وانت معينه

\*\*\*\*

دايم يروح المعرفه دايم يعباس  
من هاشم وغالب حويت الشرف والباس  
هاليوم هزّ مذهبك واعدم هالرجاس  
وخل تسمع العدوان رجّاته ورنينه

\*\*\*\*

گومى يزىنب هللهلى واتمايزى ليه  
عزه وشهامه ومرجله فاضت حواليه  
هذا يزىنب ناصرچ حيّ وهلا بيه  
وبزهره الايمان يتشعشع جبينه

\*\*\*\*

سالم عسه روح الوفه ويعود اردود  
وتدوم هالرايه ويدوم الفخر والزود  
ومن كيد اميه تسلم چفوفه والزنود  
واعلى جنود الطاغيه ربه يعينه

\*\*\*\*

يا كافل الحوره يواليها وذخرها  
تدريك يوم الملحمه عزها وفخرها  
وحان الوعد هاليوم يا فارس مضرها  
يابوالفضل يوم الوفه هاليوم حينه

## نواعى فايزى

هاليوم يومك يا بدر هاشم وعدنان  
مذخور من حيدر على ليّام الاكوان

\*\*\*\*

هذا يحيدر ذخرك الطيب ذخرتّه  
من زغر سنه اعلى الهمم والعز طبعته  
ويومه عظيم بكربله يظهر عرفته  
ويصيرله بين الخلايگ سمه وعنوان

\*\*\*\*

عباس والرايه بيمينه اليوم تحله  
وصول على گوم الردى والسيف سله  
اختصت ميادين الحرب للحيد واهله  
امه عفيفه والابو فارس الفرسان

\*\*\*\*

هالطالع شهانور يزهر من جبينه  
وارتجت الاكوان من صولة يمينه  
مغوار بارز للعهده بقوة يقينه  
طشّر كتابها وشعل بالكون نيران

\*\*\*\*

اگبل بزوده والعهده عافت مقرها  
مثل الطيور الهازمه خلت وكرها  
فرت مريبه وعالارض خيم صگرها  
يحصد جماجمها وبگت نومه اعلى التربان

\*\*\*\*

شي لزمت الوديان شي تعثر بالخيول  
مادرت وين تروح من صارم المسلول

صاحت الغوث الغوث لمن شافت الهول  
وهو العجيد الحاكم بحومة الميدان

### نواعى فايزى

عباس يا راعى الوفه ما تسمع حسين  
نايم على جرف النهر والسهم بالعين

\*\*\*\*

اسمع كلامى يالاخو وانهض يمندوب  
دارت عليه الدايه والحرب كل صوب  
وانت يقايد عسكرى بالراس مضروب  
واعداك بعدك عيدت والفرح صوبين

\*\*\*\*

أمن عدوك من طحت ياليث الاكوان  
واصبح خليلك بالهضيمة ويوم الاحزان  
انهض يخويه وشوفنى مابين عدوان  
ظهري نكسر بجفاك يا عز الميادين

\*\*\*\*

عباس خويه بنومتك ظهري كسرتة  
والجيش بصوابك يورادي هدمته  
شحجي واگل العايله يا كافل اخته  
لو سايلوني عن مصير الماي هالحين

\*\*\*\*

عندك حراير بالخيم ظلت يرواي  
ماطاح بيدك ترجع الها بشربة الماي  
ياحيف تاليها صريع اگبال عيناى  
دمك يسيل اعلى الثرى وفاگد الجفين

\*\*\*\*

لمسح دماک بيمنتي يا زين الاطباع  
وارفع جبينك يالوفي من واهج الگاع  
عباس ما تدرى بعضيدك محنى الاضلاع  
ذاب اعلى جسمك والچبد منفطر نصين

### نعي مجرد

يا كافل الحوره يعباس هاليوم يومك يبورالنوماس  
حطم بنى ميه الارجاس



\*\*\*\*

الغف الرايه وصول بيها وادخل الحومه وخوض بيها  
يا عون زينب يا وليها

\*\*\*\*

حن البطل واجره دمعته وعين الزقيه شاهدته  
صاحت هله يا كافل اخته

\*\*\*\*

نادت يخويه ونظر عيني بلكى بحنانك تباريني  
مثل ما جبتنى دوديني

\*\*\*\*

لكن يخويه نرد هيئات والوعد برض الغاضريات  
واختك تظل ما بين حسرات

\*\*\*\*

اختلف يكافلها وحماتها ماينطفئ همها وبلاها  
للموت هالونه اويها

\*\*\*\*

عباس خويه بذمتك جيت ولرض الفرات اهنا تعنيت  
ياريت ارد وياك ياريت

\*\*\*\*

وين الرجوع يصير وينه واهل الغدر دارت عليه  
خلها تنوح ارض المدينة

### نعي مجرد

هلهت زينب والدمع هل وگلبها لبوفاضل توجل  
محروس يا طول المعدل

\*\*\*\*

ياگمر هاشم يا بدرها يا ذخر زينب يا فخرها  
يامن على الحومه صگرها

\*\*\*\*

عباس ما مثلك بالاخوان يالدربك فارس الفرسان  
مذخور من هاشم وعدنان

\*\*\*\*

گلها يزینب يا زچيه روحى لقدّمها ضحیه  
وانصر غريب الغاضريه

\*\*\*\*

اخوچ وحسامه فوگ المتون لدعي بنى ميه يفرون  
صاحت هله وتفداك العيون عباس وبيومك يوصفون

\*\*\*\*

يا ضيغمى الما تعرف الخوف عباس يوم الحرب موصوف  
ودامت الرايه وياه الجفوف

\*\*\*\*

يا هيبتى ورافع الهامه عباس يا راعى الشهامه  
واهلل تزهر بالنشامه

\*\*\*\*

دايم يبو غيرت الحلوه كفوين للهّمّه والنخوه  
يا حيد يالكلك مروه

### نعي مجرد

هالفارس الصول على الكون هذا منو گاموا ينشدون  
گالوا ابن هزاز الحصون

\*\*\*\*

ارتهبت بنى ميه من اجاها وبسيفه گنظرها ولواها  
عباس ابن حامى حماها

\*\*\*\*

لمن على الحومه تحدر خله الزلم بالخيل تعثر  
عباس يا قايد العسكر

\*\*\*\*

حياك يا ناصر عضيديك يحله العلم والسيف بيدك  
والگوم فرت من رعيديك

\*\*\*\*

محروس بالباري يبولزود وتودوم چفينك والزود  
واعلى المدينه تعود اردود

\*\*\*\*

دامت الرايه يبولنوماس ومحروس بالباري يعباس  
وهاليوم حطم گوم الارجاس

\*\*\*\*

عباس يا زهوة عمامه وچنه بدر ليلة تمامه  
راعى الفخر راعى الشهامه

\*\*\*\*

بعيد البله وترجع للبلاد دايم عسه نورك يوراد  
محفوظ من هجمة ابن ازيا

### نعى مجرد

عباس يوم الحرب هاليوم يا صاحب الرايه ي معلوم  
خوض العده وانصر المظلوم

\*\*\*\*

نادت ألي وياك چلمات يا ضيغمي يا طيب الذات  
وانت ذخر صاحب الكلفات

\*\*\*\*

گلها يبت حامی الحميه احميچ بالمنه عليه  
واحمي خدور الفاطميه

\*\*\*\*

يا من على زودی طلعتی وياچ يحله الغول يختی  
والله لضحيلچ رگبتی

\*\*\*\*

بعهدی الکفاله جيتی وياي خويه لحطچ فوگ عيناى  
ومن خدمتچ ما تمل يمنای

\*\*\*\*

گالت هله يا قرة العين ونعم الضمد يوم الميادين  
عباس واعرف گلبك حنين

\*\*\*\*

عباس وادری بيک مغوار يالرتبک حيدر الکرار  
اورادک تحطم گوم الاشار

\*\*\*\*

تگوه یبن چتال مرحب عباس یا سیف المجرب  
اشحد العده لحماک تگرب

### نعی مجرد

سکنه نخت والعین عبری تگله الغلب مگدر اصبره  
ونار العطش بحشای کبره

\*\*\*\*

یا عمی تدری موجهه حشای دنهض یبوفاضل یحمای  
والحگ علیه بگطرة المای

\*\*\*\*

هالغالیه لمن سمعها یمها وگف یمسح دمعها  
والرایه بیمنه رفعها

\*\*\*\*

گلها ویهل امدامع العین امرچ علی الراس وعلی العین  
عمی یصیر اشما تریدین

\*\*\*\*

گالت فلا یخفاک هالحال یمک تلوع وتصرخ اطفال  
وجمر العطش ذوب الدلال

\*\*\*\*

گلها یسکنه یا غریبه    والله لو جرّ هالحریبه  
ولما ی لخیامچ لجیبه

\*\*\*\*

اطلع بزودی وادحم الگوم    وانهض وروی گاعها دموم  
واسگی عدوی کاس مسموم

\*\*\*\*

یا غالیه ویا نور العیون    مادام سیفی فوگ المتون  
لدعی بنی میه یفرون    بالله الضمد وهو ألی عون

### نعی مجرد

عباس خویه کسرت ظهری    وبعذك ابد مارید عمری  
شنهو یرید یصیر صبری

\*\*\*\*

شیصیر گلبی وافتکر لیک    خافی الصوت ونفس ما بیک  
والعلم والجربه حوالیک

\*\*\*\*

نایم ولالک اید تنشال    ولا ثغر یستکلم یسردال

والراس بعمود الكفر مال والعين دمها من الجفن سال

\*\*\*\*

هامت الغيره صوبوها وچفوفك الطيبه اگطعوها  
وعيونك الوسعه اضربوها

\*\*\*\*

سهم اللي صابك صاب چبدى شفتك وماظل حيل عندى  
تدرى يخويه بگيت وحدى

\*\*\*\*

يا قايد العسكر يجيدوم الكف الرايه وانهض وگوم  
خلافك يخويه الظهر مفصوم  
مالك جنان تگوم ليه وتنغر يبولشيمه عليه  
نايم يبونفس الأبيه

\*\*\*\*

ظهري يخويه صوبيته واسهام مسمومه رميته  
وياك السعد خويه خذيته

\*\*\*\*

مطروح يا عباس يا حيف انهض وشيل العلم والسيف  
وآنا تره مضيع التكليف



### نعي مجرد

يَمُ الشريعة گبر صياح وعباس فوگ العلگمی طاح  
راح الاخو وانطفه المصباح

\*\*\*\*

گومن یخیه شوفن اشصار صارت الضجه والترب ثار  
گالوا هوئ القاید المغوار

\*\*\*\*

واگع علی جرف الشريعة مطروح وچفوفک گطیعه  
عباس یا حلو الطبیعه

\*\*\*\*

امشن نروح اعلى المسنات ونشوف زين الطبع والذات  
انگله دشوف الفاطمیات

\*\*\*\*

ظلن یخویه بغير حمای حاله فجیعه وضایع الراى  
وانت الذی واعدت بالمای

\*\*\*\*

شوف الحرم یا بدر عدنان یستعثرن والحیل تعبان  
من سمعن بموتک یريسان

\*\*\*\*

طايح يراعى الفخر والباس وعمودنا تهدم من الساس  
العسكر هوى وياك عباس

\*\*\*\*

يبجى العلم وينوح الجود وين الوعد يا صاحب الزود  
بعدك خواتك ابد متهود

\*\*\*\*

وين الوعد والمای وينه برجواك ياخويه سكينه  
وبالمای حسبت تروينه

### نعى مجرد

شحال الولى من شاف عباس مطروح واصوابه على الراس  
ناده افجعتنى يبو النوماس

\*\*\*\*

جاله وگعد يمه يحاچيه ليش العزيز انگطعت ايديه  
سند الغالى وانحنه عليه

\*\*\*\*

يم راسه ينحب والگلب ذاب ويمسح اصاوييه من التراب  
وسفه هلالك گوض وغاب

\*\*\*\*

عباس لمن حس باخيه تحرك ابونفس الابيه  
تعبان والونه خفيه

\*\*\*\*

گله الامام ويهمل العين متگوم ياسور الخواتين  
متگوم ياطود الميادين

\*\*\*\*

هديت ركنى يا عضيدي بعدك حرت واصفگ بأیدی  
والگوم مگصدها وریدی

\*\*\*\*

يا خوى عندك حرم وايتام منتظره ترجع للخيام  
ومادرت بيك مصوب الهام

\*\*\*\*

يالواعدها تعود ليها وبالمای خويه تحن عليها  
خويه شگلها وشحاجيها

\*\*\*\*

سكنه بالمخيم تناديك والعطش ضرها وتنتظر ليك  
وكل الغوالى عينه عليك

\*\*\*\*

لو رحت للخيمه شگلها وهى الذى بجودك املاها  
عباس يا شایل حملها

## هتوسات

هلهلت زينب العباس الأسد  
هايين عودی تگله یا ضم  
بيك فخرى وتدرى هاليوم الوعد  
«والرايه بأسمك منصوره»

✻ ✻ ✻ ✻

انت ذاك الرّتبك حامى الدخيل  
حامل الرايه عليه وبيمينك ما تميل  
انت يالبيدك جبتنى منومسه وانت الكفيل  
«عـبـاس او نـسـتـبـاه بـيـومـه»

\*\*\*\*

من حمل عالجوم ابن عقد الوله  
خبط عسكرها بيمينه والصفوف منزلله  
يوم ما مثله تكرر عالجاليق والمله  
«والگاع تموج من الغاره»

✻ ✻ ✻ ✻

چن ارضها تموج صارت والمشارك مظلمه  
وساحت الميدان فاضت من كثر سيل الدمه

ما تشوف بطرف سيفه إلا روس مهشمه  
«والكـون الحـيدر وولاده»

\*\*\*\*

حمل حملات الرهيبة وفرت من ايده العده  
شي على وجه التراب وشى تروح مشرده  
صار ليل اظلم سماها والفرع بيها غده  
«ومن يوصل حـده وعنوانه»

\*\*\*\*

لكن الحشرات وجّت لمن الحامى هوه  
چم دليل اعليه تلوه چم گلب شب ودوه  
وصاح ابو السجاد صيحه راح شيال اللوه  
«هـديت احوالى بهـالنومه»

\*\*\*\*

شـحال گلبه من لگه ليث الزلم  
مقطع الجـفين وبعينه السهم  
ويمه طاحت تجربته وطاح العلم  
«وصواب الحـيد اعلى الهامه»

\*\*\*\*

من هو حامى الظعينه وطاح فوگ المشرعه  
انهدت اركان ابواليمه ويّه ساعت مصرعه  
وطلعت تنوح الفواطم من خدرها مروعه  
«يا وسفه تگنظر حاميهها»

### هوسات

سمعن الضجه الفواطم مادن شنهو الجره  
تلوب وحدثهن مريبه والدموع امنائره  
وساعه لن الصوت اجاهن طاح سبع الكنطره  
«والحامى مـقطع چـفينه»

\*\*\*\*

وجن بنار المصيه وبالذيول امعثرات  
وبالخيم صارت مناحه عالى طاح اعلى الفرات  
يا أسف راح ابوالشيمه أيساعد الله هالحوات  
«ويا نار التفگد واليهها»

\*\*\*\*

وگامت الحوره تنادى ومن مصيبتها تميل  
وصاحت بصوت الكائبه وين طايح يا كفيل

ما بگه دلال عندی والجسم مني نحيل  
«ياخويه تـصوب دلالی»

\*\*\*\*

خويه هالرايه دگلی منهو يحملها بعد  
وانت راعیها وبطلها وانت عباس الأسد  
نايم بصف الشریعه وهامتک طرها العمد  
«عباس انهض شیل الرايه»

\*\*\*\*

آنا زينب يالجبتنی ليش منی اتعذرت  
موگلت انت کفیلی يالّي عالشاطي اوگعت  
وارجع الدار المدينه خويه وياک احسبت  
«يـمشکر خـيبت ظـنوني»

\*\*\*\*

بالعضيد اعليک اعتب لكن شيجدی العتاب  
ما يبرد لي دليلی وانت هاوی اعلی التراب  
هالعتب منی ازیده من کثر نار المصاب  
«ياخويه ويا نور عیوني»

## هوسات

وگع حامی الطعینه وصارت الحنه  
وبساع الامام المصصره تعنه  
على عضيده انحنه وبس يجهر الونه  
«ياخويه صوابك بفادی»

\*\*\*\*

شلون من طاح وتعناله الظهر  
صاح صيحه فجرت صم الصخر  
گوم يا عباس فصميت الظهر  
«عباس انهض شوف احوالي»

\*\*\*\*

وگف يمه ويصب ادموع هماله  
وبشوف العزيز انهدت احواله  
لگاه مقطعه يمناه واشماله  
«والقايد قطعوا چفينه»

\*\*\*\*

بطيحتك خويه تهدم عسکرى  
يا عضيدى ويا سنادى وناصرى



اليوم يا عبرة عيوني اتفجرت  
«واظلمت بعدك دنياي»

\*\*\*\*

مظلمه دنياي من بعد العجيد  
يا عضيدى وانت يا نعم العضيد  
صوابك بگلبي يبن عودى مجيد  
«والعسكر هديت اركاناه»

\*\*\*\*

شرد اوصفك يمن للخواه مثال  
گوضيت وما شربت من الزلال  
شلون الى عين وتشوفك عالرمال  
«ياخويه ويانور عيوني»

## هوسات

گومى يا سکنه الحزينه طاح شيال اللوه  
الماى ما برد دليله ومن دمه الهامه روه  
راح مجروح الفؤاد بجمرة عياله دوه  
«وما روّه گلوب العطشانه»

\*\*\*\*

السكنه ما عاد الحنين وهي تنظر جيته  
مادرت فوگ الشريعة الغوم طرت هامته  
وطاح جوده من يمينه وما تروّت عيلته  
«وعـيالـه مـا عـود ليـها»

\*\*\*\*

ظلت اطفال النبوه تلوب من غد الظمه  
ما رجع بالماي ليها شبل حماي الحمه  
شاف جيمان الاعادي اعلى الفرات مخيمه  
«وتـوذر جـوده وچـفينه»

\*\*\*\*

راد لعيله يروى ويسگى عبدالله الرضيع  
ومن تعناله ابواليمه وشافه عالشاطى صريع  
گله ياخويه اعذرني وشوفني بحال فجميع  
«واتـعذر خـويه مـن عـيالي»

\*\*\*\*

أنا سكنه واعدتها ولازم اوفى بالوعود  
لكن العدوان حالت بينى وبين الورود  
خويه بلغها سلامى وگلهـا ما اگدر اعود  
«وچـفوفى الـگـوم مـگـطـعيها»






# الفصل الثامن

اليوم الثامن من محرم

في ما يخص القاسم بن الحسن عليه السلام





## لطمية

انهض يجاسم للحمه      يوم الحرب والملحمه  
والحرب خله      ماهو محله

\*\*\*\*

هاذى وصيه من ابوك اجرىها  
وعوف الحياة ومهجتك ضحيها  
لمن يصيح بكربله ناديها  
البس ديلك عالدرع      وامشي الجهادك يا برع  
وانصر المله      وانصر المله

\*\*\*\*

نادته رمله والدمع يتجاره  
انظر العمك ظل يدير افكاره  
ما عنده حامى والعهه غداره  
ينخه ولاواحد أله      واصحابه كلها مجدله  
والهضم علّه      والهضم علّه

\*\*\*\*

خلى العرس يمدلى واتعنه  
للحرب يبني ومن دماك اتحنه  
العمك دضحى ولا تقصر عنه

يوم التفانى والوفه      لجل العقيده الهادفه  
والجرح شله      والجرح شله

\*\*\*\*

گلهایمه اعلى العهد تدرينى  
اسمع وصايا والدى تنادينى  
بنصر الشريعه والنظام ودينى  
گالتله يا باجى هلى      بىك افتخر يمدلى  
وراسى تعله      راسى تعله

\*\*\*\*

بىك افتخر يبنى ويرفعت هامى  
لمن اشوفن مصرعك جدامى  
وجسمك انظره والجبين الدامى  
واشهگ وگولن يالولد      ضرغام وافى للوعد  
ورافض الذله      رافض الذله

\*\*\*\*

يبنى زفافك للحشر ميعاده  
يامن صمودك للأبد امجاده  
ومن شمعتك شمع الزمن يتماده  
ون شمعتك بگلبى دوه      لكن على العالم ضوه  
والسعد هله      والسعد هله

## لطمية

عريس للحومه ماينعقد مالومه مالومه يم الولد

\*\*\*\*

للحومه ماينزف حيف او الف يحاف  
يشرب مرار السيف

وتتغير ارسومه الچـنـها ورد  
هالمرتفع سومه وهو الشهد

\*\*\*\*

مالومه يم جسوم واجرج على القيوم  
شبعى غصص واهموم

وتصيح مالومه ومالى جلد  
والروح مهمومه بعد الضمد

\*\*\*\*

اسم الله يبدر التام فوگ الثرى لتنام  
وعريس يا جسام

وما تصلح النومه البدر السعد  
ولاشاعت علومه وخاب الوعد

\*\*\*\*

عريس للاكوان وج الغلب نيران



### واليوم يوم احزان

والعرس مو يومه      ابداً ابداً  
وميشومه ميشومه      هاذى البلد

\*\*\*\*

يمه يريع احشاي      بعدك شلى بدني  
وضاع البصر والراي

والدهر بسومه      صدني وگصد  
وگلبى يظل دومه      يبجي ويعد

\*\*\*\*

يمه ديلي ذاب      بصوابك اللهاب  
اصرخ واصيح الشاب

واحوالي مهدومه      وانت العمد  
هالغصه مرشومه      وسط الچبد

### لطمية

رمله تنادي شجون عرس الولد

ما بتيه عزه وسعد      محزون عرس الولد

\*\*\*\*

رمله تنادي      وين يبنى الفرخ

چاوى فؤادى      ورأس گلبى انجرح  
والنظر صار برمد      محزون عرس الولد

\*\*\*\*

بالظيم ليلى      وطال ليل الجفه  
مهذوم حيلى      ونور عينى انطفه  
مسعور نار الجبد      محزون عرس الولد

\*\*\*\*

مهضوم گلبى      وغاب نور الفجر  
يا عين صبى      دموم لجل البدر  
والليل مرّ بسهد      محزون عرس الولد

\*\*\*\*

جسام يمه      ليش عرسك حزن  
والدار ظلمه      ويوم نوح ومحن  
مكتوب هذا الوعد      محزون عرس الولد

\*\*\*\*

مكتوب يبنى      وكون يجرى القدر  
فرگاك شبنى      وزاد بيه القهر  
مفقود منى الضمد      محزون عرس الولد

\*\*\*\*

صار نوح او ألم	چا ليش عرسك
دون كل الامم	والضميم مسك
محزون عرس الولد	لگلوب اهلك مرد

\*\*\*\*

وراح منى الأمل	مالي سعادہ
مصاب كل الاهل	والگلب چاده
محزون عرس الولد	وامرار بعد الشهد

### لطمية

هاك اخذ روحي واحمى الحمه  
واضمداجروحي المألّمه

\*\*\*\*

والسعد وياك	يا بدر سعدى
من بعد عيناك	مظلمه ايامى
هاك اخذها هاك	هاك اخذ روحي
وشح النّمه	واذبلت دوحي
ومازّمه	وغارگه بنوحي

\*\*\*\*

خذ دليلى اوياك	للحرب ودعه
عد سهام الغوم	بلكن اتوزعه
لا يظل عليك	للابد يسعه
ودمعى مسفوحى	ويهمى همه
وغارغه بنوحى	ومازّمه

\*\*\*\*

بيك اشيل الراس	يالولد يبنى
العمك افدى الروح	لاتخيبنى
والوعد هاليوم	يمّه دسمعى
وانكتب لوحى	بالملحمه
وغارغه بنوحى	ومازّمه

\*\*\*\*

گلها عد عيناچ	لبذل اجهودى
وافدى للاسلام	روحى ووجودى
لابد تسمعين	بالحرب زودى
وانهض السوحى	سوح الدمه
وغارغه بنوحى	ومازّمه

\*\*\*\*

روحى خذها وياك	يمّه وتحده
----------------	------------

وچبدي المجرح      بالصبر شده  
وعمك المظلوم      لازم اتسندده  
واهوت اصروحي      الچانات سمه  
وغارگه بنوحي      ومأزمه

\*\*\*\*

دهري بالا حزان      بشرا بشاره  
واعتناني البين      صدني بغباره  
والولد هيهات      اجمع اثماره  
وغارت سفوحي      ومهدمه  
وغارگه بنوحي      ومأزمه

\*\*\*\*

جروحي بالدلال      مابعد ترهم  
وشيداويها      وشيزيح ألهم  
شوسما يومي      بالكدر غيم  
وبالهضم يوحي      والمشائمه  
وغارگه بنوحي      ومأزمه

## لطمية

يا جسام يمه شمّر وگوم  
وانصر عمك الحاير المظلوم

\*\*\*\*

آنا امك يجاسم واسمع اندای  
وعودك بالوصيه ايريدك الهای  
ما يحتاج اندبّنك يوفای  
من غالب صفاتك وانت معلوم

\*\*\*\*

يبن الزود والشيمة يضرغام  
هاليوم بوجودك ارفع الهام  
شلون يصير عمك بين ظلام  
وانت ما تضحّي وترخص ادموم

\*\*\*\*

عمك يا عزيزی بين عدوان  
لا راحم ولاناصر ولا عون  
كثرانه العده وراحت الخوان  
ألّمن يلتجى وما يوجد ارحوم

\*\*\*\*

ينخه ولا أحد يسمع جوابه  
وساحت كربله نهبت احبابه  
وينظر بالثرى جملة شبابه  
كلها اعلى الوطيه ابحرّ السموم

\*\*\*\*

شلك بالعمر يبني شلك بيه  
لجل الدين والعمك دضحيه  
سمعه يصيح ما واحد يلبيه  
وعليه دارت العدوان هليوم

\*\*\*\*

وين ابني الشيل الراس زوده  
واشحد العده توصل حدوده  
مغوار وبني هاشم اجدوده  
ذيچ اهله الفخرها دايم دوم

### لطمية

معرس والصبايا واگفه ابابه  
رشوله ورد هالساع يحبابه

\*\*\*\*

عجنوا حنته ورشوا رياحينه  
وسوو جلوته وعدلوا صواوينه  
العرس ابن الحسن خل نرفع الزينه  
ويمّه خل يفوح العطر واطياه

\*\*\*\*

رشوا الطيب لجل المعرس ويومه  
ويمه خل تهوس صحبته وگومه  
عادات الزواج بهای مرسومه  
وبعرسه سرور الاهل واصحابه

\*\*\*\*

شمعات العرس هالساع علگوها  
والخوفه يخوته سريع نصبوها  
والجسام جلوة فرح سووها  
يا جاسم زفافك للقلب ذابه

\*\*\*\*

معرس والنشامه خل يهوسوله  
وبالخيمه شمع وبخور حطوله  
لازفه ولارنت الهلهوله  
من بين الصبايا ضايع احسابه



\*\*\*

للمدلول گوموا حنوا چفوفه  
وبنفسه زفاف وگعدت الحوفه  
لش بحومة الميدان وسيوفه  
ونيران العده بالكون لهابه

\*\*\*

جاسم يا شباب البعده متهنه  
لاشوباش لازفه ولاحنه  
عرس الغاضريه بيه الف ونه  
واعلى الناس ابدأ ماجرى مصابه

**لطمية**

هم ايصير زفه والحومه سوه  
ومثل اشموع جاسم دلالي دوه

\*\*\*

هم زفه تصير بميدان الحرب  
وتصير الهالاهل رميات وضرب

واحبابه حزانه والدمعه تصب  
ويوم الغاضريه لفراحي طوه

\*\*\*\*

هالعريس عرسه بالآم ومحن  
وازفافه مناحه وثيابه چفن  
وجر جرح گلبی ودموعی جرن  
يومك يالمدلل لفادی چوه

\*\*\*\*

تدوی شموع عرسك بالمهجه تره  
ودلالی مثلها عطب وانبره  
يا جسام عرسك ما صار اوجره  
خلص ماى عینی واعضامی لوه

\*\*\*\*

صار تلك الهوسه برماح العده  
بصياح العوادى وسيوف الردى  
وجسوم الضحايا صارتلك فده  
والآم وكائبه ودموع ونوى

\*\*\*\*

لا شاهدت حنه ولا خيمه شفت  
 وارسوم الصبايه منها استحرمت  
 واشربت المنايه والدنيه عفت  
 يا وسفه شبابك با آماله هوه

### لطمية

شو بشوله يشبان السعد  
 هوسوله تره حل الوعد  
 يا المحروم يوليدى  
 يا المهضوم يوليدى

\*\*\*\*

شو بشوله وتولموا الزفته  
 وقدموله الشموع وحنته  
 يا شبان لتقصرون  
 انتو الخير وانتو العون  
 ها يخوته يعالين المجد

\*\*\*\*

هوسوله وعليه طشوا النقل

واعلـگوله      شـمـوعه بهـالحـفل  
رشوا الطيب للـغـالى  
وهو الزود وآمالى  
وهو فخرى وسنادى والضمد

\*\*\*\*

حـان المـحـان      الشـمـام الحـسن  
وخـلي يـمـه      خـواته ايهـلـهـلـن  
الزينة اليـوم نشـروها  
وروح العود فرحـوها  
واحفظوله بعزیزه هـالعـهد

\*\*\*\*

فرحوا گلب الحـسن      روح النـبـى  
واحفظوله الوفـه      بعـرس الصـبـى  
هـنّوا الحـيد بـولـيده  
وبـجـسام يـا عـيده  
بنفسه جسام على عروسه انعقد

\*\*\*\*

يـبـنى مـحـروم      ولاشـاف العـرس  
ولا      تـهـنه  
بعروسه ولاجلـس

لاكو اخضاب بـجفوفه

لاشـوباش لاحوفه

يومك سهام يفزّر للجبـد

\*\*\*\*

آيا جسام يعرسك ما سدى

بالمهاضيم وما بين العدى

والفرسان بالحومه

والاحباب مـصدومه

شرد اوصف من ازفـاك شـعد

\*\*\*\*

يـبنى مسـيت خـليه يـمـنتى

وراحت اليـوم عـمامى وصـحبتى

بـالاحزان تـمـينه

وجـور وظـيم عـالينه

ماكو انه ظهير ولاسند

## لطمية

علگوها                      شموع العرس علگوها  
حضرُوا ثياب المهضوم              أَلله يـزفت جـسوم  
علگوها                      شموع العرس علگوها

\*\*\*\*

علگو شموعه واعجنوا حناته  
محروم ما شاف الهنه ولذاته  
عريس ظلت بالگلب وناته  
عجنوها                      حنت العرس عجنوها  
بالله دزفوا المدلول              حلو المعانى والطول

\*\*\*\*

سوو وليمه واعد لوله الحوفه  
والساع للعريس حنو چفوفه  
وين الصبايا خل تجيله تحوفه  
حضروها                      زفت الولد حـضروها  
ماله وليمه ولادار              وتحوفه گوم الاشرار

\*\*\*\*

عدلو المنصه واعجنوله الحنه

وخله بزفاه يفرح ويتهنه  
محروم لاتبگه بدليله الونه

عدلوها                      ومنصته عدلوها  
عريس يوم الاكوان      وثياب عرسه الاچفان

\*\*\*\*

ناده رمله والدمع يتجاره  
نارك ييمه بالگلب وجاره  
وشلون زفه تصوير ويّ الغاره

دخذوها                      روحى وراه اخذوها  
دخدونى وياه دخيل      ومن الهضم مالى حيل

\*\*\*\*

انت يجاسم كل مناي بدنای  
للروح سلوه ومنى راحت سلواى  
وظلت الحسره تلهب بلب احشاى

سمعوها                      ام الولد سمعوها  
شوفوا دمعها المحجوب      والگلب منها ملهوب

\*\*\*\*

رايح يجاسم والأمل منى راح

وعمود بيتي ويّه هجرانك طاح  
بعدك اظل انعه واصك راح براح  
عازوها  
يا ناس دلالي ذاب  
روحي دوت عازوها  
الهج واصيحن يا شاب

### لطمية

جيبى هدومه وعدلى منصته  
وعجنى الحنه يزينب عمته

\*\*\*\*

جيبى هدومه يخويه بالعجل  
واجمعى الصبيان كلها والاهل  
وبزفاف الشاب خلها تبتهل

عرس جاسم خل تشاهد زفته

\*\*\*\*

عجنى الحنه وعلگيله الشمع  
لا وليمه مشان عرسه ولا جمع  
ليش يومه صار بحزان ودمع  
وللبراز اسمع العسكر نادته



\*\*\*\*

زفت المدلول ما صارت ابد  
شلون زفه يمه خيل ابن سعد  
صار للميدان ياخويه العقد  
وخاف من ادموم تصبح حنته

\*\*\*\*

ليش للمحروم ما حضرت زلم  
وين الاكبر وين شيال العلم  
وعالثرى امطاريح كل اهل الشيم  
كل عمامه وكل اخوته وصحبته

\*\*\*\*

زينب الجسوم گامت هلهلت  
دايم المدلول وعليه عوذت  
آيا جاسم مثل زفتك ماجرت  
ونادته يامای عيني وحبته

\*\*\*\*

صار عرسك بالمناحه والحزن  
والصوارم فوگ راسك هلهلن

وزفتك للكون وثيابك چفن  
يا شباب اللي تفوت بحسرتة

### لطمية

اشوف الخيل جازات تجينه  
اگبلت رايات رايات عليه  
جاسم والعرس وين  
گام النصرة حسين  
يا نصار ولينه      يا نصار ولينه

\*\*\*\*

گبلت رايات وخیول رهيه  
وابوالسجاد محد يجيه  
والمیدان واجر لهيه  
دارت على الصوبين      كثره هالملاعین  
ولاناصر المظلوم يعينه

\*\*\*\*

نهض جسام يوفى بوعيده  
يگول العمر هاليوم مريده  
واشوف الغوم كثره وعديده

وعمى بالميادين لا ناصر وله معين  
وگف محتار يصفگ يمينه

\*\*\*\*

جاسم للميادين تعنه  
راعى الزود راعى المحنه  
واهوه ازغير والحومه فنه  
جاسم قرة العين ضحه العمر للدين  
وبس اربع طعش عام سنيه

\*\*\*\*

گال اليوم اجهد يعمى  
واضحى العمر والعين ودمى  
ولجل الدين همك وهمى  
للارواح فـادين واعلى الخير ناوين  
وعلى سيرة المختار مشينه

\*\*\*\*

طلع جسام واحمد وعثمان  
صوّاله على حومة الميدان  
تزهى بدور هاشم وعدنان  
واهما شبول ياسين بالانوار زاهين

وكل واحد سلاحه يمينه

\*\*\*\*

مشت صبيان للكون سويه  
جسام وعلي وعون واخيه  
ولا هابوا اسهام المنيه  
دحموا سجة البين      واعلى الموت ماشين  
والارواح غالوارهينه

### لطمية

العرس ابن الحسن گوموا يطيبين  
جيبوا حنته وجيبوا الرياحين

\*\*\*\*

جيبوا حنته وحنوا اچفوفه  
وبالصيوان نـصبوله الحوفه  
والشـبان خـليها تحوفه  
آمال الغلب هاذى من سنين

\*\*\*\*

يوم ازفاف جاسم بالسلامه  
واتبارك هله وجمله عمامه  
للعريس هوسوا يانشامه  
لبن الطاهر ونسل الميامين

\*\*\*\*

معرس والصبايه حوطت بيه  
وعماته وخواته تعوذ اعليه  
ومن كيد العده الله يباريه  
عين الله تحوفه شمال وايمين

\*\*\*\*

يا زينب دجيبي الجاسم اثياب  
وحطيله ورد وبخور اطياب  
وخل تحضر جميع اهله والاصحاب  
لزفاف العزيز وجرة العين

\*\*\*\*

خل تحضر بنى غالب وعدنان  
وتزف الولد زهوة الشبان  
عايد بالله من نومت التربان  
بعده شاب ليطب الميادين

\*\*\*\*

خاف اينام بسموم الوطيه  
ويصير العرس نوح وعزيه  
الله يا زفاف الغاضريه  
كله ناичه ودمعات وونين

### لطمية

بيك افجعونا      بيك افجعونا  
ياولد يالعريس      بيك افجعونا

\*\*\*\*

بيك افجعونا يبنى يجسام  
وصابوا دليلي واصوابك اسهام  
ماراقبونا      ماراقبونا  
گوم العدى الظلام ما راقبونا

\*\*\*\*

ماراقبونا گوم الملاعين  
وداروا عليه بالحومه صوبين  
ويطالبونا      ويطلبونا

بدگت بدر وحنين ويطالبونا

\*\*\*\*

بيك افجعونا ومردوا دليلى

يازهوة الشبان يا بدر ليلي

خابت اظنونه      خابت اظنونه

والگلب يا جسام خابت اظنونه

\*\*\*\*

يا نسل الامجاد يا بوالشهامه

شمعه لبو السجاد والكل عمامه

هـلـت عـيـونـه      هـلـت عـيـونـه

عمك على بلواك هلت عيونه

\*\*\*\*

يا نظر عيني يا ريع الاجنان

شكبرك ييمه وتخش الاكوان

ويـحـاربـونـه      ويـحـاربـونـه

حتى الشباب يفوت ويحاربونه

\*\*\*\*

اصرخ ييمه والگلب ملهوب

طايع عمادى والملجه يا صوب

بـعدك شـلونه      بـعدك شـلونه  
حالي ينور العين بعدك شلونه

### لطمية

جسّام يولیدی گوم بعجل گوم  
عوف العمر عوفه وانصر المظلوم

\*\*\*\*

هاليوم يا جاسم يوم المواسات  
متشوف عدوانك جازات جازات  
وعمك بلا ناصر يجذب الحسرات  
ما بين عدوانه حاير ومالوم

\*\*\*\*

ينخه ولا حامى ليه نصرته گام  
والغيره باعوها ولا چنهم اسلام  
هاليوم يا يمه يومك يجسّام  
وبالزود والشيمه ثور اعلى هالگوم

\*\*\*\*



لاتبخل بروحك والعمر ضحيّه  
عمك بهالحاله لازم توافيه  
وشعلّمك عودك يمّه لتنسيه  
ملزوم بوصيته تعمل المرسوم

\*\*\*\*

ناده يمّهضومه ليچ ارفع الراس  
وانهض بصمصامى بالعزم والباس  
واحنا بنى الهادى للدين حرّاس  
نحمي عقايدنا برواح وادموم

\*\*\*\*

بعزم الله وآياته ادحم الكفار  
وبصولت ايمىنى تظهر الاخبار  
وبالحومه تدرينى فارس ومغوار  
والمرتضى عودى حيدر المعلوم

\*\*\*\*

نخواچ يالعوده عالراس والعين  
يمّه ذخرتينى اصرع الطاغين  
جسام وبيومى لازم تسمعين  
وصوتى يظل باقى ما ينمحي دوم

## لطمية

گوم یا جسام      یبنی یضرعام  
یوم الحرب هالیوم یوم العزیه  
یا یمّه یوم العزیه

\*\*\*\*

یبنی یجسام دسمع صده امك  
ربیتك تصیر ناصر العمك  
وبیوم الاكوان تفدیلہ دمك  
دارت على المظلوم گوم الدعیه  
یا یمّه گوم الدعیه

\*\*\*\*

عمك یمحروم لازم تطیعہ  
ومن الأمل جوز واحمی الشریعہ  
شمّر للاکوان والعمر بیعہ  
وبساحت الأیمان ضوگ المنیہ  
یا یمّه ضوگ المنیہ

\*\*\*\*

عاین یمدلول عمك بیاحال  
لا ناصر وعون کلها على ارمال

ومن الميامين ما باقى رجال  
كلها على التربان هالضيغميه  
يا يّمّه الضيعميه

\*\*\*\*

ياحضنى رباك گوم ارد احاچيك  
يّمّه للاكوان دينك يناديك  
وبهذا المچان عودك اموصيك  
وانت الذى مليان همّه وحميه  
يا يّمّه همه وحميه

\*\*\*\*

ناداها للدين عمرى اارخصيته  
وبدمى والعين يّمّه اشتريته  
والعودى اليوم احفظ وصيته  
وصّانى افدى الروح بالغازريه  
يا يّمّه بالغازريه


\*\*\*\*

آنا ابنچ وجيت ارفع لچ الراس  
يا يّمّه وبهاى خل تسمع الناس

ما نرخص الدين لحدوده حرّاس  
وانحارب الكفار وجلوف اميه  
يا يمّه وجلوف اميه

\*\*\*\*

سنة المختار نحمى حماها  
ونبيع الارواح للهادى طاها  
هالسنه للناس دايم لواها  
شيدها بالانوار سيد البريه  
يا يمّه سيد البريه



## لطميات الوكفة

### لطمية

عريس وغفت عينك يمدلولى — آيبنى يجسام  
والناس بزفافك خل يشهدولى — آيبنى يجسام  
مثل مصابه ماصار      زفه بحومت النار  
خليهم يشهدولى      خليهم يشهدولى

\*\*\*\*

يالعينك غفت والزفه ترويهها — آيا يبنى يجسام  
وچفوفك يغالى الحنه تضويهها — آيبنى يجسام  
وهوسات العرس بذنك نواديها — آيبنى يجسام  
ميّت والعرس دار      بين عيونك انظار  
خليهم يشهدولى      خليهم يشهدولى

\*\*\*\*

تشهدلى الخلگ وتعاين امصابى  
آنا اللّى هويت بمصرع اشهابى  
وسهام النوايب صرفت احسابى  
وترادت الاقمار      وعليه الدهر جار  
خليهم يشهدولى      خليهم يشهدولى

\*\*\*\*

يا غصن الهوى وما غابت طيوفه  
وظلت هايمه روى على شوفه  
يمّه امرفرفه وماتگدر اتعوفه  
وصبرى ويه الولد غار  
ودموعى ويه الانهار  
خليهم يشهدولى  
خليهم يشهدولى

\*\*\*\*

يوليدى المشه والصبا برمشينه  
وانوار الشباب ازهرت خدينه  
والعهد الطفوله يضحك جبينه  
بعده بُرعم ازهار  
ليش اتبدد وسار  
خليهم يشهدولى  
خليهم يشهدولى

\*\*\*\*

جسام ومثل يومك شعد يومه  
هم صار الزفاف بعرضه الحومه  
واخضاب الجفوف بفايض دمومه  
هم مثله اكو امرار  
هم اسمعتوا اخبار  
خليهم يشهدولى  
خليهم يشهدولى

\*\*\*\*

زفتك يالولد بالحومه مجراها  
وبجعب العوادي الهوسه مغناها  
وسيوف الطواغي اتهلل وياها  
صار النبل نثار      وتحوفك الاشرار  
خليهم يشهدولى      خليهم يشهدولى

\*\*\*\*

يا يمه ولهب يومك يا ذيني  
وبعدك لاتظن يغمض جفن عيني  
يا تاج الجنة زاهر على جبيني  
من بعدك يمغوار      ظلمه وموحشه الدار  
خليهم يشهدولى      خليهم يشهدولى

### لطمية

من غفت عيناك      عيني ما غفت  
والروح وياك      يمدل هوت

\*\*\*\*

من غفت عيناك عيني ماتره  
عميه ولاشوف لذات الورى

والظيم بعضاى يايمه سرى  
فرگاك فرگاك لفادى يفت

\*\*\*\*

من بعد عيناك عینى ما تجف  
ومن جور دنیاى دلالى نشف  
یبنى یجسام یا نور السلف  
نجواك نجواك بالمهجه ثبت

\*\*\*\*

یبنى یمحروم من شم الهوه  
وبنار فرگاك دلالى انچوه  
یا ریت ویاك موتتنا سوه  
ویاك ویاك دنیاى سرت

\*\*\*\*

جسام جسام یا ریع الچبد  
واللیل وانهار الهج یالولد  
والعمر بجفاك ما ریده بعد  
طرواك طرواك داعینى شتت

\*\*\*\*



من قيد بلواى ماريد العمر  
وجفون عيناى ذبّ لها السهر  
ناديت رجواى ما جانى خبر  
رجواك رجواك ويامّه مشّت

\*\*\*\*

روحي حزينه وحاله حالتى  
وبنار جسام تسعر مهجتى  
مدرّيت يّمّه بظيّمى ومحنتى  
واشجّاك واشجّاك عنى غربّت

### لطمية

جاسم يبدري وعيدى عرسك حزن يوليدى

\*\*\*\*

عرسك ينور عيوني بكل الخلايق ما صار  
وبزفتك ايعازونى والنبل صار ألها انثار  
ومن بعدك يسلبونى وأنا الغريبه بلادار  
وانحب واصك بأيدي عرسك حزن يوليدى

\*\*\*\*

آيبنى يالريتك وتأمليت ازفافك

ومن مهجتي غذيتك	وشگد حنانی حافك
بعز وفخر لا لیتك	وانظر واصد اوصافك
وتالی اخفگت من أیدی	عرسك حزن یولیدی

\*\*\*\*

یّمّه یجاسم یبنی	حزنك ابد ما یبری
یمصابك الذوبنی	من شفتك اعلى الغبری
جور الدهر صوبنی	وطاعن دلیلی بطبره
نوحی جره وتعیدی	وعرسك حزن یولیدی

\*\*\*\*

یبنی التخضب چفه	من دم جبینه الساری
یبنی المبلل شفه	بماى الفرات الجاری
یبنی وصحت ما یشفه	گلبي وتهود ناری
واسعر واشب بقیدی	عرسك حزن یولیدی

\*\*\*\*

لحزن زمانى بطوله	واكثر عليك الونه
وروحى بسجن مغلوله	ولا افرح او اتهنه
ولا اسمع الهلهوله	ولگدر اشوف الحنه
وصوت الحزن تغیری	عرسك حزن یولیدی

\*\*\*\*

الله يعرس الاكوان	ذوب دليلى وسله
ظيم وهضمه ونيران	وبحالى بعد اشخله
جسام دون الشبان	ما شاف حوفه وكله
لحزن واعوف اجديدى	عرسك حزن يوليدى

### لطمية

آنا أمك يجاسم واسمع ونينى  
وابچيك بدمه لمن تجف عينى

\*\*\*\*

نارك ما تهف لمن دليلى ينام  
وبقيد المصيبه اقطع الايام  
جرحك يا عزيزى لاتظن يلتام

انت سلوتى وروحي

وبعدك ما يفل نوحى

تدرى بشدة جروحي

يا طيب الحياة وناتج سنينى

\*\*\*\*

ياعود الحميته بطويت ضلوعى

واغضيت الزمن بين الهنه ولوعى  
واحسبتك يجاسم زينت ربوعى  
وليام الكبرهيه  
والداى الغلب طيه  
وتاليها شجى وريبه  
ومن عندك خلت يمدلل ايميني

\*\*\*\*

احسبك ليالى الفاتن بيا حال  
ربيتك ييمه بروضة الدلال  
واتحامه عليك من الهوه لومال  
وعيونى عليك تحوم  
ترعاك بحلات النوم  
ماملت رباتك يوم  
وانغام الصبا منك تهنينى

\*\*\*\*

انغامك يجاسم خالده بكل حين  
وطيوفك صور ما تخرج من العين  
لوگالوا يرملة عليمن تونين  
اخبرهم عن الونه

وعن ليل الأسهرنه  
وافراگك شوصفنه  
يالماكو عذب مثلك يرويني

\*\*\*\*

ابعثلك سلام بحسره محميه  
ودموعى دمه من عيني مجريه  
يا جاسم تره مصابك وجريه  
ودعتك يغصن البان  
يالهاوى على التربان  
انت وجمله الشبان  
ولا واحد نهض منكم يباريني

\*\*\*\*

اسمع وننتى يالنايم بهيمه  
وگول امى نخت وانهض يبوالشيمه  
وتدرى لاخدر بعدك ولاخيمه  
وصارويه العده ممشاى  
ما ظنك تهود بهاى  
يايمه ويريع احشاى  
يالحال الهجر ما بينك وبينى

## لطمية

يبنى يا جسام خابت الظنه  
ومن دمه الهامه ييمه صارت الحنه

\*\*\*\*

رمله گومی بساع      سوودی الحوفه  
مرمی عریسچ یویلی وغابت طیوفه  
ومن دموم الراس      حنت چفوفه  
شوفی مدلولچ رمیه بیا صفه وشوفه  
عالفرض محمول      روحه ملهوفه  
والعطش غیر جماله وغیر وصوفه  
زفت العریس      ویّه اهل کوفه  
والعساكر والهنادی گامت تحوفه  
وصارت الحنه      عالی متهنه  
ومن دمه الهامه ييمه صارت الحنه

\*\*\*\*

رمله بالصیوان      گامت تنادی  
والفواطم ساعدنها من گلب صادی  
یمّه یا جسام      وسفه مترادی  
وانت یا سلوة حیاتی وبهجة افادی

لتـرك الافراح والبس اسـوادی  
 گوض سعودی بغیابه وراحت اعیادی  
 حسبت وارجیت احـظه بـمرادی  
 تالی سینی العزیز وهدم اوتادی  
 میت الف ونّه گـلبی وجنّه  
 ومن دمه الهامه ییمه صارت الحنه

\*\*\*\*

یبنی یا جسام خابت ظنونی  
 وانت قنديل الحیاة وبعدك شلونى  
 حسبت عریس بـیـه یـهنونى  
 وما حسبت اعلى الوطیه تشوفك عیونى  
 برمیّتک یا شاب یـمّه صابونى  
 والاحبه اعلى المصیبه جوا یعازونى  
 بنوحى یا هالناس لاتـلومونى  
 بعده هیهات الحیاة وتضحك سنونى  
 ویـن اشوفنّه وویـن اسمعنه  
 ومن دمه الهامه ییمه صارت الحنه

\*\*\*\*

یبنی یالربیت واحسبت یومه

واسهرت ذيج الليالى بگعدته ونومه  
حـانـيه بالروح وانظر ارسـومه  
روحى مشدوده اعلى مهده وعنده مرشومه  
مـادريت البين تنفذ سـومومه  
وافگد وليدى وعمامه وصحبته وگومه  
تـالى بالـاچفان صارت هـدومه  
وصارت الزفه يويلى الساحت الحومه  
وبـزغـر سـنه کـون افگـدنه  
ومن دمه الهامه ييمه صارت الحنه

\*\*\*\*

بنفسى يا جسام زفه ووليمه  
والعمام يهوسولك وانت بالخيمه  
تـالى بالـاکوان وبـثرى الهـيمه  
شفتك مصوب ييمه وسفه وهضيمه  
والامل يا حيف نـوّه ترسيمه  
لكن آهات الامانى ظلت مقيمه  
واصبحت دنياى کل وکت غـيمه  
والعزيز الفارگيته وغارگه بضيمه  
مشـبعت مـنّه والولد جـنّه



ومن دمه الهامه ييمه صارت الحنه  
يا أمل دنيای      لنغضه بسرعه  
وصارت ايامى ليالى وحالتى موزعه  
عاهدت النوح      والزمت شرعه  
وانطويت اعلى مصابى وسلوتى الدمعه  
ايحگلى ليل انهار      اصرخ او انعه  
واذكر وليدى وصفاته وسيرته وطبعه  
لوله      للاوطان      صارت الرجعه  
شنهو للعالم جوابى بجاسم وربعه  
وشأگـولنّه      وشأذكـرنه  
ومن دمه الهامه ييمه صارت الحنه

### لطمية

يا بدر ليلى يجاسم نايم بحر الثرى  
وانا من بعدك حياتى بالمصيبه موجره

\*\*\*\*

يبنى بسموم المصيبه شلون اداوم واستقر  
وانت يالچنت بزمانى دايم تلالى گمر

واحتسبتك وارتجيتك يّمه ليام الكبر  
من ابو محمد يجاسم ردتك اليومى ذخّر  
تالى بنياب الدعايه شاهدت جسمك وذر  
وبسهم چبدك يجاسم چبدتى متوذره

\*\*\*\*

شلون عين امك تشوفك بالثرى دايم طريق  
بين رميات المنايه والدمه منك يسيح  
لو اظل يمك اعدد والعمر كله اصيح  
ما اظن يبرد لهيبى يالى شاهدتك ذبيح  
ثاكلة بعدك يجاسم بالهضم امشى واطيح  
لا دوه يبره مصابى ولا علاج ايدبره

\*\*\*\*

ألهج ابأسمك وانا دى يالى احله من العسل  
يالچنت زهرة حياتى وبهجة گلوب الأهل  
غربت عنى وعفتنى واتركتنى ويه العلل  
وانظوه يومى بجماله وانحنه ذاك الأمل  
ولنى ابساعه غريبه وموكب العزه ارتحل  
وارجعت چفى خليه من ميامين الورى

\*\*\*\*

يا أمل روحى يجاسم لسهرت ليلى برباك  
وانت يا فخرى وسرورى لعقدت يومى برباك  
لو صحت يمه شحلاها يشرح غليبى صداك  
ما أمل نغمة جمالك روحى مشدوده وراك  
يبنى كل ذره بحياتى چانت تبوح بهواك  
وين ذاك اليوم يومه وبحماك مبخره

\*\*\*\*

وين غصن الى زرعته ومن شراينى ارتوه  
ذابل بعينى نظرتة واگع بذارى الهوه  
واصرخت من هم دليلى ليش هالعود التوه  
ليش من اول جماله بالحرب شب ودوه  
وانطوت وياه روحى لمن حسابه انطوه  
واعرفت امرى بغيابه وياه الاعادى ميسره

\*\*\*\*

كربله منى خذيتى كل منايه والسعود  
واتركت عندچ صبايا احله من شف الورود  
اندفنت آمالى بترابچ واطلعت انعه واجود  
بعد لاجاسم اشوفه ولا بعد خدرى يعود

كلّ هاذه راح منى ثاكله وشلون اهود  
يا طفوف وهمّى اصبح للصخور ايفطره

\*\*\*\*

كربله واشصار گلبى بيچ من جور وبله  
شاهدت گومى ورجالى بالتراب مجندله  
ولّنى من بعد المعزه بالطفوف مبهدله  
شنهو بعد ايصير صبرى يا سهم يتحملة  
وجّرت گلبى النوايب وبعزىزى ثاكله  
والمصاب اللّى جرعت له لبة افادى فره

●○●○●

●○●

## عدة لطميّات مربوعة وفزاعية

### لطمية

عازوا رمله يا خلگ عازوها

راح جاسم خيمته فلشوها

\*\*\*\*

فلشوا الخيمه وعمدها وگعوه

راح جاسم ياهله لاترتجوه

مرمى عالتربان گوموا شاهدوه

وشمعة العريس بالله اطفوها

\*\*\*\*

طفوا شمعات المنصه بالعجل

وگلوا للاحباب جسام ارتحل

ما يرد هيات واهلاله يهل

والغوالى بهالخير خبروها

\*\*\*\*

شحال رمله والغوالى من درت

بالمعاره طاح مدلول الحسن

سمعن بموت العزيز وعولن  
والمناحه بالخيم وجوها

\*\*\*\*

صارت الونات والنايح عله  
ودارن اعلى امه الحزنيه الثاكلة  
يساعدنها والمدماع هامله  
يصيحن امّه بغصته سعدوها

\*\*\*\*

وزينب تنادى يعمه يا شهم  
وسفه تحت الخيل طولك ينعدم  
ظلت امك بالكائبه والألم  
شلون عمله اهل الردى عملوها

\*\*\*\*

شلون گلبج يا حزينه اعلى الولد  
من دريتى نصاب جاسم بالچبد  
جيش ابن سفيان لفاده مرد  
وچشته بخيولهم داسوها

## لطمية

تلغن العريس يا عماته  
وشوفن الدم فايض بوجناته

\*\*\*\*

گومی یا زینب تلگی ابن الحسن  
وانظری الجسام بالراس انطعن  
آه یا عرس المصایب والمحن  
عیب ما تبرد أبد حسراته

\*\*\*\*

صاحت النسوان والمدمع يصب  
لش يا عريس يا ريع الغلب  
زفتك بالكون وبيوم الحرب  
والعرس يوم الحزن ميقاته

\*\*\*\*

دارن اعليه الفواطم باللطم  
هاذى تنعه وذيچ لعيونه تشم  
وسفه ياجسام طولك ينعدم  
يا شباب المابلغ مزاته

\*\*\*\*

يا لچنت شمام لگلوب الأهل  
ليش يا مدلول رايح بالعجل  
مصرعك نيران بحشانه عمل  
تلاهبث وسط الچبد جمراته

\*\*\*\*

وانحنت رمله تشمه بوجنته  
وتصرخ بحرگة گلب من شافته  
يا غوالى بساع شدن طبرته  
بلكى تبره وتسكن اجراحاته

\*\*\*\*

بلچن الجاسم تشوفنله دوه  
ليش غصن البان ذبّل والتوه  
يبنى يا المحروم من شم الهوه  
وساتظل ويّه العمر حسراته

### لطمية

تصيح رمله والدمع همالى  
گوم يا جسام وانظر حالى

\*\*\*\*



شوف حالى من بعد ذاك السعد  
ثاكلة واصرخ وانادى يالولد  
ش حسب الآمى ييمه واشأعد  
وصار ويّه اهل الردى ترحالى  
\*\*\*\*

گوم شوف امك ييمه بيا وضع  
ذبلت الاجفان من صب الدمع  
عليك ما يبرد دليلى المنصدع  
يمّه نارك ما تهف للتالى  
\*\*\*\*

شفتك مگنظر على حر الثرى  
ودمك الطاهر على الوجنه جرى  
رسومك الحلوه ييمه معفره  
وعاينت راسك على الميالى  
\*\*\*\*

يمّه حنّات العرس فيض الدمه  
يمّه هوسات العرس بالملحمه  
يمّه والمدمع على يومك همه  
بساعه وحده تكورت آمالى

\*\*\*\*

يَمَّه شمعات العرس بالمعرکه  
يَمَّه زفتك بالرماح الشابکه  
وانا عد ربی ابوح المشتکه  
للجرح گلبی بجنینی الغالی

\*\*\*\*

شنهو حالی يصير من غد القهر  
بالگلب چویات من جور الدهر  
واجرعت غصه من الحنظل أمر  
شـيبتنی و حـطّمت دلالی

### لطمیّة

میت والدمه حناه      یـالـعـرـیـس و اـمـصـابـه

\*\*\*\*

معرس والدمه حناه      کـل الـآه والوـیـلـاه  
یا جسام یا بلواه      مـوتـه للـگـلب عـابـه

\*\*\*\*

مثله ما يصير مصاب      هـاوی والدموم خضاب

ياسهم الولد لهّاب      لوعه وظيم لحبابه

\*\*\*\*

وجّـر بالـكـلب نيران      وامه تصيح بالصيوان  
يبنى شمعة الشبان      ما اتحمل اغياه

\*\*\*\*

نارك وجت الاضلاع      يـمـوسـد بـذارى الـگـاع  
عريس ويموت بساع      تـوـه وانطفه شهابه

\*\*\*\*

يبنى الما تهنه بيوم      من شم الهوه محروم  
موهساع وكـت النـوم      نار البين لهابه

\*\*\*\*

يا عريس يوم الطف      للـحـومـه صـدق يـنـزف  
واغراب الفنه رفرف      غـرب وانـگـضـه احـسابه

### لطمية

طفوا شمعة العريس      بالتربان راعيها

\*\*\*\*

المن هالشمع معلوگ      المن هالمنصه تلوگ  
جاسم والضلع مطبوگ      المن بعد ضاويها

\*\*\*\*

طفوا شمعة المحروم	راعيا بعد ميگوم
نايم بالشمس وسموم	والونات خافيا

\*\*\*\*

جاسم طايح بميدان	عريس وعلى التربان
گوموا فلشوا الصيوان	وسفه هاى تاليهه

\*\*\*\*

وسفه بالثرى مطروح	وعطور الشباب تفوح
جاسم يا عزيز الروح	الأمك شيطفيا

\*\*\*\*

ما تنهض يبعد امك	ليش مخضب بدمك
ياريت اندفن يمك	والعيشه شلي بيهه

\*\*\*\*

شلي بعيشتي بلياك	ما اگدر على فرگاك
لو موت وحيه وياك	روحى البين چاويها

## لطمية

ليش معفر الخدين يا جسام يوليدي

\*\*\*\*

يا جسام يا الغالى  
فگدك صاب دلالي  
انهض وارحم احوالى  
وانظر محنتى وقيدى

\*\*\*\*

ليش تنام فوگ اتراب  
والذارى يصير ثياب  
ودموم المنايه خضاب  
يانار الغلب زيدى

\*\*\*\*

يوليدي يبو الغيره  
تدرى عمك بحيره  
ضاع اليوم تدبيره  
شبيدى المحنته شبيدى

\*\*\*\*

اصرخ والغلب مالوم  
يا ريع الغلب جوم  
ترجعلى بعد يا يوم  
وافرح والبس جديدى

\*\*\*\*

هيها الفرح هيها  
بعذك يا نجيب الذات  
وسعودى تعده وفات  
ولا يرجع بعد عيدى

\*\*\*\*

عمرى بالمناحه يفوت  
واتمنه واريد الموت  
وانعه من گلب مفتوت  
دوم عليك تعديدى

## لطمية

يبنى ما شاف العرس والحوفه  
منهو باركله وحنه چفوفه

\*\*\*\*

عادت العريس تحضر صحبته  
تبارك افراحه وتعدل حوفته  
وابنى ويّه الغوم صارت زفته  
ويّه نشاب العده وسيوفه

\*\*\*\*

منهو باركله وسواله حفل  
منهو رتبيله وليمه بالعدل  
ولا اجت يمه اخوته والأهل  
ولاتهانی للولد مزفوفه

\*\*\*\*

جاسم الماشاف حنه ولاخضاب  
ولا بلغ زفه ومزات الشباب  
تالى يا مدلول شفتك بالتراب  
ويمك خيول العده محفوفه

\*\*\*\*

شفت ذاك الطول دامى اعلى الثرى  
وجثتك يا نور عيني مودره  
وظلت الحسره ييمه موجره  
وجرح دلالى مضه وشيروه  
\*\*\*\*

يا عزيز الروح يبنى وسلوتى  
من بعد عيناك شلي بدنيتى  
حسرت العريس وجت مهجتى  
هاى زفه للابد موصوفه  
\*\*\*\*

چنت يا مدلول لفادى ونس  
يبنى يالمحروم من يوم العرس  
وتالى تحت الخيل شفتك مندرس  
صدگ بالتربان عيني تشوفه

## لطمية

آيا شباب المهته

يـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـمـm

\*\*\*\*

مدلول نام اعلى الثرى

ورمله تنوح موجره

ظلت غريبه محيره

بعدك يجاسم ثاكله ومهضومه

\*\*\*\*

آيا شباب المهته

محروم من يوم المنى

چاليش رايح للفته

عريس يشعب يومه

\*\*\*\*

يشباب بعدك ما شفت

زفه وعمامك هوست

بـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـبـb

والهامه بسيوف العده مهشومه

\*\*\*\*



آيا مصايب كربله  
آلام وامحان وبله  
عريس نايم بالفله  
والخيل تاڤى رسمومه  
\*\*\*\*

يا شاب محروم الهوه  
ومنين لجروحك دوه  
بسهم دلالي انچوه  
والله مصايب كربله ميشومه

### لطمية

عريس للاكوان      ميزفونه  
زفوك عالميدان      يا ولد يا عطشان  
جاسم يبن عدنان      «وين اهله اليوم يحضرونه»  
\*\*\*\*

يبن الحسن مهزوم      چتلك ليش الغوم  
وتحير المظلوم      «احوه يا الشاب وحسراته»  
\*\*\*\*

مـحزون يـزفـافـه      ليش العـرس عـافـه  
والفرح مـاشـافـه      «ومن دمـه الـگوم مـروينـه»

\*\*\*\*

عـريس يـا جـسام      ومـصوبينـه سـهام  
ليش العـرس مـادام      «والحور العين ايزفونـه»

\*\*\*\*

طـايـح بـميدانـه      خـالى اـجـه احـصانـه  
يـالشـاب وـاحـزانـه      «وامك بـغيابك مـحزونـه»

\*\*\*\*

عـمـه اـجـه شـالـه      شـافـه بـياحـالـه  
وانـمرد      دلالـه      «يـاعـمى تـفـطر دلالـى»

### لطمية

هم صار وجرى عريس  
من فيض الدمه محنه

\*\*\*\*

هم صار بجميع الناس  
الحنه من نزيـف الراس

وبالخيال الجسم ينداس

حـوه يـالـراح مـتهـنـه

\*\*\*\*

مـنّ ادموم حناته

يـالمـحروم لذاته

صاحن حيل عماته

راحت بـالـگلب ونه

\*\*\*\*

يا حيف والف وسفه

ما شاف الولد زفه

وهيهات الغلب يشفه

ومشبعنه ابد منه

\*\*\*\*

يا عريس يا مهضوم

وحناتك يويلي دموم

انهض بسك من النوم

يوم اجفاك دوهـنه

\*\*\*\*

احـوه يالشباب الراح  
خـله بالدليل اجراح  
وماعدنه هـنه وافراح  
يـجاسم نـگـطـع الظـنه

### لطمية

هـذا الولد مصيوب      طـفـوا شـمـوعه

\*\*\*\*

طـفـوا الشـمع طـفـوه      عـريـسـكم چـتـلـوه  
هـالشـاب مـا رـحـمـوه      راعى العرس مضروب

\*\*\*\*

طـفـوا الشـمع هـالسـاع      عـريـسـكم بـالـگـاع  
ومـهـشـم الاضـلاع      وسـووالعـزيـه النـوب

\*\*\*\*

نـوحـوا عـلى الغـالى      والـدـمـع هـمـالى  
مـطـروح بـرمـالى      ومـن هـامـته مـخـضـوب

\*\*\*\*

نـور الولد غـايـب      ومـوسـد اـتـرايـب

ومنه الرجـه خايـب      جـّـام يـالمـحبـوب

\*\*\*\*

ليش الولـد بـتـراب      وبراـسـه صار صواب  
مـطـروح ليش الشـاب      ولجلـه الـگـلب ملـهـوب

\*\*\*\*

جـّـام يـا شـمـعـه      مـوت الولـد فـجـعـه  
ظـلت تـون ربـعـه      واميـه عليـه تـلـوب

### لطمية

بالعريس وسفه خابت ظنوني

يا جسام يمه يا ضوه عيوني

\*\*\*\*

يا ويلى العزيز شلون فارگته

ومن بين الصبايا ليش ضيعته

وهو نظر عيني چان واخسرته

ومن بعد الولد ما تضحك سنوني

\*\*\*\*

ما عندى فرح بعد الولد هيهات

بس النوح شغلى واجذب الحسرات

لو دومی اعدد ما يعود الفات  
لاکن یار فاگه لاتلومونی

\*\*\*\*

جاسم یا شباب الراح متهنه  
یا سلوة گلیبی المشبعت منه  
یا محروم ظلت بالکلب ونه  
حسبت احساب واحسابی طلع دونی

\*\*\*\*

حسابی صار یا وسفه سراب وغباب  
وظنی من وجودک یا عزیزى خاب  
اتلفت وسایل وین نوه الشاب  
وتأمل چنت بسمک یهنونی

\*\*\*\*

تأمل زفافک یبنی یا جسام  
یا وسفه الوکت یمدلی مادام  
ما ظنیت تالی تغدر الايام  
وامدال العرس یمّه یعازونی

\*\*\*\*

يعازوني على العريس يا حسره  
 بمكان المنصبه نومت الغبره  
 وامدال الهلاهل اسكب العبره  
 يا احباب لمصابه دعينوني

### لطمية

عريسكم ميعود      يا عماته  
 عريسكم مچتول      ميعود ذاك الطول  
 وامغرب المدلول      والله فراغه چود

\*\*\*\*

نوحوا يعماته      ماشاف مزاته  
 يوم العرس فاته      والحزن لجله ايزود

\*\*\*\*

بنفسي يزفونه      واهله يهنونه  
 وعمرسه يسوونه      وتهوس اهل الزود

\*\*\*\*

يبنى يبعد الروح      منى الغلب مجروح  
 للغضى العمر بالنوح      والله الغلب ممرود

\*\*\*\*

وسفه على اشبابه صار الدمه خضابه  
يالولد وامصابه واعلى الثرى ممدود

### لطمية

مطروح على التربان جسام يمدلولى

\*\*\*\*

نايم ينور العين ومعفر الخدين  
يبن الحسن لاوين من يرفع احمولى

\*\*\*\*

يبن الحسن يبنى ترضه تسيبنى  
جمر الهجر شبنى وظل دمعى مهمولى

\*\*\*\*

جاسم ضوه عينى ومنهو اليبارينى  
ومنهو اليديلينى لو جالت خيولى

\*\*\*\*

يـم الولد ثكله وراح الضمد واهله  
والعيشه ما تحله وبـعده شيگلولى

\*\*\*\*



لمـصـابـه مـلـهـوبـه      و بـحـزـنـه مـنـكـوبـه  
و بـفـراگـه مـصـيوبـه      العـالـم يـشـهـدولـى

### لطمية

يا حنة العريس      مـنّ دـمـومـه

\*\*\*\*

مـن دـمـوم حـنـاتـه      المـحـروم دـنـيـاتـه  
و يـوم العـرس فـاتـه      حـوـه يـالـصـبـى و يـومـه

\*\*\*\*

يا حـسـرة ازفـافـه      و العـرس مـا شـافـه  
و كـل الـهـنـه عـافـه      لا يـنـام هـالـنـومـه

\*\*\*\*

رـمـلـه تـنادى بـصـوت      لـيـه يـيـمـه المـوت  
عـلـيـك الـگـلب مـفـتـوت      و الـروح مـالـومـه

\*\*\*\*

جـسـام يـعـيـونـى      يـالـبـيـك فـجـعـونـى  
اـسـم الـلـه تـعـازـونـى      اعـلـى الشـاب مـسـمـومـه

\*\*\*\*

بفيض الدمه محنه      وللمغيره تعنه  
وظلت الف ونه      بالقلب مرشومه

### لطمية

طلعت بدهشه ام الحزن      يعريس حاجيني

\*\*\*\*

طلعت كئيبه محيره      عريسنه فوگ الثرى  
گالوا الهامه مطبره      يامن أله يوديني

\*\*\*\*

دلونى ابجسم الولد      طايح يعمه يا ضمد  
يا نور عيني والسعد      هيهات تغمض عيني

\*\*\*\*

عريس من دمه انخضب      رايح من الدنيه غصب  
فرگاك يمدلل صعب      وسط القلب چاويني

\*\*\*\*

طلعت بدهشه ام الحزن      وتصيح يا بزر الحسن  
شمعة نزلنا منطعن      والله لزيد ونيني

\*\*\*\*

ورمله تنادى مألّمه      عريس مخضوب بدمه  
والهامه منه مهشمه      عگبه من ايبارينى

## لطمية

يا هامة العريس      ليش      مـصوبه

\*\*\*\*

عريسنا مصيوب      ومن الدمه مخضوب  
والمهر گام يلوب      والسرج مگلوبه

\*\*\*\*

ليش العرس عافه      والفرح ما شافه  
وبكـربله زفافه      والوجنه مخضوبه

\*\*\*\*

زفـوك للـحومه      يـالـبين وسمومه  
وامك المـهـضومه      بالروح مصيوبه

\*\*\*\*

وانت يغصن البان      يا شمعة الشبان  
نايم على التربان      بالكون وحروبه

\*\*\*\*

امّه تنادى شلون      منها الكلب مطعون  
ما بگت عندي عيون      والروح مـلهوبه

## لطمية

يا ريع غلبى يالولد      يمحروم دنياته

\*\*\*\*

محروم من شم الهوه      وعليك دلالي نچوه  
ومنين لجروحك دوه      آيا لصبي وحسراته

\*\*\*\*

عريس مبلغت المنى      ولا شفت لذه ولاهنا  
يا حيف المحتم دنه      ووسط الجبد وناته

\*\*\*\*

محروم يبني من العرس      محمول شفتك عالفرس  
وارجعت مقطوع النفس      ودم النحر حناته

\*\*\*\*

آيا الشباب ويومه      وامّه عليه مالومه  
يالى جميله رسومه      ومثل البدر وجناته

\*\*\*\*

قطع غلبنا ونينه      يا حيف سلهم عينه  
مصيوب راجع لينه      ومنه خفت وناته



## نواعى موشح

وين فتیان الهواشم وين حلوين الرسوم  
خل تزف جسام خلیها تگوم

\*\*\*\*

خل توج شمع السرور بحوفته  
وتنشر الرايه وتبارك زفته  
وعلى العاده خل تهوس صحبته  
عرس جاسم لیش ما بين الدموم

\*\*\*\*

واگف ومحتار بفكاره يدير  
وسمت المعرس يخلوله وزير  
عرس جاسم ماله بالعالم نظير  
ملحمه وطير الفنا يمه يحوم

\*\*\*\*

يا هواشم هوسوا الزفت الغريب  
حایر المدلول ما عنده مجيب  
لیش بس النوح واصوات النحيب  
وخیمت يمه المشاكل والهموم

\*\*\*\*

صارت سهام العده يمه شموع  
وما لگه غير التعازى والدموع  
وجاله بوالسجاد محني الظلوع  
ولبسه ثيابه ودمع عينه سجوم

\*\*\*\*

فصل ثيابه على شكل الجفن  
وبسهم البين دلالة انطعن  
هذا المقدر يمعزوز الحسن  
نعتنى ليه كربله وبها ندوم

## نواعى فايزي

عريس يبنى وما شفت زفه ولا خضاب  
عرسك ييمه ماجره وامصابك مصاب

\*\*\*\*

صاحت من هموم الغلب رمله الغريبه  
واعلى ولدها حنت ضلوع المصبيه  
عريس بيام الحرب والله عجيبه  
ما صار بالعالم عرس شوباشه نشاب

\*\*\*\*

يا فرحة ايامى المضت واهلال دنياى  
تمنيت اشوفك يم عروس قبال عيناى  
كلشى حسبته يالعزيز وما گلت هاى  
والغاضريه ما اجت ابدأ بالحساب

\*\*\*\*

وسط الدليل انصبلك الحوفه يمدلول  
وامسح جبينك من دمع ناظرى المهمول  
انت الذى بالروح دايم تظل محمول  
وانت نسايم دنيتى وانت هوه الهاب

\*\*\*\*

ما شاهدت شمعہ ولا حنت الجفين  
لچن شموعك ظلت بگلب المحبين  
تسعر يمحروم الهوه ايام وسنين  
ومصابك الما ينطفى كل وكت لهاب

\*\*\*\*

ما ينطفى جمرک لمن ترمينى الايام  
ليل ونهار اصرخ واصيح عليك جسام

يا من جنت عند الاهل كل وكت شمام  
وچانت حياتى زاهره بسمك يَلِشهاب

### نواعى فايزي

گومن يعمات الولد مسحن صوابه  
عريس جاسم والدمه صاير خضابه

\*\*\*\*

جاب الولد عمه وگصد خيمة النسوان  
وناده دصدن للعزيز بدمه غرگان  
واثياب عرسه يا حسافه صارت اچفان  
وبساع شمام الحسن گوض شبابه

\*\*\*\*

صاحن فرد صيحه الفواطم وسط الخدور  
عايد شبابك يالولد من نوم الغبور  
هذا الدهانا من مصايب يوم عاشور  
آله يمصرع كربله وهمّه وعذابه

\*\*\*\*



گلها یزینب جرح البراسه دشديّه  
وبلکی یصیر علاج لصوابه ویشافیه  
گالت فلا یحصل دوه الجرحه واداویه  
والبین تسعر جمرته وعلگم شرابه

\*\*\*\*

ورمله هوت فوگ الجسم گامت تشمه  
وصبغت ذوايها الحزينه بفيض دمه  
ومن لبة احشاها تون وتصيح یمّه  
جسام ما اتحمل افراگه وغيا به

\*\*\*\*

یبنی حملتک واحسبت احصد الاثمار  
ما حسّبت تعب التعبته یصیر طشار  
ساعه اعلى رملة کربلايه توزع وغار  
هذا الهضم مامر على بالی کتابه

### نعي مجرد

یجاسم یمه توزم وگوم وانصر غریب الدار هالیوم  
شوفه ینادی وما من رحوم

\*\*\*\*

هاليوم يوم الحرب والكون خلصت انصاره ومابگه عون  
هذا طريق وذاک مطعون

\*\*\*\*

هاليوم اريدک يبو النوماس بيک اقر عيني وارفع الراس  
وخلی بجهادک تشهد الناس

\*\*\*\*

جدام عمک تقرر عيني وحگ الرضاعه توفيني  
جاسم يشمامة جنيني

\*\*\*\*

گلها ييمه يا حنينه هاليوم باسي تشوفينه  
ای وحگ سلطان المدينه

\*\*\*\*

لدحم على ساحة الميدان واطعن عساكر آل سفيان  
والسيف يروه بدمه العدوان

\*\*\*\*

بعون الله نكسر آل اميه هاليوم يوم الغاضريه  
يا يمه منسيت الوصيه

\*\*\*\*

منسيت من عودك وصيته ولجل الشرع دمي مهيته  
وكل مسلم تبين حميته

\*\*\*\*

تغله ييمه العمر بيعه عوف الهنه واحمي الشريعه  
جسام يا حلو الطبيعه

### نعي مجرد

علگوا الشمع واعجنوا الحنه عريس وبعرسه مهنه  
هالشاب بعده زغير سنه

\*\*\*\*

لجل الولد رتبوا الحوفه وخلي بني هاشم تحوفه  
والجاسم تخضب چفوفه

\*\*\*\*

رشوا العطر عدلوا الصيوان ويمه خل تهوس الشبان  
عرس المبارك يا غصن بان

\*\*\*\*

عرس المبارك يا ولدنا بالكون كل عزنا وسعدنا  
هاذا من البارى وعدنا

\*\*\*\*

كل الزلم فوگ الوطيه شلون العرس ويّه المنيه  
احوه يعرس الغاضريه

\*\*\*\*

جسام يا شمعة نزلنا يا طيب من عطور اهلنا  
شبان يالبيكم أملنا

\*\*\*\*

محروس ومهنه يمدلول يحلو المعانى ولايگ الطول  
خاف العزيز تدوسه الخيول

\*\*\*\*

محروس بالبارى شبابه جسام يا سلوة احبابه  
بعده وكت هسه غياهه

### نعي مجرد

يبنى السهرت عليك ليلي وضمتك بوسطت ديلي  
واحسبت بالشده كفيلى

\*\*\*\*

يبنى الربيتك بترتاب واخشه عليك من الهوه الهاب  
تالى صرت مرمه للنشاب

\*\*\*\*

ما حسبت جسام يبنى للفاضريه تسوگ ظعنى  
وبين الغرب خافن تذبنى

\*\*\*\*

تمنيت اشوفك بين اهاليك عريس والعزه حواليك  
ما حسبت للكون تاليك

\*\*\*\*

يعريس حسراتك چوتنى وجمرة مصابك ذوبتنى  
يومك يبعد الروح فتنى

\*\*\*\*

جاسم يبرزى الكبريته وللشيب والشده ارتجيته  
تاليها للصارم مهيته

\*\*\*\*

ارخصتك يغالى خاطر الدين وهى الشهاده فخر صوبين  
ويه الغريب الحاير حسين

\*\*\*\*

شوف الصوارم حوطت بيه وماله محامى ينغر عليه  
اليوم العمر يا ولد ضحيه

### نعي مجرد

عريس يا حلو المعانى فرگاك يا يمة چوانى  
ولا عشت من بعدك عسانى

\*\*\*\*

جسام يالعرسك حرايب والآم واحزان ومصايب  
خليتنى بناب النوايب

\*\*\*\*

يمّه يبعد امك يا بنى عرسك چوه گلبى ومردنى  
ويومك يمدلولى ضهدنى

\*\*\*\*

هاليوم يوم الكدر وامحان ويوم المناحه ويوم الاكوان  
عمك وحيد وماله اعوان

\*\*\*\*

ارخصتك يجاسم وانت عيناي وهاليوم اريدك ترفع الواي  
عمك وحيد وماله حماي

\*\*\*\*

عمك دبيع الروح دونه حيران متوحد بكونه  
واهل الردى مايرحمونه

\*\*\*\*

وين الذى عنده حميه ينصر غريب الغاضريه  
يشبان گوموا بالسويه

\*\*\*\*

واصل العسكر ليه خيمنا وبالمعركه نامت زلمنا  
آله ياشدة المنا

\*\*\*\*

حاطتنا گوم ايزيد كثره وعمك وحيد و حار بمره  
وين الذى ينهض ينصره

### نعى مجرد

ناده غريب الغاضريه عدلى المنصه يازچيه  
لبن الحسن يا هاشميه

\*\*\*\*

لبن الحسن ولمى ثيابه وخل يهتنى بساعة شبابه  
وهو غصن فاحت اطيابه

\*\*\*\*

وجي شموع العرس هاليوم جاسم يخويه شاب محروم  
والشمع لجل العرس مرسوم

\*\*\*\*

هاذى وصيه والوعد حان من ابو محمد على شان  
الجاسم دعدليه الصيوان

\*\*\*\*

گالت يخويه ونور العيون حيف العرس والگلب محزون  
وكل الحياه بساحت الكون

\*\*\*\*

سمت العرس بيام الفراح مو بالمصيبه ويوم الجراح  
والدمع بالعينين سفاح

\*\*\*\*

وين الصبايه اليزفونه ووين الحياه اليهنونه  
وكل واحد موذر بكونه

\*\*\*\*

جسام يا غرة العينين عرسك يعمه بالميادين  
ويمك تجول الخيل صوبين

\*\*\*\*

عرسك يعمه حزن والآم يا سلوة العيله يجسام  
ضاع الرجه وغابت الاحلام

\*\*\*\*



وين العرس واهلى بالوهاد ومطرّحه جملة الويلاد  
وبالمشرعه نايم الورد

### نعي مجرد

طفوا الشمع عريسكم مات وقيمن عزه يا هاشميات  
جاسم غضه وما يرد هيهات

\*\*\*\*

نصبن بالمخيم مناحه وابچن على الزاهى صباحه  
ماله دوه اليضمدا جراحه

\*\*\*\*

بالله الخيمه فلشوها وشموع عرسه دطفوها  
وامه بفگده دعزوها

\*\*\*\*

عريسكم واگع بتربان واثياب عرسه صارت اچفان  
هالشاب حاطته العدوان

\*\*\*\*

آلله يمصابك يجسوم عرسك مناحه وحزن وهموم  
وچفك تحنه بفيض الدموم

\*\*\*\*

صاحن بحرگه وعلن الصوت اسم الله على جاسم من الموت  
اعليك الغلب يا ولد مفتوت

\*\*\*\*

عريس وبچفك الحنه آيا شباب الماتهنه  
طول العمر نجهر الونه

\*\*\*\*

حزنك چوه گلب الاحبه وغصتك يساهى العين صعبه  
وامك عفتها بدار غربه

### نعي مجرد

صاح الغريب ويهمل العين بالله دگومن ياخواتين  
جبت العزيز مسلهم العين

\*\*\*\*

جاب الولد للخيم مطروح سلهمت عينه وغابت الروح  
والجسم منه فاضت اجروح

\*\*\*\*

ناده دطلعن يافواطم بالله دشوفن حال جاسم  
هالبدر ضمته الغمايم

\*\*\*\*

سَلِّهْت عَيْنَهُ وَنَفْسَ مَا بِهِ    وَدَمَ الْوَجْنِ مَتَفَايِضَ أَعْلِيهِ  
وَنَادَهُ يَزِينُ بِگُومِي شَوْفِيهِ

\*\*\*\*

دَارَنْ عَلَى الْعَرِيسِ كُلِّهَنْ    وَالدَّمْعَ يَجْرِي مِنْ جَفْنِهَنْ  
مَوْتَ الْوَلَدِ ذَوِّبْ جَبْدَهَنْ

\*\*\*\*

وَعَمَاتِهِ صَاحِنَ صَوْتِ يَمِّهِ    عَرِيسَ وَمَخْضَبِ بَدَمِهِ  
بَعِيدِ الْبَلِّهِ جَسَامِ عَمِهِ

\*\*\*\*

نَايِمَ يَعْمَهُ وَمَالِكِ جَنَّانِ    عَرِيسَ يَا لِحَنِّكَ غَصْنِ بَانَ  
بَدَالَ الْعَرَسِ نَوْمَتِ التَّرْبَانِ

\*\*\*\*

زَفَّتْكَ الْجِيْمَانُ لِلْكَوْنِ    وَگُومَ الْعَدَةِ يَمَكُ يَهُوسُونَ  
وَتَالِي صَدْگِ بِالْجَبْدِ مَطْعُونِ    يَبْنَ الْحَسْنَ يَا نُورَ الْعَيُونِ

\*\*\*\*

يَشْبَابُ مِنْ دُونِ الْبَرَايَةِ    عَرَسُكَ جَرَّهُ بِيَوْمِ الْمَنَايَةِ  
وَاسْتَحْرَمْتَ لَذَّةَ الصَّبَايَةِ

## نعي مجرد

رمله انهضت مدهوشة الراى وتصيح يمه ولبة احشاي  
يا تاج راسي ونور عيناى

\*\*\*\*

عريس يا حلو المعانى سهمك بدلالى چوانى  
والله اشعمل بيه زمانى

\*\*\*\*

ياريت گبلک متت ياريت والکربلايه عسن لاجيت  
بنارك ييمه اليوم شببت

\*\*\*\*

وکل النسہ صاحت وياها ونوح وبچه ويّه بچاها  
ويلاه يا شدة بلاها

\*\*\*\*

الهن بچه وصياح وعويل والله نعاهن يهدم الحيل  
ويلاه يا نار المداليل

\*\*\*\*

نادت يجاسم ياکسرتى وطول العمر تسعر جمرتى  
موت الولد گطع مهجتى

\*\*\*\*

لو عودت لرض المدينه وسألونى عن جسام وينه  
اگلهم عزيزى غفت عينه

\*\*\*\*

عايد من التربان يبنى يومك شعب گلبى ومردنى  
والبين بسهامه گصدنى

\*\*\*\*

جسام يا بدر الثريه اشوفك قبل عينى رميه  
حطمت حالى الغاضريه

## هـ ————— وسات

طفوا شمعات العرس والخيمه فليشوها بعد  
والصواني طشروها رجع مصيوب الولد  
وين بعد العرس يومه يا أسف خاب الوعد  
«وشموع المعرس طفوها»

\*\*\*\*

وين يا جاسم زفافك ويّه رميات النبال  
ليش حدر الخيل چثتك صفت يربات الدلال  
ليش عريس وتنام اعلى الترايب والرمال  
«والدم اخضابه واحناته»

\*\*\*\*

بالدموم تخضبت منه الجفوف  
ولاكوزفه مرتبه الزين الوصوف  
صار عرسه بالنبال وبالسيف  
«يا جاسم يومه وحسراته»

\*\*\*\*

حسرتك جسام ظلت شاجره  
وجرح رمله يالعزيز اشيجبره  
بگت دايم بالمصيبه موجره  
«تصرخ يوليدى وشمامه»

✻ ✻ ✻ ✻

تصيح من جمرة گلبها يا شباب  
يبنى يالماشاف زفه ولاخضاب  
وشفت المدلل على حر التراب  
«شيليم جرحى وطبراتي»

\*\*\*\*\*

ظلت الحوفه گبل عینی تون  
موحشه وتصیح یا شبل الحسن  
لیش ثوب العرس تالیها چفن  
«واصوابه تمجن بالهامه»

## هـ - وسات

نوحث رمله الحزينه والگلب مملی قهر  
نادته يا ماى عينى ردتك اليومى ذخـر  
والزفافك يا عزيزى احسب ايام العمر  
«واتهنه بيومه وافراحه»

✻ ✻ ✻ ✻

ما حسبت اعلی الوطیه تنظرک عینی خضیب

والسهم نابت بچبدك يا حسافه يا الحبيب  
جرحك بدلالى أثير لاتظن يبره ويطيب  
«وأيامي بحزنك لگضيها»

\*\*\*\*

مرّت ايامى سعيده وانت بحضانى طفل  
يالچنت زهرة حياتي وچنت اعيش بها لأمل  
لاچن بساعة مصيبة كلشي گوض وارتحل  
«ومن بعدك شلى بدنياتى»

\*\*\*\*

وگلت يا جاسم وجودك للكبر ليه سناد  
واحسبت زرع الزرعته منه اربح بالحصاد  
راح كل تعب التعبته وما حضيت بهالمراد  
«يمدلل خيّبت ظنوني»

\*\*\*\*

راحت آمالى ييمه وياك راحت ماتعود  
وافگدت عين الوسيعة وافگدت حمر الخدود  
انت يا شمام روحى چنت كلشي بهالوجود  
«يا يمه خلافاك مهضومه»



\*\*\*\*

لغضي بالونه حياتي والدموع الهامله  
شاهدت كل الاحبه بالرمال مجندله  
وظلت بعيني مناظر من مصارع كربله  
«يمحسر ما يبرد نوحى»

## هــوسات

صاح ابوالسجاد ودموعه تسيل  
گومی يا زينب جبت جاسم چتيل  
ناده خويه انهدم جسمى العليل  
«هالمعرس توك زفيته»

\*\*\*\*

تونا بالحوفه علگناله الشمع  
وبارك الجاسم زفاه هالجمع  
ليش افراح الولد تصبح دمع  
«يمعرس عرسك خليته»

\*\*\*\*

عمه جابه وبالمخيم وسّده

وگام من لهبة ضميره ايناشده  
يا ولد عالويش چتلك العده  
«وصوابك صوب دلالي»

\*\*\*\*

التمت عليه الفواطم بالعويل  
هاذي تنعه وذيچ مدمعها يسيل  
ورمله نادت ما بگالي بعد حيل  
«يا يمه ويا نور عيوني»

\*\*\*\*

بنفسي يا مدلول احضر زفتك  
واعجن الحنه واحني يمنتك  
ريت عيني بالعمه ولا شافتك  
«متعقر من دم الهامه»

\*\*\*\*

رملة نادت والگلب من عدها ذاب  
وصاحت وياها الفواطم يا شباب  
وساعدنها اعلى الفجيعة والمصاب  
«ميت والحنه بحفينه»

## هتوسات

یجاسم بهجتی و منوای اشوف بعرسک مهنه  
وشوفک یالولد عریس وبچفینک الحنه  
وتالیها علی التریان والنبلات زفنه  
«یا یمّه توجر دلالی»

\*\*\*

ما شفت العرس لا بهجت ايامه  
يا المحروم يا لما حضرت اعمامه  
ولا هوست شباب اعتلت جدامه  
«يمحسّر حنيت ضلوعي»

\*\*\*

أنه امك يالولد وبنفسى ازفاك  
واعوذلك وريدن بسمة شفافك  
واشوفنك بخيمه والسعد حافك  
«يگليبى الذاب بحسراته»

\*\*\*\*\*

چم حسره بشر حسره بوسط الفواد  
تقطع هرش گلبی وبعذابه زاد  
گلت ابني اردينه الكبرتي اعماد  
«بولدی الماشفت از فافه»

\*\*\*\*

شفته اعلى الوطيه والدموم تسيل  
شفتك يا مدلل عد مواطي الخيل  
يا بزر الاماره ونبعة التهليل  
«يمدلل هديت احوالى»

\*\*\*\*

وگف عمه ويهل دموع هماله  
ماله حيل وبضعف الغلب شاله  
جابه للخيم واهنا غدت حاله  
«للعريس اشصارت حنه وظلت تندب عماته»

\*\*\*\*

يندبنه الفواطم يا محسر گوم  
انهض افتح عيونك وخلي النوم  
شاب اربعطعش من الهوه محروم  
«يا جاسم انهض حاجينه»

\*\*\*\*

عينك سلهمت يا نبعة الريحان  
نبچيلك يجاسم من گلب ولهان  
هذا يومنا يوم الكدر واحزان  
«يا يوم الطف ونيرانه»







# الفصل التاسع

اليوم التاسع من محرم

في ما يخص مصيبة علي الأكبر





## لطمية

للسمهرية والمرعنه قدمت بدر التام للمرعنه

\*\*\*\*

للسمهرية وضرب السيوف

قدمت بدرى المرحتوف

نصبح ضحاياه يوم الطفوف

يوم المعارك يوم الفنا

\*\*\*\*

قدمت بدرى الطعن الرماح

لجل العداله ولجل الصلاح

وبالغازيه يوم الكفاح

نترك املنا وكل الهنا

\*\*\*\*

مهجة فؤادى يبن الكمال

بين الهناى وبين النبال

وتالى رمية فوگ الرمال

يا ويل عيني من تعاينه

\*\*\*\*



يا بدر ليلي وزين الشباب  
سهمك يغالي زاد العذاب  
ذوب دليلى عظم المصاب  
وعنك يالاكبر مالى غنا

\*\*\*\*

يا نـظـر عـينـى يـبـن الـكـرام  
ودعتك الله ومنى السلام  
بـايـع حـيـاتـك بـاشـرف و سـام  
ودمك فديته ونلت المنا

### لطمية

محروس بعيون البار      يا شبه النـبى المختار  
خوض الغوم      يا معلوم  
ياجدك علي الكرار

\*\*\*\*

آيـبـن الشـرف والزود      خوض المعركة بيمنك  
عزمك ما يريد شهود      يا شبل الصميدة ذاك  
سيفك للعداله يگود      والحق والشرع وياك

للمظلوم للمهضوم

ميدانك يا لاكبر دار

\*\*\*\*

ميدان العلم والنور	للق شرعت دروبه
للعالم هدايه وسور	واضح شنهو مطلوبه
هذا ابن النبي مذخور	والعز شيمته وثوبه
بيها يحوم	راعى السوم

ويوج بجمعها النار

\*\*\*\*

من اجل رساله يخوض	وجنود الشرك زمها
حامى والحمه مفروض	وارگبته مها بدمها
زوده بجبهته معروض	واعلام الكفر لمها
خله سموم	بهل الشوم

وارداها بسگم وامرار

\*\*\*\*

جال بحومة الميدان	وعيون الولى تشوفه
ميسور بالظا الميدان	بين سهامه وسيوفه
يجاهد والغلب لهفان	والحر غير وصوفه
حامى اليوم	يهمى دموم

وشرار العطش وجار

\*\*\*\*

رد للخيمه يتروه	ليهوب العطش حماى
بلكى شويه اتگوه	وينادى يبويه الماى
حالك للغلب چوه	گله يا نظر عينای
يجرى اليوم	والمقسوم
وعليه دهرنا جار	

\*\*\*\*

بيدى والشرب ممنوع	يوليدى وشيطيح اليوم
عالهم والهضم والروع	اصبر عالذى مقسوم
وبسهم الهجر مفجوع	مثلک ضامرى مجسوم
مملی ضيوم	مملی هموم
يوليدى وأنا المحتار	

## لطمية

يالگاصد العرس الولد      لازفه ووليمه  
لاکبر زفافه بکربله تمت مراسيمه  
تمت مراسيمه

\*\*\*\*

تمت مراسيم العرس	والتـمـت احـبابه
واشعار غنته السـلـح	بـصـوات خـلابه
والخيل لعبت منـطـرد	واـتـعـنت اطـنابه
يومك يالكبر بالكدر	قـسـم تقاسيمه
قـسـم تقاسيمه	

\*\*\*\*

عريس يالاكبر علي	والكلل يهوسوله
واصبح زفاهه وحفلته	المـيـدان وخيوله
والزان شوباش العرس	والعسكر الجوله
والكون ديوان لجمع	والمـعـركـة الخيمه
والمعركة الخيمه	

\*\*\*\*

من عادت المعرس تجي	گـوـمه ورياجيله
وتحضر عمامه وكل هله	بـعـرسـه تـهـنـيله
وتبارك افراحه	وتشارك بالعمر ليله
وتعود الطوله	وتنادى الخالقه ايديمه
الخالگه يديمه	

\*\*\*\*

يشباب محروم الهوى	ومـخـلى دنـياته
-------------------	-----------------

ما شاف لذه ولا فرح	يوم العرس فاته
ونام العزيز اعلی الثرى	ومن دمه حناته
بعد المرافه والسعد	يتوسد الهيمه

يتوسد الهيمه

\*\*\*\*

لكبر شرى طف كربله	وباع العمر بـاعه
ما راد دنیه وجنته	مشريها بذراعـه
لجل الرسول وامّته	امر العلي طاعه
وذيچ الصبايا الباسله	المرفوعة الشيمه

مرفوعه الشيمه

\*\*\*\*

باعوا عمرهم واشتروا	جنه و ثمن غالى
ورفرف علمهم بالافق	وسط السما ايلالي
حاموا على دين النبى	وصار الأسم عالى
لسلامهم ساروا	على نهجه وتعاليمه

نهجه وتعاليمه

## لطمية

لكبر من بده صاحت العدوان

هالفارس منو الحيرّ الفرسان

\*\*\*\*

هالفارس منو الهزّ الدعيه

وحملات الحملها حيدريه

هذا ابن النبي سيد البريه

وجده المرتضى قايد الميدان

\*\*\*\*

شبل حسين للعسكر لواها

وبالهامات تتعثر دعاها

صار دموم يتقاطر سماها

فارس من بنى هاشم وعدنان

\*\*\*\*

فرسان الوغا فرت من ايده

وسيفه اعلى العده يرهّب رعيده

ذكرهم علي جده الصميده

وراواهم عذاب الموت الوان

\*\*\*\*

لَمَّنْ بالمعاره گبر الويد  
صاح ابن سعد وين الصنايد  
خليها تگوم وترفع الأيد  
لبن حسين خل تبرز الشجعان

\*\*\*\*

وصاح من الغضب بكر ابن غانم  
واتقدم على شبل الهواشم  
يگول العار ما بين الضياغم  
وأنه اليعرفونه اهل الاكوان

\*\*\*\*

لكن صارم ابن حسين طره  
وراسه فرت الدولاب فره  
تحمّاله وسگاه چاسات مره  
وگام اغبار چنه لهب نيران

### لطمية

شـمعة نزلنا      خـافن تـثنا  
ايحفظه آله من البله ويعود لنا

\*\*\*\*

يا شمعة البيت      للبيت ضوئ  
چه الغمر هليت      يوم اللّی طلعت  
تشبه الجدك حيدرہ قايد علمنا

\*\*\*\*

من برج عدنان      شع اعلى الاكوان  
حير العدووان      شمعة الشبان  
خله الجموع امطره ومحد تدنه

\*\*\*\*

من طلع لاكبر      ذكرنا حيدر  
هاليوم تفخر      كـربله وتزهر  
شيمه وحميه ومرجله تمتاز اهلنا

\*\*\*\*

ايحفظك المعبود      وتعود اردود  
يا صاحب الزود      والكرم والجود  
ترجع عليه يا علي ويلتم شملنا

\*\*\*\*

خوفى ودموعى      تنطفئ اشموعى  
وبالكلب روعى      وحانيه ضلوعى  
خافن تروح وما تجى يا ابو المحنه



\*\*\*\*

خوفى يضرغام      فوگ الثرى تنام  
يا جور الايام      صابتنا بسهام  
ومن بعد عينك يا لولد خايب املنا

### لطمية

شوفى للكرار تشبه حملته  
العلى الكبر عوذى يا عمته

\*\*\*\*

عوذيله يا زچيه للولد  
مئيد ومحروس بعيون الصمد  
هاذ فخرى وهاذ ليامى ضمد  
وشيمت العز والهواشم شيمته

\*\*\*\*

شوفى طوله ووجنته مثل البدر  
ها الغصن ليفوح من عنده العطر  
خاف يتوالوه گوم اهل الغدر  
ومن دماه تصير خافن حنته

\*\*\*\*

عوذيله هالشباب اللّى طلع  
من برج عدنان وانواره سطر  
وبالكلب حشرات لهابه زرع  
طول عمرى ما ابطل ونته

\*\*\*\*

يمّه يالمحروم يالاكبر علي  
يا بعد گومى واخوتى وكل هلى  
خاف لن اتروح ما ترجع الى  
وروحى يامدلول تبگه مفتفته

\*\*\*\*

اسمع امك يا سرورى بدنيتى  
يا على بالروح ظلت عبرتى  
وما تهود عليك ابدأ حسرتى  
سهام بالدلال بعدك نابته

## لطمية

يمحروم يمحروم      هوه الدنيه يمحروم  
يمهضوم يمهضوم      الك حسره يمهضوم

\*\*\*\*

الك حسرات وجّاره  
يعطر البيت وازهاره  
غصن مليان بثماره  
يمعلوم يعلوم ألك شيمه يعلوم

\*\*\*\*

طلع مثل البدر ضاوى  
وجمره بالكلب داوى  
اخافن هالنجم هاوى  
تجى غيوم تجى غيوم على اسمانا تجى غيوم

\*\*\*\*

شعت زهرة خدوده  
حيد وزاكيه جدوده  
عسه رب السما يعوده  
علي ايدوم علي ايدوم بعد ظنه علي يدوم

\*\*\*\*

شـلـون نـجـوم بـالـمـيدان  
مـن هـاشـم و مـن عـدنان  
مـحـرو سـين بـالـرحـمان  
يـالـنـجـوم يـالـنـجـوم بـنـى هـاشـم يـالـنـجـوم

\*\*\*\*

خـوفـى اعـلى صـبا يـانا  
والـلـه الرـوح خـلـصـنا  
وبـينا حـاطـت اعدـانا  
يـهـالـگـوم يـهـالـگـوم و لـيتـونا يـهـالـگـوم

\*\*\*\*

يـالـمـحـروم يـالـغـالى      يـومـك فـطر دـلالـى  
بعـده سـايـبه احوـالى

بـالـهـمـوم بـالـهـمـوم تـظـل رـوحـى بـالـهـمـوم

\*\*\*\*

الـهـج و الـگـلب دـامـى  
وصـواب الـولد حـامـى  
دـهـرى عـالـجـبـد رـامـى  
أله سموم أله سموم يفرغها أله سموم

## لطمية

زينب هللتله والدمع فجر  
للميدان رايح يا علي الاكبر

\*\*\*\*

صول اليوم يا شبه النبي الهادي  
دسمع دويت العدوان بالوادي  
يا عمه عليكم ذايب افادي  
وانظر عودك المظلوم واتحسر

\*\*\*\*

تعوذله وتصب دموع هماله  
وتعاين جماله وتنظر اهلاله  
للاكبر يوسفه غربت آجاله  
هذا الكاتبه المعبود ومقدر

\*\*\*\*

تهلhel وبصدرها مكسره العبره  
بعدك يبن اخوى بگلبك الحسره  
انت يا شباب الما بلغ عمره  
جمرك يا عزيزى بالگلب يسعر

\*\*\*\*

رايح يا شباب البعده متهنه  
گومن يا خواته سريع ودعنه  
خافن من بعد ساعه تفگدنه  
وعليه بالمعاره تندب العسكر

\*\*\*\*

دارن عالعزيز ونوحن يمه  
هذى تصيح يمه وذيجه يا عمه  
وليله شبگت المدلول وتشمه  
لاتطلع ييمه گلبى اتفزر

\*\*\*\*

امّه ناداته لتروح يوليدى  
يا بهجة حياتى وسلوتى وعيدى  
اخافن للمدينه ارجع اوحيدي  
بیش اهجع يماى العين واتصبر

### لطمية

والعطش حامى	يا بوى ذابت مهجتى
وانظر الامى	هالساع عاين حالتى

\*\*\*\*

جيتك يـبويه اشتكى	من گلب صادى
الميدان وسموم الفضا	يـبـس افادى
وحمل السلاح بيمنى	وجـمـرة الوادى
مقدر اداوم صولتى	والگـلب ظامى

\*\*\*\*

ملهوب گلبى من الظما	بـويـه رويـنى
شربة اميه بارده	يسـكـن جنينى
حتى اصول اعلى العدى	واحـمى عن دينى
لازم اضحى رگبتى	وانـصر اسلامى

\*\*\*\*

ناده بوليمه والدمع	يـهـمى من عينه
گلبى مثل قلبك دوه	والشـرب ويـنه
وكل المسالك يا علي	ضـاگت علينه
وانظر احبابى وصحبتى	تـهـوه جـدامى

\*\*\*\*

شوفتك يـبويه بهالوضع	زيـدت نارى
يا ريع گلبى يا على	وبـهـجة انظارى
اصبر على سهام القضا	والأمر جارى

وجمرتك وجّت جمرتى      وشبّت سهامى

\*\*\*\*

صوّل يبويه بهمتك      واشعل الغاره  
يامن شبیه المصطفى      بجوده وانواره  
والزود من حيدر على      وانت تذكاره  
حققت بويه غايتى      وارفعت هامى

\*\*\*\*

بزودك يبويه تذكرت      حيدر ويومه  
حملات من ذاك البطل      فارس الحومه  
خليت كل من جابلك      فاضت ادمومه  
وسيرك الدين وسيرتى      والهذف سامى

### لطمية

عطشان عطشان      والوج من الظما  
ولاهب المـيدان      دلى هدمه

\*\*\*\*

عطشان وافادى انبره      حاويلاه  
والحر دلى فطره      حاويلاه



ما بگت عندي مقدره      حاويله  
وانظر العداوان عليه مخيمه

\*\*\*\*

يا بوى ذابت — هجتي  
والكون غير حالي  
بالروح تسعر جمرتي  
وجهت شكواي لعد رب السما

\*\*\*\*

جاوبه وعبارته هلي  
ويمن الورد يمدللي  
يسگيك جدك يا علي  
صاحب الكوثر علي حامى الحمه

\*\*\*\*

اصبر يبويه اعلى القضا  
يامن شبیه المرتضى  
ضاگت الوسعه والفضا  
واعلى الشريعه العساكر حايمه

\*\*\*\*

چېدى مثل چېدك صفه  
ولبة افادى ناشفه  
بالگوم ماكو عاطفه  
كلها ملاعين ولاكو مرحمه

\*\*\*\*

يا بوى غصبونا غصب  
ولزموا اعلينه كل درب  
وليا قضيه ويا سبب  
عالویش عالویش يسفكون الدما

### لطمية

گومى ودعينى	صار الموادع ييمه
ما تشوفينى	وادرى من بعد المعاره

\*\*\*\*

وگومى لوداعى	تركى حشرات الملامه
واسمعى الداعى	وخلّى آهات الكائبه
وصوّت الناعى	حانت الفرگه يليله
واشفى اجنينى	أنا ابنيچ كلمينى

\*\*\*\*

فزت من الغيبه ليله	وگامت تحاجيه
واحضنت ثمرة چبدها	والدمع تجريه
يا علي همك رمانى	والگلب چاويه
يا هوه الدنيه الأشمه	وثمره جينى

\*\*\*\*

گلها يا يمه دحزبى	عالمرار اليوم
يعينچ الله اعلى المصيبه	من ارد مصدوم
والجبين تشاهدينه	بالعمد مجسوم
فوضى للبارى امرچ	من تفقدنى

\*\*\*\*

تسلّحى بثوب العزيمه	والصبر ينراد
والصمود اعلى النوايب	شيمه الامجاد
وحان المقدر ييمه	وساعت الميعاد
والعمر لازم ابيعه	من اجل دينى

\*\*\*\*

احنا انصار الديانه	وعالمنايه نفوت
واحنا طلاب الشهاده	ولانهاب الموت
والكلام الله ونبيه	رافعين الصوت

واحملى تاج المعزه يا الذخرتينى

\*\*\*\*

گالت مودع ييمه	والنصر يبراك
وهاذى روحى وياك اخذها	بالوغا ترعاك
تحمل سيوف المنايه	والسهام ويك
ولا اصد جسمك رميه	وتنظرك عيىنى

### لطمية

شلون الغريب اليوم وشحاله

ودع الغالى وذاب دلاله

\*\*\*\*

ودع وليده ولد مع هالى

يكبر يبدر البسما يلالى

وسفه يبويه توسد ارمالى

وينشال راسك فوگ عساله

\*\*\*\*

شحال الغريب الساع وشلونه

للكون قدم قرة عيونه

واگبال عینه الغوم یرمونه  
وهو عزیزه وغایت آماله

\*\*\*\*

ناده یبویه ولبة افادی  
گلبی وگلبک یالولد صادی  
واسهام هجرك هدت اعمادی  
وحننت ضلوعه والدمع لاله

\*\*\*\*

هدت احواله شوفت الاکبر  
واعلی عزیزه دارت العسکر  
والکون حامی والعطش والحر  
والبین صوبه قدم ارحاله

\*\*\*\*

جاله ینادی بویه روينی  
والعطش ذوب لبة اجنینی  
ولازم احامی الیوم عن دیني  
وبیدی احطم گوم الانذاله

\*\*\*\*

گله یبدری وبهجة انظارى  
عالكون بويه يعينك البارى  
ويسگيك جدك كوثر الجارى  
وهناك تروه وتشرب ازلاله

### لطمية

ليه تنادى هله بسمك هله  
يبن الهواشم يراعى المرجله  
شيمة هواشم عزيزى شيمته  
وعرگ الشجاعه يلوح بقصته  
والجده حيدر تشابه حملته  
والدرع والسيف على متنه حله

تشبه الجده علي حامى الحمه  
لو گابل الغوم وخاض الملحمة  
وكلمن يلاگيه جبينه هشمة  
وتبگه الملاعين من ايده مبهذله

\*\*\*\*

ناده ليله هله بریع الغلب  
سهمك رمانی وعطب گلبی عطب  
روحي حزينه ودمع عینی یصب  
ما تهجع الروح عليك موجله

\*\*\*\*

شبيدي ييمه ولاعندی صبر  
روحي سعيره ولگدر استقر  
وادرى توذرك سيوف اهل الغدر  
لاهب امصابك ييمه شيحملة

\*\*\*\*

يكبر تگله يروحي ومهجتي  
ردتك يمدلول تشيل اجنازتي  
وبعدك ييمه عذابى وحيرتى  
واشبع هضمه وعذاب بكريله

\*\*\*\*

گله ييمه دصبرى اعلى القضا  
ولا بد تشوفين جهاتى مرضرضه

وسهم الدعايه على جبينى مضه  
حسبى مصابيح على بارى المله

### لطمية

صاح بصوت لأكبر ما تسمعيني  
يايّمه يليله گومى ودعيني  
\*\*\*\*

جيت من الحرب عطشان هالساعه  
حيى ابنچ ييمه وگومى لوداعه  
ادرى يا حنينه الفقدى مرتاعه  
وحل يوم المقدّر بينچ وبينى  
\*\*\*\*

صاحت من المها بصوت يايّمه  
وفزت من الغيبه وگامت تشمه  
وحضنته بگلب متفايض بدمه  
ريت عليك يّمه لابتجت عيني  
\*\*\*\*

گللها ييمه صبرى عالجارى  
هذا اللّى عليه قدره البارى



واخذى للمدينه وياچ تذكارى  
من ترحين للديره وتخلينى

\*\*\*\*

ذكرينى صريع بساحة الحومه  
وبطف كربلايه صارت النومه  
الله يصبرّ گليچ يمهمومه  
وآنا القدمت دمی الأجل دينى

\*\*\*\*

ذكرينى شباب وصارمى بيدى  
لتگولين يالمحروم يوليدى  
تدرين الحرايب فرحتى وعيدى  
واحمى حرمة الاسلام بيمينى

\*\*\*\*

ناده مودع يا ضوه عيونى  
عالفركه الطويله يا علي شلونى  
من دنياى كلها خابت ظنونى  
حسبتك تظل یمى وتواسينى



## لطميات الوگفه

### لطمية

ياكبر يا نظر عيناى      أنا بعدك شلي بدنياى  
على الدنيا العفا بلياك      صحت يبنى رمانى جفاك  
ياكبر يا نظر عيناى

\*\*\*\*

على الدنيه العفه ولاريد	حياة وانت موبها
حزينه وغابره بلياك	ثرى مصابك يغطيها
تظل روحى عليك تحوم	ولامبسم يسليها
يمن لذتك شبيه الماى	غليل المهجه يرويهها
مثل شم الهوه طرواك	يرد روحى ويصحها
مثل نور البصر ملگاك	يسر عيني ويضويها
علاج الكل هموم اعضاى	عبيرك علتى يشفيها
چنت نجمه بسما دنياى	جمالك فايض عليها
صدگ تالى بسموم الكاع	ياكبر وبذراريها
صدگ شبه النبی المختار	هدف يصفه المرامها
صريع بحومة الميدان	يشمعة هاشم وعدنان
يبويه ولاحسبت بهاي	ياكبر يا نظر عيناى

\*\*\*\*

يمن صدر العلى رضعته	ينبغة هاشم وعدنان
طريق الواحد ابصرته	بثبات ومعرفة وايمان
وزمام الواقع امسكته	على نور البصيره مشيت
ولا هول وخطر هبته	دحمت اعلى الوغا وضحيث
جناح الباطل اكسرتة	بحسام السنه والقرآن
ولا عيش الردى وذلتة	وگلت موت بمعزه نريد
نموت وسيفك اشهرته	وگلت يا والدى اعلى الحق
لجل دين النبى وعزته	مهيت بكل منى دنياك
ومنال الدنيه طلگته	وشریت الآخره بدماك
تلوح اعلى الثرى چشته	ياؤل هاشمى بالطف
اشوفك عالثرى ممدود	يذخرى ويا حليف الزود
يالاكبر يا نظر عيناي	وتراده بمصرعك منواى

\*\*\*\*

نحيل وثاگله جدامى	اجيتك والگلب خلصان
يبهجة روحى وايامي	لگيتك هاوى عالتربان
يشوفك عالارض دامى	عزيز اعلى ابوك حسين
غيابك هدم اعضامي	يالكبر يا ضوه الشبان
رمه گلبى بسهم حامي	وعمود الصوّب عيونك

وهو بجرف النهر طامى  
مشيت بـگلبك الظامى  
واشوفه تهاوه جدامى  
على امكاثره سهامى  
ويخف من لوعة الامى  
يشبه المصطفى المختار  
ياكبر يا نظر عيناى

رحت يبنى بحسرة الماى  
مشيت معفعر الخدين  
يغصن الى تلوه وذاب  
اصد الياجهه ويا صوب  
لچن ليهون الحسرات  
انا بعدك اعوف الدار  
يظامى الما شربت الماى

\*\*\*\*

ياكبر يا ضوه عيونى  
يهل كوفه غدريتونى  
على يا معنى جبتونى  
على الظالم تنصرونى  
وصدگ تالى اغدريتونى  
وعهدكم خاين ودونى  
وعن المئوى ابعديتونى  
ولاچنكم تعرفونى  
ولبن هند ارخصيتونى  
تصدون وتهجرونى  
بگيت محير ومظلوم

لزم ظهره الغريب وصاح  
وهتف من ضامره الملهوب  
على يا مگصد وعنوان  
يمن گلتوا برسايكم  
واجيت بكل هلي لهنا  
صفيتوا لا شرف لادين  
وتركتونى غريب الدار  
سحگتوا الغيره والوجدان  
انا ابن المصطفى المختار  
اسف من بعد الف ميثاق  
وانادى ولامعين اليوم

اعالج يا جرح ياداي      يالاكبر يا نظر عيناى

\*\*\*\*

حمل بدر الدجى بيمناه	ولعند العايله تعنه
يناديهن يمحجوبات	علي الاكبر تلكنه
جبت ريع الغلب مجتول	ومن فيض الدمه محنه
غمض عينه العزيز وفات	ولايجهر بعد ونه
هون من سمعن بهالحال	وغدت وسط الخيم حنه
جرت عند الحرم صيحات	صميم الصم يصد عنه
ينادن آيا يغصن البان	حسافه عودك اثثنه
واجت ليله بگلب مسعور	تنادى شلون افگدنه
على جسمه انحتن وتصيح	اريد الساع اشمنه
هلالى باؤل اّامه	ولا عيني اشبعت منه
لؤن واگضى العمر حسرات	واناديلك يطيب الذات
رحت وانت الجنت سلواى	يالاكبر يا نظر عيناى

\*\*\*\*

يالكبر ما ابطل النوح	اوّن طول العمر كلّه
بعد مالي رمتق بيه روح	مصابك عذبه وسلّه
نقطع هرش الدليل وطاح	ولا تتلايم العلّه
بگه گلبى يهل ادموم	مثل ما دمك اتهله

ولا يـجـدى دوه وطبّاب	ولا خـيـط الذى ايشلّه
چـبـيره طـبـرتـه وبلواه	مـتـرهم واسعه الخلّه
يـيـمه وـيـن اـرـو حـن وـيـن	يـيـمه بـيـمن اـتـسـلّه
يـرـيت وياك اخـذنى المـوت	ولا بـعـد الفـخـر ذلّه
بـعـد ذاك الحـمـه والزود	اـخـاف انـرـافـگ خـولّه
حـرم بـيـت النـبـى المـخـتار	وعـلـيـنـه الطـاغـى يـتـولـه
يـيـمه والمـسـير شـلـون	اعـوفـك بـالـثـرى مـطـعون
يـسـيرـه ولا زلم وياى	يـالـكـبر يـا نـظـر عـيـناى

### لطمية

انـهـض يـنـور العـيـن وانـغـر عـلـيـه  
أنا امك بيا حال ما تدرى بيه

\*\*\*\*

حالى بعد عيناك ما تدرى يا حال  
ما ليـه مـهـجـه وروح لـاعـندى دلال  
كلها سرت وياك واندفتن آمال  
ويّه جفاك اليوم غابت بالرمال

وانت الذى بحماك مضروبه الامثال  
يا ثمرة الكرار حامى الحميه

\*\*\*\*

يكبر يبدر التام اسمع ونينى  
يالى حسبت وياك اكمل سنينى  
بعدك يضي العين ما تغفه عيني  
وبسهمك المالوم ذايب جنينى  
يمّه بعد هيهات يبطل حنينى  
والحسره والونات صبح ومسيه

\*\*\*\*

راح اقطع الايام بالحسره والنوح  
وابجى نهار وليل عالشفته مذبوح  
صوبه نظر عيناى كل وكته مفتوح  
عالغازيه يحوم ابدأ فلا يروح  
يالائمي لتلوم دلالي مجروح  
وانا العفت بالكاع نجم الثريه

\*\*\*\*

ماتدرى يا مدلول حالى شد عيته  
بين الهضم والجور غلبى رميته

يبنى الذى للضيغ زوده ارتجيته  
وما حسبت هالساع توصل منيته  
لو ينشرى بالروح جنت اشتريته  
ولا يبغيه عالتربان جسمه رميه

\*\*\*\*

هاك الدرع والسيف وتوزم وگوم  
واحمى بنى المختار من هجمة الگوم  
بعدك ييمه شاب مايرهم النوم  
وامخضبه الوجنات من فيض الدموم  
لاتقبل العدوان تسبينه هاليوم  
ومخدرات حسين بيد الدعيه

\*\*\*\*

بين الغرب ممشاى ترضه يمغوار  
ريتك حضرت اويای من شبوا النار  
وشفت الغوالى سيوب ما بين الاشرار  
صارت خواتك ليش بالهيمه طشار  
ما عدها والى يگوم لاعدها نغار  
واهل الشيم بالكون فوگ الوطيه



## لطمية

شفت بدرى على التربان      مرد حالى مرد حالى  
صرير وغايب الوجدان      جسد خالى جسد خالى  
يغصن البان      على التربان  
مرد حالى مرد حالى

\*\*\*\*

يغصن اللى تهاوه وذاب      واصده اعلى الثرى موذّر  
رميه شمعة الشبان      ومن فيض الدمه معفر  
دحزبوا يا بنى عدنان      على مصرع علي الاكبر  
نجم وانهار      حسافه غار  
ياكبر خابت آمالى يا امالى

\*\*\*\*

صحت مالى قوه واجنان      ولا أيد الذى تشيله  
اطلبت صبرى وجفه صبرى      وتعذرنتى ونفذ حيله  
انتخيت بشيمة الشبان      تسندله وتتحيله  
برفق حملوه      ولاتاذوه  
وهم شالوه بدمع هالى دمع هالى

\*\*\*\*

على الدنيه العفا ناديت      ولا ريد العمر يبني

يمرّ بعدك زمانى شلون      واصـاويـك تعذبـنى  
بهضيمه ونايبه وامحان      يـصد ليه ويـلاحـگنى  
يـضـي العـين      رمانى البين  
يروحى وسلوه دلالى      يدلالى

\*\*\*\*

شبيهه المصطفى بنوره      وشجاعت حيدر المعلوم  
بشاشة وجهك الوضّاح      تطفى حسرة المهضوم  
مشيت انت وبگيت انا      بعذاب ونايحه وهموم  
دلىلى ذاب      على الاحباب  
وأنا الغاب وخفه اهلالى      خفه هلالى

\*\*\*\*

زمانى الغادر الميشوم      رمانى بالگلب طعنات  
گصدنى بصارمه وگوسه      وعليه انهالت الصدمات  
شفت بدر الدجى مطروح      گبل عيني تردّه وفات  
عزیزى طاح      جفانى وراح  
اسف عنّي مشه الغالى      مشه الغالى

\*\*\*\*

مصابك يا عزيز الروح      شعد يومه وشو صفنه  
فجر عند الحرم صيحات      صميم الصم يصد عنه

وغدت حنه على العريس      مثلها ما غدت حنه  
على المحروم      على المهضوم  
على المحبوب لطم عالي لطم عالي

### لطمية

اجه وصاح الولي بعالى نواحيها  
سهم اجفاك روحى بنار چاويها  
يبنى الما شربت الماي      يبنى الحاربوك اعداى  
سهم جفاك دولبنى

\*\*\*\*

صاح بصوت ثاير والدمع هالى  
اگعد شوف حالى يا بعد حالى  
اشوفك وين يالغالى واعز غالى  
يبنى الذوبيت احشاي      يبنى ويا نظر عيناى  
مُر فرگاكَ عذبنى

\*\*\*\*

يصرخ والدمع هامل على الوجنات

خلّالي مصابك بالغلب چویات  
دوهنی زمانی ولایعود الفات  
یبنی وما بگالی رای      یبنی وضیعت ادوای  
یالعریس دسمعنی

\*\*\*\*

دولبنی المصاب وزاید الهیبه  
آنا اللّی بجفاک توذّر گلیبه  
آنا الما یجد بعدک آله طیبه  
یبنی وقطّعت چلای      یبنی والدمع مروای  
صوت الجور ذوبنی

\*\*\*\*

آنا اللّی بفجیعه شاهد ولیده  
آنا الحایر الیصفگ علی ایده  
منهوب الفؤاد وشابچ بقیده  
یبنی وضاعفت بلوای      وتعرّ علیه اشفای  
والمقدور حاربنی


\*\*\*\*

یبنی المات صابر والعمر عافه

واشعار الشرف باسم على اشفافه  
وبدور المراحل تابع اسلافه  
يبني بالحرب غناى واسلاح المعارك ناى  
يالغال العرك فنى

\*\*\*\*

يبنى المات والعز يضحك بسنه  
وفنون الملاحم والحرب فنه  
راخص للحياة ومشتري جنه  
يبنى وارتفعت ابهاى واسماك اعتله واسماى  
وييوم الوغا تغنى



## عدة لطميّات مربوعة وفزاعية

### لطمية مربوعة

المصرعك يبنى صحت ودونى  
يا على الاكبر ينور عيونى  
\*\*\*\*

من لهب گلبى اصرخت يبنى واصيح  
روعتنى النايبه وانھض واطيح  
ريت من هالدنيه اخلص واستريح  
بيك يا يمه العده فجعونى  
\*\*\*\*

يبنى يا مدلول يا صوب اوگعت  
ريتنى ميته ولابيك اسمعت  
بين گوم ايزيد وسفه اتگنطرت  
وآنا من بعدك اظل اشلونى  
\*\*\*\*

شلون حالى من بعد عين الولد  
حسبت للموت يبغيالى ضمّد

يا على طرواك احله من الشهد  
ما بعد تضحك وراك اسنوني

\*\*\*\*

مصرع المدلول گولوا بيا طرف  
مثل دمه دموم دلالي نرف  
يبنى يا طود المكارم والشرف  
يا رفاگه بغصته عازوني

\*\*\*\*

ساعدوني بهالمصاب اللی جره  
ناری باعماق الدليل موجره  
عندی نجم سهيل هاوی عالثری  
وخاب من كل المنی مظنونی

\*\*\*\*

ارد اروحن یم عزیزى وبهجتى  
وارد اگله ویاك راحت سلوتى  
شیعبر جروحي ويهون لوعتى  
محنتى كبرى وعظیمه شجونى

## لطمية

شمعة الشبان طاح بكونه  
يساعد الله عمته المحزونه

\*\*\*\*

گومی یا زینب دحزبی اعلی القهر  
ایعینچ الله اعلی المصایب والکدر  
چم شباب تشاهدینه اعلی العفر  
وجثته بخیل الکفر مطعونه

\*\*\*\*

طاح الکبر بالخلی یا عمته  
وخیل ابن سفیان رضت چثته  
ومن دموم الهام صارت حنته  
وسفه بدر التام وتفگدونه

\*\*\*\*

شلون حال ام طاهر بوگعة علي  
نايم العريس بتراب الخلي  
یا مدامع هلي لمصابه هلي  
سلوة البيت وتغيب عیونه

\*\*\*\*



بساع نجم سهيل من برجه خفه  
طاح بالميدان شبه المصطفى  
شلون حال حسين من بعده صفه  
والأحـبه للأبد ينـعونـه

\*\*\*\*

من هوـه ذاك العزيز بمصرعه  
شلون صارت عالهاشم فاجعه  
وصاح ابوالسجاد وألهم روعه  
وين فتية هاشم يشيلونه

\*\*\*\*

ما گدر يحمل عزيزه من الثرى  
شافه والوجنات منه مطبره  
صاح يوم اجفاك دلالي بره  
ومهجتى بظيم الدهر مشحونه

\*\*\*\*

جابه للخيمه ودمع عينه يهل  
ومدده بين الفواطم والأهل  
مصرع المدلول بالعيله شعمل  
وصارت الخيمه بالطم مرجونه

## لطمية

جبت الكبر سابع من دمومه  
يا شباب الماتهنه بيومه

\*\*\*\*

يا علي يبنى يسباح الغلب  
من أثر بلواك ما شوف الدرب  
واتركت دنياك يا بويه غصب  
بعده مو وكت السفر والنومه

\*\*\*\*

غوّض اهلك يشبه المصطفى  
وانت نور البيت وابساع انطفه  
شلون حالي اليوم من بعدك صفه  
تقابل اعليه الدهر بسمومه

\*\*\*\*

هاذ الكبر سابع بفيض الدمه  
وهامته بسيف الدعيه مهشمه  
تعلم بهالحال يا رب السمه  
اشسوّت ويانه العده الميشومه

\*\*\*\*

گومی یاليله دشوفی مدللچ  
من الحرب مذبوح ردیته الچ  
عالمصیبه های الله یصبرچ  
شلون هجران الولد وهمومه

\*\*\*\*

ضجّت النسوان والنايح عله  
وليله تندب والمدامع هامله  
آلهه يا حرة مصاب الثاکله  
تصیح یبنی یا حلات رسومه

\*\*\*\*

شبیّب الماشاف لذّات الصبه  
یا حلیف الزود یا روح الأبّه  
هلال عمرك یا عزیزى شغرّبه  
وخیم علینه الكدر بغيومه

### لطمیّة

لكبر طاح بالمیدان      گومی ابساع یاليله

\*\*\*\*

گومی حزبی عالونّه      عالی راح متنه

مشبعتي نظر منه      هاوى شمعة العيله

\*\*\*\*

ابنچ طاح ما تدرين      حاطته العده صوبين  
مرمى قرة العينين      وين اللّي يجى يشيله

\*\*\*\*

گومی ضمّدى جروحه      بلکی تهودله روحه  
عينه اعليچ مشبوحه      یوّن اونته ثجيله

\*\*\*\*

طايح والچبد ممرود      بسموم الثرى ممدود  
هيّيات العزيز يعود      قطعى ارجاج وانعيله

\*\*\*\*

عمرچ بالحزن والنوح      من شفتى الولد مذبوح  
وبسافى الثرى مطروح      دومچ ظلّي انحيله

\*\*\*\*

بالحومه هوه الاكبر      سمعى دويت العسكر  
وجيش ابن الدعى يفتّر      والبر فاضت بخيله

## لطمية

يا شبه النبی العدنان      نایم لیش بالحومه

\*\*\*\*

لیش تنام عالتربان      وانت شمعة الشبان  
وانت نبعة الريحان      بعده مو وکت نومه

\*\*\*\*

بعدک یا عزیز حسین      بعدک لاتغمض العين  
ناوی یا شهم لاوین      وانت الشاعت علومه

\*\*\*\*

وانت بالوفه موصوف      ما ترتاب يوم الخوف  
لو صفت عليك صفوف      متهاب الوغه ويومه

\*\*\*\*

يالاكبر يبدر التام      لیش اعلى الوطيه تنام  
صوبنا جفاك سهام      يا ساعت الميشومه

\*\*\*\*

رايح والچبد مطعون      من حر العطش والكون  
نارك يالولد متهون      وامك تظل مهضومه

\*\*\*\*

امك ظلت اموجره      دوم عليك بالحسره  
يوم اجفاك شيجبره      آيالبين وسومومه

## لطمية

ليله واگفه وتصيح      عالمدلول عازونى

\*\*\*\*

عازونى على مصابى      اليوم اليوم يحبابى  
وانا الفاگده شهابى      وبعد الغايب شلونى

\*\*\*\*

من عندى مضه المدلول      يا گلبى بعد شتگول  
ليه شبه النبى المرسول      الفگده لذهب عيونى

\*\*\*\*

نايم عالثرى يا شاب      مظنونى بالكبر خاب  
ليامك حسبت حساب      تاليها طلع دونى

\*\*\*\*

يالأكبر ينور العين      ليش معفر الخدين  
ليك اشما انوح سنين      ما تتهاون اشجونى

\*\*\*\*

لو طول الدهر انعه      ما تبرد ألي دمه  
ولا عندى بعد هجعه      وأنا الخابت ظنونى

\*\*\*\*

شلون اهجع وأنا الولها      وكل اسعود ما ألها  
وانا اللى وگع ظلها      يا خلان سمعونى

## لطمية

ويّه يشباب المحسر      منذبح فوگ الوطيه

\*\*\*\*

ويّه يوليدى يالكبر      عالثرى نايم مطبر  
جمرتك بالگلب تسعر      رحت محروم الميه

\*\*\*\*

يا شبيب ماهو يومك      عالثرى ما يحله نومك  
غارت الحلوه رسومك      كدّرت دهرى عليه

\*\*\*\*

كدّرت يا ولد دهرى      خلص يا مدلول صبرى  
عليك دوم الدمع يجرى      يا ذبيح الغاضريه

\*\*\*\*

يا على غصتك عمتنى      يا عزيزى دوهنتى  
ليش مهضومه عفتنى      بگيت ما بين الدعيه

\*\*\*\*

شلى بالدنيه ييمه      من بعد عيناك ظلمه  
والگلب غارگ بهمه      حايره واصفگ بديه

\*\*\*\*

بعذك افادى شيصبره      غصتى يا هالناس كبرى  
والگلب حيران بمره      من بعد حلو السجيه

## لطمية

مصيوب بالهامه علي وبـوجنته رامينه

\*\*\*\*

مصيوب راسه بالعمد يا ريع غلبي يالولد  
بجفاك ماليه سعد وين الحنين عليه

\*\*\*\*

روعت غلبي يا علي مطروح شفتك بالخلي  
يا حيف راح مدللي والله مردني ونينه

\*\*\*\*

شفته يؤن اعلى الثرى والهامة منه مطبره  
غلبي بعد شيصبره المدلول غابت عينه

\*\*\*\*

يمه هويت من المهر ودارت عليك اهل الغدر  
مطروح نايم بالعفر يوم الولد چاوينه

\*\*\*\*

ياريتني گبلک متت ولا هالمصايب شاهدت  
بتراب يبنى تعفرت ومصيتك تاذينه

\*\*\*\*

يا شباب بسك لاتون بجفاك دلالي انطعن  
وظلت احبابك بالمحن واهل الغدر سابينه



## لطمية

عايد من التربان يا مدلولي

\*\*\*\*

عايد من الرمله ومحروس بسم الله  
خلى الترب خله يا شمعة الشبان

\*\*\*\*

اسم الله على ارسومه بعده وكت يومه  
لينام هالنومه رايح بلا ميحان

\*\*\*\*

شفت الولد مطروح منه الدمه مسفوح  
وهو عزيز الروح يا خلفت الشجعان

\*\*\*\*

ريع الغلب يبنى فرگاك دولبني  
والهجر عذبني مني الغلب خلصان

\*\*\*\*

ناديت ياغالي گوم انظر احوالي  
وانفطر دلالي من شفتك بتربان

\*\*\*\*

مذبوح يولیدی خلّ اصفگ بأيدي  
ويا حسرتی زیدی لمصيبة الشبان

## لطمية

نصاب العزيز بهامته      وگلب حسين شيصبره

\*\*\*\*

الله ايساعد بوعلي      ماجور ماجور الولي  
شافه على رمل الخلى      والهامة منه مطبره

\*\*\*\*

شيصير گلبك يا ضمّد      من حين شاهدت الولد  
مصيوب راسه بالعمد      والسهم جسمه وذره

\*\*\*\*

مطروح يا بدر الدجى      ومگطوع من عنده الرجه  
نارك يغالى موهجه      طول الحلو بالمگبره

\*\*\*\*

شيصير گلبه وعايته      مالوم وعليه انحنه  
ناده يسعدى والهنا      رسوم الجميله معقره

\*\*\*\*

نايم يشبه المصطفه      وقنديلنا ليش انطفه  
بعدك على الدنيه العفا      روحى عليك موجره

\*\*\*\*

تتسافح ادماياته      ومخضبه وجناته  
ضجّن عليه عماته      يومه گلبهن فطره

## لطمية

يَمِّه عليك الروح      دوم      مَحْسَره

\*\*\*\*

ريع الغلب يبنى      فرگاك دولبني  
والدهر حاربني      عندي چثيره جروح

\*\*\*\*

أَتَحَسَّر او انعه      ومَصِيبَتك فجعه  
لِيَّه چنت شمعہ      والنور منها يفوح

\*\*\*\*

متحسره دومي      ومَحَرَّمه نومي  
ومكدره يومي      وارفگ حمام الدوح

\*\*\*\*

يا علي يولیدی      يالِّي چنت عیدی  
يا حسرتي زيدي      لولیدی الممدوح

\*\*\*\*

لكبر يبدر التام      عند الأهل شمام  
لگضي العمر بالآم      والغلب ظل مجروح

\*\*\*\*

لبچی عليك سنين      لَمْن تغمض العين  
يا زاهر الخدين      فوگ الثرى مطروح

## لطمية

على الدنيه العفا يبنى      ياالفرگاك دولبىنى

\*\*\*\*

صاح بصوت يولىدى      لكبر فات من أيدى  
يحسرات الغلب زىدى      يوم جفاك عذبىنى

\*\*\*\*

يبنى بالغلب خلّيت      ونيران وجرم وجيت  
يبنى يا سراج البيت      على افراگك شىصبرنى

\*\*\*\*

حال حسين يا حاله      لمّن عاينه وشاله  
والهمّ فجر دلالة      يضلوع الوفه حنى

\*\*\*\*

على ذاك الرسم والطول      لبچى والجسم منحول  
يوم اجفاك يا مدلول      تدرى شكّثر عذبىنى

\*\*\*\*

ما ريدن فرح وسرور      وكل ايامنا عاشور  
انت البدر انت النور      بعدك ما ضحك سنى

\*\*\*\*

على الدنيه العفه بعده      الراح ومـا اله رده

يوم اجفاك شيسده      لدوم اويه العمر ونى

\*\*\*\*

شحال حسين من شافه      دامى ويابسه شفافه  
من بعده العمر عافه      واينادى انگطع ظنى

### لطمية

نايم على التربان      شبه المصطفى

\*\*\*\*

ليه تنادى شلون      ومنها الغلب مطعون  
لكبر وگع بالكون      يا شمعة الشبان

\*\*\*\*

طول الحلو ممدود      ليه بعد متعود  
فرگاك يمه چود      خله الغلب دوهان

\*\*\*\*

لعيونك الحلوه      يمه العمر فدوه  
ما دمت يا سلوه      يمه يغصن البان

\*\*\*\*

يمه الكبر ليه      يا باجى عليه

ما طاح بيديه      وبه زمانى خان

\*\*\*\*

وانت الچنت لى هلال      وانت السعد والمال  
واشوفك بهالحال      متوسّد التربان

\*\*\*\*

يمّه يبو الشيمه      خلّيتنى بهيمه  
لا خدر لاخيمه      وارفع ويه العدوان

### لطمية

ليه تصرخ والدموع مناتره  
ليش يامدلول نايم بالثرى

\*\*\*\*

ليش يامدلول نايم بالترب  
يبنى يالحرموك من ماى العذب  
يا علي معطوب دلالي عطب  
ما انام الليل بعدك ساهره

\*\*\*\*

من بعد عيناك ظلمه دنيتي  
صبت غلبي ياعزيز ومهجتي  
رحت يايمه يبدرى وسلوتي  
وظلت النيران بعدك واجره

\*\*\*\*

صبت غلبي يا علي واذيته  
وبالسهام الحاده طعنيتيه  
هاذ يايمه الربّه تاليتيه  
ليش ظليت بجفاك محيره

\*\*\*\*

شفت بزرى معقر بفيض الدمه  
وهامته بسيف الاعادى مهشمه  
صحت من حرة افادى مالمه  
چويت غلبي والچبد متفطره

\*\*\*\*

يا على من هوه الدنيه مشبعت  
لا عرس لادار لازفه شفت  
وتالى بالتربان يمه تعفرت  
وظلت أملك للابد متحسره

\*\*\*\*

ظلت امك يا عزيزى مدوهنه  
وچنت سلوتها يغالى والمنى  
ومن بعد عيناك ما عدها هنه  
وتنظر الديران وحشه مكدره

### لطمية

وسفه عزيز الروح      سلهم عينه

\*\*\*\*

وسفه ينور العين      متعفر الخدين  
وانت عزيز حسين      واعلى الثرى مطروح

\*\*\*\*

جسم الترف يا ويل      داست عليه الخيل  
ومنه الدموم تسيل      وانت غصن وتفوح

\*\*\*\*

يشباب يالغالى      ناييم على ارمالى  
گوم انظر الحالى      مني الغلب مجروح

\*\*\*\*



نـايم يـغـالينـه      رايـح مـخـلينـه  
فـرگـاک مـاذينـه      يا زين يا ممدوح

\*\*\*\*

يا حيف يالاكبر      بالمعركة مؤذر  
اعلى اجفاك ماگدر      وليك النظر مشبوح

### لطمية

اسم الله يا عزيز الروح      مـفـقـود يـغـالينـه

\*\*\*\*

اسم الله يا علي اسم الله      بـعـدك بـانـت الخـلـه  
والـيـهـواك شـنـگـلـه      مـات الـجـان زاهينـه

\*\*\*\*

اسم الله اعلى التراب تنام      يـالاكبر يـبـدر التـام  
وانت للأهل شمام      لا تـمـشي وتـخـلينـه

\*\*\*\*

نايم يا على اعلى اتراب      وبـالـهـامـه يـصـير اصـواب  
وبعيد البله يا شاب      ولا گولن غفت عينه

\*\*\*\*

نايم والدمه يجرى      غايب ليش يا بدرى  
قَصَّر بالولد دهري      بلوه وحلت عليه

\*\*\*\*

غالى يا عزيز الروح      ليش مدد ومطروح  
لمصابه نزيد النوح      والفرگاه ما بينه

\*\*\*\*

والله شيحمل افراگه      نار الزين حراگه  
وابيا يوم نتلاگه      يامدلول حاجينه

### لطمية

راح الولد راح      يا هاشميه  
لكبر طريق اعلى الثرى شفته رميه

\*\*\*\*

شفت الولد طاح      والنظر صده  
وسيف العدو لاح      يممّه وتبده  
يكبر يسبّاح      جرحك شيسده  
يا نور عيني يالولد      وياك فگدیت السعد

يابو الحميه

\*\*\*\*

والد وصـدليك	وصـط المـعاره
شفت العدو عليك	شـنـتـله غـاره
وكون الحوالبك	يـلهـب شـرارـه
لمن طحت غلبى هوه	جمـر الحـزن شـب ودوه

وروحى شجيه

\*\*\*\*

لصفـگ براحـى	والـولـد غـايـب
سـعدى وفـلاحـى	فـوگ التـرايـب
راحت افـراحـى	ويـه الاطـايـب
آللـه يـفـجـعـه كـربـله	الآم وهـموم وبـله

ونوح وعزیه

\*\*\*\*

عـنـى الـولـد شـال	زـيـنـب يـنـادى
واتـبـدد الحـال	وانـهـد عـمـادى
سـال الدـمـه سـال	واعـطـب فـؤادى
هـاليـوم يـوم المـلحـمـه	والـكـون يـقـطـر مـن دـمـه

وجور او اذيه

\*\*\*\*

دمك على الغاع	شفته تحذر
يا حلو الاطباع	والوجن يزهر
حنيت الاضلاع	يبنى يالاكبر
نايم يشبه المصطفى	واهلاك الزاهر خفه

ورحت من ايديه

\*\*\*\*

شفتك على تراب	بالغبره مرمى
ومن دمك خضاب	عالوجن يهمي
جمرك اللّهاب	بالگلب يحمي
مطروح يابدر الدجه	والروح ليك موهجه

ونارى سريه

●○●○●

●○●

## نواعي فايزي

يبن النبي وشبه النبي يزهر جبينه  
هذا علي وجده علي سبع العرينه

\*\*\*\*

گومی یزینب عوذله ونشری رایه  
لكبر شباب وما بلغ يوم الصبايه  
محروس من كيد العده وناب المنايه  
وللخامس وعشرين ما وصلت سنيه

\*\*\*\*

خَلِّي الصبايه تغيب لكبر لو دناها  
عَفَّه وشهامه ومرجله والاصل طاهها  
كل المواهب والرتب خصها وحواهها  
ومن يا سليل ويا شرف نابع معينه

\*\*\*\*

شاب ويطفئ حسرة الموت بوجوده  
دايم شبيه المصطفى دايم سعوده  
صول على الميدان واتعنه بجهوده  
والسيف برگاب العده تسمع رنيه

\*\*\*\*

بايع حياته واعتنه الحومة الميدان  
ما يرهب الموت ولوه رايت العدوان  
صاحت الغوم منين هالحيّر الفرسان  
غالوا علي بن حسين والزود بيمينه

### نواعي فايزي

ناده يليله والدمع بالعين دفاگ  
گومی ييمّه ودعيني حان الفراگ

\*\*\*\*

جيتچ من الحومه اصيح بگلب مجروح  
سمعی جوابی يالعزيزه گبل ما روح  
والعطش ذوّب مهجتي وترادت الروح  
آله ياليهوب العطش للچبد حراگ

\*\*\*\*

جاها يودعها لگاها بحال وجعان  
مغمي عليها وذابت بجمرة الشبان  
ناداها يمه والغلب فايض بالاحزان  
والله فجعتيني وحالج للغلب عاگ

\*\*\*\*

سمعت كلامه وگامت بدهشه تحاجيه  
نادت هله بجيت العزيز ومرحبت بيه  
فرگاڪ ياذينى ييمه ومگذر عليه  
تگضي حياتى والدليل يصيح مشتاك

\*\*\*\*

ناديت من جمرة مصابى بگلب ملهوب  
يا راد يوسف من غيابه لعد يعگوب  
رجع وليدى يالذى بالضيق مندوب  
يا خالق الاكوان من عندى البصر ضاگ

\*\*\*\*

يمّه يتاج الراس يا ضيّ البعيني  
وزهر الربيع بدنيتى وخاتم يمينى  
هسه المنيه تحول ما بينك وبينى  
واشجابنى يمّه واجيت الارض العراگ

## نواعى فايزي

سَلِّمْتِ بَدْرَ التَّامِ لِسَهَامِ الْمَنِيهِ  
وَانْظُرْ جَمَالَهُ مُوَدَّرَ بَحْرِ الْوُطْنِيهِ

\*\*\*\*

دَارُوا عَلَى بَدْرِ الدَّجَى بِسَهَامِ وَسُيُوفِ  
وَبِعَرَصَةِ الْمِيدَانِ غَاصَ وَعَيْنِي تَشُوفِ  
غَلْبِي مِثْلَ جَمْرِ الْقَضَا وَالْدمْعِ مَذْرُوفِ  
وَاللَّهِ مَصَابِكُ يَا لَوْلَدِ يَصْعَبُ عَلَيْهِ

\*\*\*\*

شَفْتِكَ طَرِيحَ أَعْلَى الثَّرَى وَالرَّاسِ مَخْضُوبِ  
هَآوَى تَلُوجٍ مِنَ الظَّمَا وَبِجَرْحِكَ تَلُوبِ  
رَايِحَ يَا يَا بَهْ وَجَمْرَتِكَ ظَلْتَ بِالْغُلُوبِ  
وَرُئْتُ أَحْزَانَ وَهَضْمَ لَهْلِ الْحَمِيهِ

\*\*\*\*

بِنَفْسِي أَشِيلُكَ لِلْخِيَمِ يَمَّ الْخَوَاتِينِ  
وَأَنْصِبُ عِزَّاكَ وَمَأْتَمَكَ وَسَطَ الصَّوَاوِينِ  
خَلِي يَشُوفُنكَ خَوَاتِكَ يَا ضَوْهَ الْعَيْنِ  
غَايِبَ وَجُودِكَ يَا لِحَنْتِ نَجْمِ الثَّرِيهِ

\*\*\*\*



سألهمت عينك يا سراج الجنة وضّاح  
وانت سرورى وانگضت وياك الافراح  
ناديت غار بكربله وانطفه المصباح  
وامست ديار اهل الوفه ظلمه وخليه  
\*\*\*\*

طلعى يزينب من خباچ وشوفى اشصار  
مذبوح خويه مدللج بسيوف الاشرار  
خلى تنوح اعلى العزيز زغار واكبار  
وامّنه الحزينه خبروها بهالقضيه

### نواعى فايزي

ضجّن على جسم العزيز الفاطميات  
هاذى تنادى وذیچ تصرخ يالولد مات  
\*\*\*\*

گبرّ عزه ونياح یم جسم المدلل  
يا حيف ظعنك ياالعزيز بساع حمّل  
چنه هلالك مابده وعالأهل ماهر  
وچنه حلم عمرک يغالى غربّ وفات

\*\*\*\*

هاذى تشمه وذیچ وگفتله تحاجیه  
وهاذی من الصدمه هوت من عاینت لیه  
وهو غریج بفیض دمه ونفس ما بیه  
وسفه علی طولک یزاکى النسب والذات

\*\*\*\*

یم جسم الکبر نوحن حتی الصخر ذاب  
وصاحن علی بدر الدجى من گلب لهّاب  
حنه مثلها ما سدت حنه علی شاب  
والله غیابک یالولد للگلب چویات

\*\*\*\*

وجن بجمرات الهجر والهجر نیران  
والفاجداته ما یجد مثله بالاوطن  
فقدن علی الاکبر وهو شمة الشبان  
ما تطفه جمرة غصته هیهات هیهات

\*\*\*\*

ظلمه المنازل من بعد عینک یمحوب  
ویوم السعاده تمایل بساعات الغروب  
شیطفی حسرات الحزن وتهید الغلوب  
وگلوبهن شبتها نار الغاضریات

## نعي مجرد

يا زهرة الدنيه يمدلول حلو المعانى ولايگ الطول  
خافن اشوفك تحت الخيول

\*\*\*\*

انت نسيم الغلب يكبر يا غصن كل وكته معطر  
ويهلال يا زاهر المنظر

\*\*\*\*

انحب واهلن دمة العين وبالروح تسعر جمرة البين  
ولا هودت روى من الونين

\*\*\*\*

من جيت ما هوّد ونيني حزينه ولا كف دمع عيني  
خوفى عاللى امحايطيني

\*\*\*\*

شبان تزهى بهالثنيه يصولون والصوله سويه  
وحلوه الشمايل هاشميه

\*\*\*\*

شبان يالچنهم قناديل وانجوم تضوى بظلمة الليل  
والله فقدهم يهدم الحيل

\*\*\*\*

وأنه ألي وياهم شهاب بين الصبايه نوره لهّاب  
وبين العرب يا فخر هالشاب

\*\*\*\*

لكبر علي همه وحميه مغوار يا عالي السجيه  
وراعى الشجاعة الحيدريه

\*\*\*\*

راعى الفخر والزود زوده والهادى والمرضى جدوده  
يا ربى ياديان عوده

\*\*\*\*

ريته يعود وتفرح الروح ويطيب غلبى وتبره الجروح  
هالضيغمى البالشيم ممدوح

### نعي مجرد

ليله تنادى والگلب ذاب يهلال يومك للچبد عاب  
بعده ييمه وكت الغياب

\*\*\*\*

يآلي اكبرت ما بين الضلوع واهواك وسط الغلب مطبوع  
لتخلّى حالى اليوم مفجوع

\*\*\*\*

برباك يا مدلول سهرت واعلى المهد دلالي شديت  
وانظر جمالك يا ضوه البيت

\*\*\*\*

چان النظر دايم يباريك ومساهره ليلي وارايعك  
ما حسبت للبين تاليك

\*\*\*\*

متأمله افرح يغالى وراسى ييمه بيك عالى  
وهالضيم ما چان اعلى بالى

\*\*\*\*

يا بهجة الدلال يبنى فرگاك يا يمه شعبنى  
ووداعك الساعه لهبنى

\*\*\*\*

گلها ومنه الغلب ذايب حزبي ييمه اعلى المصايب  
وتوزمى اليوم النوايب

\*\*\*\*

صبرى ييمه اعلى المصيبه والبين والامه ولهيبه  
وبكربله صرتى غريبه

\*\*\*\*

هاذ المقدّر يا حنينه من خالق الاكوان لینه  
وبالظیم والبلوه رضینه

### نعی مجرد

شبه النبی صول على الغوم وخله الطواغی حایره تحوم  
وروی ثری الميدان بدموم

\*\*\*\*

مغوار والحومه عطبها والیسری عالیمنه گلبها  
وگلوب عدوانه رعبها

\*\*\*\*

حیاك یا فارس یمغوار یالی شبه جدك المختار  
وحملات من حیدر الكرار

\*\*\*\*

من حمل حملات الرهیبه وخله العده صارت بریبه  
وللكون متوجر لهیبه

\*\*\*\*

من صولته هجّت العدوان وگالوا حمل فارس الفرسان  
لكن دلیله شكثر لهفان

\*\*\*\*

نار العطش والعطش حراگ هاليوم يوم احزان وافراگ  
والدمع بالعينين دفاک

\*\*\*\*

وحسين بالحومه يشوفه ومن العطش ذبلت وصوفه  
والگوم ما عدهم مروفه

\*\*\*\*

ناده يبويه عودليه بلكى افيلک شويه  
وان چان ما عندى ميه

\*\*\*\*

ارويک بويه بدمعت العين واحميك تحت الضلع يا زين  
يكبر علي يا مهجة حسين

\*\*\*\*

رد للخيم والگلب ظامى والشمس والميدان حامى  
واعلى الاحبه الگلب دامى

**نعى مجرد**

لكبر علي شد اعلى مهره محروس والبارى ينصره  
ريت العزيز يطول عمره

\*\*\*\*

بالله دعوذيله يعمته شوفى الولد تزهر جبهته  
فارس وشد اعلى مهرته

\*\*\*\*

نادت يعمه وسلوة الروح يهلال بعنان السما تلوح  
يكبر نسيم وعطرك يفوح

\*\*\*\*

بعيد البله وترجع يمدلول ولا يظل دمع العين مهمول  
حالى يعمه اليوم منحول

\*\*\*\*

اتمايز الطولك يغالى يا طود يا نسل المعالى  
والله يعمه ذاب حالى

\*\*\*\*

نادت يخويه شلون يحسين للكون نهدي قرة العين  
والگوم كلهم كفر طاغين

\*\*\*\*

شلون العزيز يقدمونه الگوم الدعيه ابحاربونه  
وبالخيلى جسمه يرضونه

\*\*\*\*



اسم الله يماي العين عمه يهلالنا وروح ابواليمه  
عليك الغلب كثران همه

\*\*\*\*

لكبر مشه وصول للحروب وظلت وراه مرتابه الغلوب  
ترجع عسن لينه يمحسوب

### نعي مجرد

شبل حسين للحومه تعنه فارس والطواغى تلوذمنه  
هاذ الهاشمى والكون فنه

\*\*\*\*

كفوين وهله بشبول هاشم واحدهم على الميدان حاكم  
اهل الزود واصحاب العزايم

\*\*\*\*

آل المرتضى سبع العرينه حتى البالمهد سيفه بيمينه  
ميهابون ودماهم رهينه

\*\*\*\*

شهاالفارس طلع والسيف بيده وخله الغوم ماجت من رعيده  
هاذ الهاشمي وابن الصميده

\*\*\*\*

من هزّت يمينه هتزت الغاع وخله عسكر ابن زياد مرتاع  
صاحوا وين نمشى والبصر ضاع

\*\*\*\*

لكن يا اسف منه القدر حان چان افنا عساكر آل سفيان  
ولتعقر جبينه بشرى الميدان

\*\*\*\*

وظلت عين ابوالسجاد ترعاه وين يروح يسرى الغلب وياه  
لكبر نظر عينه ومهجة احشاه

\*\*\*\*

هاذ الى جرح غلب الخواتين هاذ عليه ذابت مهجة حسين  
هاذا ريع غلبه وقرّة العين

### نعي مجرد

سلهمت عينك يا ضوه العين وجسمك موسّد بالميادين  
بين الفخر يا مهجة حسين

\*\*\*\*

شيلوا الولد بالله للخيام خالتشوفه عماته والعمام  
جسمه جريح منشّب سهام

\*\*\*\*

سهم الجبد خل يطلعونه وجرح البغلبه يداونه  
بلكى الولد يفتح عيونه

\*\*\*\*

للخيمه من جابوه الشبان طلعت تلگته النسوان  
بروعه اجن والگلب دوهان

\*\*\*\*

انهض يبدر التام لينه واسمع نواعينه وبچينه  
ليش الولد سلهمت عينه

\*\*\*\*

كل الفواطم دارن عليه وهو طريح ونفس ما بيه  
هاذى تشمه وذیچ تنعيه

\*\*\*\*

هاذى تنادى بصوت يمه وذیچه تصيح انهض يعمه  
وهو غريج بفيض دمه

\*\*\*\*

ليه تنادى بگلب ملهوب ليش الولد بالراس مضروب  
والوجن من ادماه مخضوب

\*\*\*\*

يَمَّه چوتنى نار الفراگ وتدرى سغير الهجر حراگ  
فرمرت روحى والخلگ ضاگ واشجانبى لرض العراگ

### نعى مجرد

يا علي بويه يا غصن بان جيت ولگيتك على التربان  
يا حيف يا شمعة الشبان

\*\*\*\*

صوتك سمعته وجيت يا شاب شفتك رميه بحر التراب  
ناديت بويه صوابك صواب

\*\*\*\*

انفض الشارب من ثرى البين وانهض يغالى من الميادين  
وشلون اشيلك للصواوين

\*\*\*\*

سهمك ووسط گلبى رمانى وبطیحتك طاحت اركانى  
والحيل متهدم ترانى

\*\*\*\*

يالولد يالهديت صبرى وبعذك ابد ما ريد عمرى  
اشوف الدمه من اعضاك يجرى

\*\*\*\*

ناديت گوموا يا هواشم بدر الدجى بالغاع نايم  
دخذه الصيوان الفواطم

\*\*\*\*

شالوا علي وغمضت عيناه وحسيت گلبى تقطع وياه  
سهمه جمر للچبد دواه

\*\*\*\*

للخيمه من وصلوا بجسمه وگفت الحوره تصيح عمه  
ليش الولد غارگ بدمه

\*\*\*\*

وصارت الحنه بالصواوين واشحالت امه والخواتين  
لاوين شایل يا ضوه العين

### نعي مجرد

يمّه يماي العين يبنى موتك يمدلولى فجعنى  
والجمر بفادى لهبنى

\*\*\*\*

يكبر يروحي وبدر ليلى وعليك ما يبطل عويلى  
عوف الترب واغفه بدليلى

\*\*\*\*

عوف الترب يبنى وخليه واسكن بدلالى ورؤيه  
بلكى مسيح عطرك يداويه

\*\*\*\*

حسبت عريس ويزفوك وبساعة افراحك يهنوك  
ما حسبت للكبر شيعوك

\*\*\*\*

شفتك طريح اعلى الوطيه يا شاب يا حلو السجيه  
بعدك فلا ريد الدنيه

\*\*\*\*

أنا بيسر وانت اعلى تربان اعوفك واروحن ويه عدوان  
وأنا غريبه ومالى اوطان

\*\*\*\*

وجّيت وشيضمّد جروحي هيهات يطفه عليك نوحى  
يالّى خذيت وياك روحى

\*\*\*\*

وجّرت روحى واسعرتها وبنار هجرانك عفتها  
والوالده شلون تركتها

\*\*\*\*

تدرينى ما اقدر على جفاك    والدنيه ما تسوه بلياك  
ضاعت سنين البيهن ارباك

\*\*\*\*

ضاع التعب يبنى التعبته    وكلشي بهالدنيه خسرته  
وگلبى يمدلولى شعبته





\*\*\*\*

وگف عد راسه يون ماله قوی  
وین حيله والجسم منه دوه  
البزر بزره ولبت افاده چوه  
«والمرمر ذاب الحسراته»

\*\*\*\*

ناده شبان الهواشم دحملوه  
گال للخيمه هالمحسر اخذوه  
هذا معزوزی الگطع مهجة ابوه  
«يمحسر وجيت افادی»

\*\*\*\*

مالی يمنه تشيل جسمك يا حبيب  
وانظر اجبينك على الغبره خضيب  
وصط دلالي صفه نار ولهيب  
«يمدلل هديت احوالی»

\*\*\*\*

للخيم حملوا الاكبر هالشباب  
وطلعت الخدر تنادی للمصاب  
بصوت وآهات ومناحه وبعذاب  
«يهلال اسمعنا وحاجينه»

ذبن روحهن موته بليه شعور  
على ذاك البدر نوح ولطم لصدور  
كل وحده غلبها من الوسط مطبور  
«يمحسّر ليش مخلصه»

بالخيمه الولد چنه بدر شعاع  
يا وسفه العزيز يضمه سافى الكاع  
چم مهجه العطبها وچم گلب مرتاع  
«لغيايك يا نور العيله»

شلون گلب حسين من شاف الولد  
يسيل دمه او اثر صواب العمد  
باد حيله والجسم منه انضهد  
«وشحال الينظر لولده»

صاح اعلی الولد والغلب مملی جروح

على الدنيه العفا وما ريد بعدك روح  
وشلذّة حياتى بالبحه والنوح  
«والدنيه خلافاك محزون»

\*\*\*\*

شلي بالحياة وانت مويها  
وحسرات البغلبى من يطفها  
وايامى بغيابك من يزهاها  
«يهلال الراح من ايدينه»

\*\*\*\*

ياالكبر صوبتنى وما يطيب الداى  
جرحك مضه بگلبى وجرح لب حشاى  
راح السعد منى يا نظر عيناى  
«شيطيب جرحى وطبراتى»

\*\*\*\*

وزينب ناداته عمه ينور العين  
ذوبنى مصابك يا عزيز حسين  
ما مثلك بدر ضاوى على الصوبين  
«يمدلل مو وكت النومه»

\*\*\*\*

مو وكت الممات او انت ضيى الدار

«یا عمّه ویا کم دخذونی»

## هوسات

«يتعَفَّرُ بِتَرَابِ الْهِيمَةِ»

\*\*\*\*

«یتشعشع یا نور جبینہ»

\*\*\*\*\*

«یا لاکبر شمعہ بدیرانہ»

\*\*\*\*

يعينج الله بفاجعة لكبر علي  
شفتي بدرج نايم برمّل الخلي  
وجمرته ظلت أبد ما تنجلي  
«وبفقد وليدج ماجوره»

\*\*\*\*

ونى لمصابه يليله هالعزير الي مضه  
شفتي بالتربان جثته بالعوادى مرضرضه  
هاذا شبه النبي الهادى وشبه جدّه المرتضى  
«يمهذب يومك بجاها»

\*\*\*\*

حسرتك ظلت على طول الزمان  
مثل جمره موجره وسط الجنان  
بگلب كل شيعى أله ودّ وحنان  
«وامصابك ما ننسه ايامه»

## القسم الخاص بعبدالله الرضيع

### لطمية

بالخيم سمعوا الرباب تنادى  
يبنى عبدالله ويريع افادى

\*\*\*\*

ثاكلة وتصيح يا ريع الجبد  
ياخذيت وياك ساعات السعد  
ليش يمه اليوم خلوان المهد  
والنحر ليش بسهم مترادى

\*\*\*\*

عالمهد لا ليت ودموعى تصب  
يبنى ياالحرموك من ماى العذب  
ونحرك المنحور يوليدى غصب  
ظل مصابك بانگلب وگادى

\*\*\*\*

يالچنت سلواى وهلالى الشيع  
فطّرت عيناى من صب الدمع

يا جنيني عليك محنيّ الضلع  
يبنى يومك عالٍ بشر ما سادى

\*\*\*\*

لو چنت ادرى يوافيك الأجل  
چان رويتك من دموى التهل  
ولا شفت نحرک يفظمونه بنبل  
غربت يبنى ودليلك صادى

\*\*\*\*

تصرخ ومنها الدموع مناثره  
وعالمهد ظلت كئيبه وساهره  
والصخر من غد ألمها تظفره  
ودوم هالصوت الحزين ينادى

\*\*\*\*

سمعوا ونتها يون منها الصخر  
يبنى عبدالله يمحزوز النحر  
ورئت بچاها بگت ویه الدهر  
والحزن ویه الزمن متمادى

## لطمية

بيا جريره هالطفل رامينه  
وبيد ابوالسجاد غمضت عينه

\*\*\*\*

سلهم عيونه وخفه نور الوجن  
والنحر بسهام عدوانه انطعن  
وظل ابوالسجاد لمصابه يون  
يساعده رب الخلگ ويعينه

\*\*\*\*

طلّعه للگوم يترجّجه الورد  
مالگه راحم ولا جابه احد  
ولنه بالنشاب مذبوح الولد  
مات ظامى وما تروّه جبينه

\*\*\*\*

صاح للبارى اوّجه شكوتى  
واعرض همومى وعذابى ومحنتى  
تدرى يا ربى بمرارى وغربتى  
وانت اعلم بالي صار عليه

\*\*\*\*



يا آلَ الكون عاين هالفعل  
بيا جريمه وسوچ ينصاب الطفل  
وبمدال المای يرمونه بنبل  
والفرات بخيلهم يحمونه

\*\*\*

شحال ابوالسجاد لمن شاهده  
منخره مذبوح بسهام العده  
جابه للخيمه بيمينه ومدده  
وناده هاذ مدلج يحنيه

\*\*\*

طلعي هالساعه دشوفى يا رباب  
ما دريتى شصار عندچ من مصاب  
مات عبدالله ولاضاگ الشراب  
والاعادى بالدمه مروينه

### لطمية

من يّمى المهد زموه      ما اگدر اشوفنه

\*\*\*

زموه من گبل عینی      لا شوّفه ویاذینی

مهد الولد چاوينى      گبالى واجهر الونه

\*\*\*\*

مهدك يا عزيز الروح      خلالى عزه واجروح  
ما هذ البچه والنوح      وعمرى بظيم اگزرنه

\*\*\*\*

عبدالله ينور العين      وين الگاك يبنى وين  
ونوحى ما يهود سنين      وليلى ما انامته

\*\*\*\*

بعدك ما انام الليل      وعيونى عليك تسيل  
مهضومه واصيح الويل      يبنى المشبعت منه

\*\*\*\*

بعدك يا هضم حالى      وانظر مهدك اگبالى  
بشوفه نصاب دلالى      گلبى شلون اصبرنه

\*\*\*\*

يبنى الما شربت الماى      نيرانك توج حشاي  
يوليدى وثمر دنياى      چانت شوفتك جنه

## لطمية

عليمن هالطفل مذبوح      والمنحر مصوبينه

\*\*\*\*

عالویش الرضيع يموت      من عنده الجبد مفتوت  
بيد حسين خافى الصوت      وسفه غمضت عينه

\*\*\*\*

جابه حسين لخيمه      نحره سابح بدمه  
الله يعين ابو اليمه      لمن شاهد اجنيه

\*\*\*\*

بيده عاين وليده      لمن حزوا وريده  
والله غصته مچيده      طفل زغير رامينه

\*\*\*\*

جابه الخيمة النسوان      ناده من گلب خلصان  
شنهى ساية الرضعان      تذبحهم اعادينه

\*\*\*\*

تلگنه يمحجوبات      ياخويه رضيعى مات  
بالله زيدن الحشرات      موته يصعب عليه

\*\*\*\*

نوحى يا رباب اليوم      شوفى منحر المظلوم  
رامينه بسهم ميشوم      عبدالله خفه ونينه

## لطمية

ليش الطفل يا گوم      مترحمونه  
شوفوا عذابه شلون      ومن العطش مطعون  
ياگوم متهابون      للواحد القيوم

\*\*\*\*

صوته خفه هالحين      ومغمض العينين  
ياگوم وين الدين      ناداهم المظلوم

\*\*\*\*

اگبل على الميدان      ويخاطب العدوان  
ليش الطفل عطشان      ومن الورد محروم

\*\*\*\*

ويصيح بالكفار      خافوا من الجبار  
واحنا بنى المختار      والويل ذاك اليوم

\*\*\*\*

ماكو مرّد جواب      بس رميّة الشاب  
ولن الرضيع انصاب      جاله سهم ميشوم

\*\*\*\*

عبدالله يا مذبوح      حاله يهد الروح  
ياالمنحره مجروح      ومنه تسيل دموم

## لطمية

ليش الطفل مذبوح      رجّـعته لخيامه  
والمنحر المذبوح      ومأثـره سهامه

\*\*\*

جـاب الطفل مصيوب      والنـبله بوريده  
واشـحالت المظلوم      من شاهد وليده  
يـسترجع مصابه      ودم النـحر بيده  
ظـامى عزيز الروح      وبـضربته فـطامه

\*\*\*

جـابه ويهل العين      والمـهجه متفطره  
يا ربى انت تشوف      واشـعملت الكفرة  
الله يـبوالسجاد      شنـهو حبل صبره  
چـم جثـه يـمّه تلوح      من ولده واعمامه

\*\*\*

رد الطفل مصيوب      وهـاذ البـگه تالى  
لاظـل كهل لاشاب      كلـها على ارمالى  
ومن مجـمـع الفرسان      تمّ النـزل خالى  
من دامى ومطروح      ومـهشمه الهامه

\*\*\*

يا زينب تلغيه	جاب الطفل ويصيح
من منحره مرويه	ما شربوه الماي
ما قدرت تصدليه	امّه وگلبها ذاب
ومگـوضه ايامه	شافت دماه مسفوح

\*\*\*\*

بسهام عدوانه	يبنى الرضيع الراح
ما بلل السانـه	مات بظماه ملهوب
بالمهجه چوانه	سهمك يبعد امك
ملهوبه بالآمه	دائى البچه والنوح

\*\*\*\*

والخيمه مرجونه	صار العزه والنوح
زينب المحزونه	وظلت تسكتهم
لمسلهم عيونه	دارن على المعزوز
والوجنه بسّامه	وعطر الزغير يفوح

### لطمية

وبسهام العدى مفطوم	آيبنى يعبدالله
--------------------	----------------

\*\*\*\*

وريگه من دمه هله	حويالفطمته النبيله
------------------	--------------------

ومن المای ما بلّٰه      بس جاله سهم ميشوم

\*\*\*\*

آيالطفل ومصابه      يالفطمته النشابه  
تسعر نار لهابه      للرضعان دايم دوم

\*\*\*\*

يبنى يا عزيز حسين      ليش مغرّب العينين  
ومجسوم النحر نصين      ومن ماى العذب محروم

\*\*\*\*

يلوج وغارت عيونه      يبجى ومايرحمونه  
وقطره مايشربونه      ما عده حميه الغوم

\*\*\*\*

شحال حسين من شافه      ظامي ويابسه شفافه  
شلون مغيره اوصافه      ومن كثر اللهيب يحوم

\*\*\*\*

آيا يحسين يا حاله      من شاف السهم جاله  
بسهمه نصاب دلالة      ويقطر عالرضيع دموم

## لطمية

نشاب مصيوب الطفل      جابه حسين لخيامة

\*\*\*\*

جابه الزغير للخيم      ويصيح طلعي يا حرم  
هالگوم ماعدها رحم      جبت الولد بسهامه

\*\*\*\*

مذبوح عبدالله الطفل      يا والده گومی بعجل  
گامت وماخذها الوجله      ومدوهنه ومحتامه

\*\*\*\*

شافت النبلة بمنحره      والدم على جسمه جره  
زغير وروحه مفرفره      يا غصته وآلامه

\*\*\*\*

صاحت ينارك يالولد      رديت مفطور الجبد  
چتلوك گوم ابن سعد      وانت الچنت شمامه

\*\*\*\*

شنهو الزغير وسايته      والله عظيمه غصته  
وكل الفواطم حاطته      وصار اللطم عالهامه



## نواعى فايزي

راجع بطفله حسين والنبلة بوريده  
غابت عيونه والحشه منه مچيده

\*\*\*\*

وده الطفل للغوم وهو مضيع الراى  
گلهم أله يومين ظامى وما شرب ماى  
مگدر اصدته يون اقبال عيناى  
هذا الرضيع اعلى العطش بالله اشيهيده

\*\*\*\*

ياگوم لوچان بضمایرکم عليّ ثار  
گولو شنو ساي ت مرضيعي يكفار  
اطفال ما يدرون بالدنيه اشسده وصار  
وكل القضايا عن مسامعهم بعيده

\*\*\*\*

ماكو من العدوان چلمه ولاكو اجواب  
ولنه على نحر الولد نابت النشاب  
ونبلة الصابت منحره بيها الولي نصاب  
الله يغصه هالطفل صعبه وشديده

\*\*\*\*

ظل يمسح الدم بيمينه ويشتكى الهمّ  
وناده يربى بهالقضايه انت اعلم  
عينك تشوف شلون فايض منحره دم  
وانظر يربى شعملت الأمّه العنيده  
\*\*\*\*

رد للخيم والطفل راجع بيده مذبوح  
سلهمت عينه والنحر بالسهم مفتوح  
يا جرح عبداله فتح للوالد جروح  
وشلون مالت رغبته وهو اعلى أيده

### نعي مجرد

دهجع يماى العين يبنى ونك چوه گلبى ومردنى  
واسهام بفادى لهبنى  
\*\*\*\*

مالي لبن يرويك يوليد بيمن ييمه روحك تهيد  
ونارك توج كلساع وتزيد  
\*\*\*\*

يمّه الغلب زياد لهيبه والمای ليك منين اجيبه  
حتى الصدر ناشف حليبه

\*\*\*\*

وزينب بچت وتصيح يحسين هالطفل شوفه يدير بالعين  
ما شرب ماي اليوم يومين

\*\*\*\*

شبحت لعند الموت عينه ومن العطش زايد ونينه  
هالطفل ليش محاربينه

\*\*\*\*

دخذه يخويه الساحت الكون بلكى على حاله يحنون  
شوف الزغير تغير اللون

\*\*\*\*

بلكى يجد عدهم حميه يحنون لحواله شويه  
والطفل يسگونه اميه

\*\*\*\*

يومين أله ما شارب الماي صابه العطش والعطش حماي  
مقدر اشوفه قبل عيناى

\*\*\*\*

شاله الغريب وراح للگوم وناداهم بگلبه المالوم  
يا گوم ماكو بيكم رحوم

\*\*\*\*

لن السهم بالنحر منشوب وخله الرضيع مفرفر يلوب  
ظامى غضه والحبىد معطوب

\*\*\*\*

وظلت تون امه بعزاها وللموت ما بطل بجاها  
عبدالله يا ثمرة حشاها

### نعى مجرد

احوه يطفل المات عطشان وافطامه ويّه النبيل والزان  
ويلاه يا جمرة الرضعان

\*\*\*\*

عبدالله ليش بنبل فطموه ومن منحره العدوان روّه  
عطشان ومن الماي حرموه

\*\*\*\*

وشحال ابو السجاد شافه مذبوح ومغيره اوصافه  
مات الطفل والله حسافه

\*\*\*\*

شاف الطفل مذبوح بيده منحور والنبيله بوريده  
الله شها الغصه المچيده

\*\*\*\*

ويلاه يا ذبح المطافيل يدمى الغلب وينزل الحيل  
ويل العده من هالفعل ويل

\*\*\*\*

الله يعين الشاكلة امه من شافته سابح بدمه  
اهوت على صدره تشمه

\*\*\*\*

غرّبت عينه ونفس ما به وتغيرت الحلوه معانيه  
والگوم بالمنحر مصوبيه

\*\*\*\*

تنوح الرباب اعلى ولدها ذبح الطفل والله ضهدا  
وهاذا من البارى وعدا

\*\*\*\*

تنادى ييمه خافى الصوت وشفتك تعالج سكرة الموت  
وچبدك بكثر العطش مفتوت

\*\*\*\*

شفتك رميه گبل عيناى يا ثمر چبدى ولبة احشاى  
گوضت يمه بحسرة الماى

## نعي مجرد

جاء الطفل والنحر مذبوح سلهمت عينه وغايبه الروح  
ومالت ركبته والدمه يفوح

\*\*\*\*

يا ابو علي الله يعينك طفلك رمية على ايمينك  
بنحره السهم وتشوفه عينك

\*\*\*\*

جبته للمخيم بيا حال مصيوب نحره والدمه سال  
ومن الظما يابس الدلال

\*\*\*\*

جبته وصحت طلعت ينسوان هذا الرضيع بدمه غرغان  
رؤته من دمه العدوان

\*\*\*\*

طلعت وشافن نحره مصيوب وامه بعزاها گامت تلوب  
طاحت ومنها الكلب ملهوب

\*\*\*\*

وكل الفواطم ساعدنها ظلن يونن مثل ونها  
موت الولد والله طعنها

\*\*\*\*

نادت ييمه وثمر چبدى مذبوح اشوفنك بحدى  
وظل الحزن وياى يحدى

\*\*\*\*

حزنك يظل وياى مذخور ابچى وون والدمع منشور  
آيا مصيبة يوم عاشور

\*\*\*\*

بعذك ييمه شلون بيه مسيت ديرانى خليه  
ميّت ييمه ارجعت ليه

## هتوسات

شال طفله حسین و عیونه تدیر  
وگف بالمیدان ماعنده مجیر  
صاح یا عدوان ما عدکم ضمیر  
«والمای علمن تحمونه»

✻ ✻ ✻ ✻

تحمون الفرات الياسب ياگوم  
ياعدوان عبدالله طفل مظلوم  
شوفوا هالرضيع شلون روحه تحوم  
«ومن الحر مفتوت افاده»

✻ ✻ ✻ ✻

ما فاد الكلام ولا رجعله جواب  
واجوابه رجع بالنبل والنشاب  
وبنحر الطفل عبدالله صار صواب  
«عطشان ترّوه من ادمومه»







# الفصل العاشر

القسم الاول

في ما يخص الليلة العاشرة من محرم

القسم الثاني

في ما يخص اليوم العاشر من محرم





## لطمية

الليلة خيام حسين بيها عزيه  
وداع وصريخ اطفال للفاطميّه

\*\*\*\*

الليلة خيام حسين بيها مناحه  
والعسكر الغدار اعلن كفاحه  
يا عاشر بعاشور اكشر صباحه  
ليلة هضم واحزان ومحيره النسوان  
وباچر تظل سيوب بالغازريه

\*\*\*\*

ضجّ بنات حسين من ودعنه  
صاحن يبويه دخيل لاثمشي عنه  
ننطي وجهنه وين وانت ضمدنا  
گلهن عزيز الذات صبرن يمهضومات  
صبرن على المقسوم واعلى البليه

\*\*\*\*

اليه الاهل خطر عند الفواطم  
هذي تهل العين ذيچه تسالم  
والخيمه تسطع نور بهل العزايم

بالاكبر وعباس      واهل الشرف والباس  
وبالمة الاطهار تزهى السريه

\*\*\*\*

ليه على المدلول ذايب چبدها  
ورمله تحن وتنوح تنعه الولدها  
وام الحزن ونّات تجرى الضمدها  
تگله يخويه شلون      باچر تطب الكون  
وتبگه ديار النور منكم خليه

\*\*\*\*

اگبل عليها حسين لمن سمعها  
وعينه تهل دموع ويّه دمعها  
يگلها الحرم يا خوى بارى جمعها  
حفظى وصيتى اليوم      انتى وعلي المالموم  
انتى وعلي السجاد اهل الرزيه

\*\*\*\*

وبنظرة الاحزان صد العليه  
انت الوصي يابوى وهي الكفيله  
وحمل اليظل مطروح لازم تشيله  
يا حجة الرحمان      تشبع غصص وامحان  
ومقيد اعلى النوك ويّه السريه

## لطمية

الليلة شلون ليله يالتنشدونى  
خطار اخوتى عندى ويودعونى

\*\*\*\*

ليلة حزن ليلة كدر هاليله  
والفرقة وليها تصرخ العيله  
باجر هالغوالى تصبح ذليله  
الله يادهرها خاين ودونى

\*\*\*\*

الليلة شلون ليله نحلّت حيلى  
اعلى افراگ الاحبه ذايب ديلى  
سهرانه وانوح ومائمت ليلى  
شلون بهالمصيبه تغمض عيونى

\*\*\*\*

شلون تنام عينى والاهل خطار  
وباجر ما يظل منهم فرد نغار  
والعدوان بالخيمه توج النار  
وللشامات مسبيه يودونى

\*\*\*\*

ما تغمض عيوني ولا اشوف النوم  
واعلى خيامنا گوم الاعادى تحوم  
كلها دايره اعلى ذبحت المظلوم  
وادرى هالعدى بهلى يفجعونى

\*\*\*\*

نادته يخويه يا بعد عيني  
لو صارت الفرگه بينك وبينى  
منهو يعدل حمولى وىبارينى  
وكل اهلى يروحون ويخلونى

\*\*\*\*

ايگلها يخويه صبرى يحنيه  
ولازم يم طهر عزج تفقدينه  
والمقسوم يا زينب تشوفينه  
الله يعين گلبچ من يذبحونى

**لطمية**

زينب حايره ومنها البصر ضاع  
الليله يا حياده ليلة وداع

\*\*\*\*

الليله يا حياده كلکم وياى  
والخيمه زهيه بلمة اعضاى  
وباچر سانظل من غير حماى  
وانتوا يا نشامه برملة الغاع

\*\*\*\*

جاها ابن النبی یمسح دمعها  
وحنّ الضيمها لمن سمعها  
ويدرى هالحرب لخته فجعها  
لگلوب الاحبه شکر رّواع

\*\*\*\*

یگلها يا حنينه اليوم صبرى  
ولازم هالمصاب عليچ يجرى  
تشوفين الفجيعة وقطع نحرى  
موعوده يخويه بهاي الاوضاع

\*\*\*\*

غصة كربله ما من مثلها  
يا عملة بنى ميه وفعلها  
باچر هالغوالى يطيح ظلها  
وما يبگه من الانصار فزّاع



\*\*\*\*

ليلة عاشر بعاشور حنه  
بخدور الغوالى شلون رنه  
حسرات ودمع لهل المحنه  
كل وحده گلبها شلون مرتاع

\*\*\*\*

های تصیح یا جاسم ییمه  
و ذیچه للابو گامت تشمه  
وهای تصیح یالا کبر یعمه  
یهل المرجله وحلوین الاطباع

### لطمیة

اللیله بکربله زینب والعیال یا حامی الحمیه  
ریت تشوف حالتهم بیا حال یا حامی الحمیه

\*\*\*\*

انهض یا علی طر اللحد گوم  
شوف ابنک المظلوم

الليلة بكربله متجمعه الغوم  
واعلى المشرعه تحوم  
وانت المرتضى الفارس المعلوم  
لش تغيب هاليوم  
هم سيفك البسال يا حامى الحميه  
طشر غوم الانزال يا حامى الحميه  
حطم هالصفوف الاعوجيه يا حامى الحميه

\*\*\*\*

الليلة بكربلايه دموع والام  
يا حيدر الضرغام  
وابنك حاطته زمرة الظلام  
بين سيوف واسهام  
ذوله اهل الخديعه ماهم اسلام  
كلها منشره اعلام  
الليلة جيوش تنهال يا حامى الحميه  
من ايمين واشمال يا حامى الحميه  
فاضت كل اراضى الغاضريه يا حامى الحميه

\*\*\*\*

الليلة شحالت بنينك يـبوحسين  
 وشـحال الخواتين  
 ضجّه ونايحه ووسط الصواوين  
 لفـراگ المـيامين  
 ودموع الحزن تهمل من العين  
 ومـفيّضه الخـدين  
 عندك حرم واطفال      يا حامى الحميه  
 منها الدمع هـمال      يا حامى الحميه  
 تصبّـرهم وتبجى الهاشميه      يا حامى الحميه

\*\*\*\*

زينب يا علي الليله مريبه  
 وبـجور المـصبيه  
 وجمـر الـظيم ما يسكن لهيبه  
 ولايـوجد طـبيبـه  
 خافنها تـظل حـرمه وغـريبه  
 هـالـعـذرـه النـجيبه  
 بـعد الخـدر وادلال      يا حامى الحميه  
 تـمشى ويّـه جـمّال      يا حامى الحميه  
 وانت صاحب الرايه العليه      يا حامى الحميه

\*\*\*\*

باچر كل بنينك تبگه طشار  
وتعيّد هـالاشرار  
وجسوم الاحبه فوگ الوعار  
لاحامى ولاستار  
تخلص كل بين هاشم والانصار  
حتى اجهال الازغار  
والغالى على ارمال يا حامى الحميه  
وراسه على الميال يا حامى الحميه  
اهوه وجمله انصاره سويه يا حامى الحميه

\*\*\*\*

ليلة عاشر بعاشور نيران  
لوعه وهضم واشجان  
وگلوب الفواطم تشجر احزان  
لمفارگ الوليان  
تدرى باچر يطبون ميدان  
من شيب وشبان  
الليله خابت آمال يا حامى الحميه  
من سبعين رجال يا حامى الحميه  
بس يبگه علي وحاله رديه يا حامى الحميه

## لطمية

ليلة موادع الليله والمناحه بكربله  
وزينب تنادى يخويه لاتعوف العايله

\*\*\*\*

عندك اطفال وغوالى لاتخليها وتروح  
خوفى تتركها غرايب والهضم بيها يلوح  
خويه من همّ كربلايه ما بگت للميله روح  
حگها لو گامت تنادى حگها لوگامت تنوح  
چم جرح لازم تحمله وانت اعظم هالجروح  
والمصاب اليسدى باچر يا گلب يتحمّله

\*\*\*\*

گلها صبرى يا زچيه والصبر صار الناثوب  
واحنا من اول عمرنا بالرزايا والخطوب  
وادرى من حرة مصابج صخرة المرمر تذوب  
فوضى للبارى امرچ وهو علام الغيوب  
وانتى يا زينب كفيله والذى عنى تنوب  
بيدچ عيالى امانه يالعقيه الكامله

\*\*\*\*

يم طهر سكتى بناتى وصبريهن لو بچن  
وعاينى جملة حريمى وساعديهم عالمحن  
خاف للشامات خويه بيكم ايسچ الظعن  
وتوصل عيالى سبايه بيد طاغوت الزمن  
تگله خويه ذوبتنى والگلب منى انطعن  
ريت وياكم مماتى ولا اواجّه هالبه

\*\*\*\*

وضجّت النسوان كلها والمدامع ساكبه  
هاذى محنيه اعلى ابنها وذيچ اخوها طالبه  
وتدرى باچر من فجرها هالرجال مغرّبه  
والفواطم خاف تبگه بالطفوف مسيّبه  
ليلة احزان ومشقه والمصايب لاهبه  
ونار الموادع سعيره وبالدليل امشعلّه

\*\*\*\*

وسكنه نادت يا ولينه لاتخلينه وتفوت  
بويه ردنه للمدينه من گبل هجم البيوت  
گلها هيّهات الرجوع ولازم اهنايه نموت  
كربله صارت مقرنا وبأراضيهما الثبوت

وسمعت العيله جوابه وارتفع من عدها صوت  
ونادن بحرگه يوالى لاتذبنا بهالفله

\*\*\*\*

الليله اطناب الهواشم زاهيه بجمع الرجال  
واگفه تحوف الفواطم بالمعزه والجلال  
وباچر تصبّح ضحايه موسده فوگ الرمال  
شلون حاله بيوم عاشر ما مثلها يصير حال  
ويحرمون حسين واهله حتى من شرب الزلال  
واگف ينادى معينه ولا أحد ينغر أله

\*\*\*\*

الليله خطار الزجيه وباچر المحمل يسير  
ياخذ جسوم الحياهه وحتى عبدالله الزغير  
باچر ابن زياد جيشه صوب المخيم يغير  
باچر المظلوم يبگه لامعين ولا نصير  
ما چن المرسل جده والوصى عوده الأمير  
شلون ابن سيد البريه والعباد تقاتله

## لطمية مربوعة

شلون ليله بكربله هاليله  
وداع ابو السجاد ويّه العيله

\*\*\*\*

شلون هاليله الفواطم بالخيم  
نايحه وافراگ ودموع او ألم  
باچر يخلصون كل اهل الشيم  
والحمل منهو اليگوم يشيله

\*\*\*\*

بالخيم حنه ودموع مناثره  
هالله هالله شلون ليله مكدره  
های تنعه وذيچ مدمعها جره  
وهاي من گد المصاب نحيله

\*\*\*\*

گام ابو اليمه ينشف هالدمع  
وذوب افاده يويلي هالوضع  
اعلى الغوالى شلون مطبوگ الضلع  
والدمع مثل السحاب يسيله

\*\*\*\*



نادته سكنه يذخرى وهيتى  
شلون من بعدك يوالد عيشتى  
انت بالميدان وأنا بغربتى  
ومن بعد عينك اعيش اذليله

\*\*\*\*

شبگته وگامت تشمه بمنحره  
لاتخلينه سبايه بهالعرى  
خوفى تنامون بسموم الثرى  
ويهجم اعلينه اللعين بخيله

\*\*\*\*

صاح ابوالسجاد ودموعه تصب  
من شفت هالحال دلالى انعطب  
موادع الاحباب يابويه صعب  
لله امرى والهضم اشچيله

### لطمية مربوعة

تلوج روحى وما تهود احزانى  
ضيوف هالليله اشوف اخوانى

\*\*\*\*

شلون روحى تهود واترك وئتي  
وانظر بنينى وعمامى واخوتى  
اهما سورى وكل مُناى بدنيتى  
خاف بحبابى يخون ازمانى

\*\*\*\*

الليلة خيمته بحمام زاهره  
وبوجود اهل الشيم متعطره  
بالهضم يا عين ظلي مساهره  
وباچر الفرگه ويه كل وليانى

\*\*\*\*

انظر الجسام والعون وعلي  
وانظر العباس والمدمع هلى  
شلون افارگ هالضياغم من هلى  
وما يظل وحيد من اعوانى

\*\*\*\*

جاها عباس واعمامه وكل هله  
وگابلوها والمدماع هامله  
زينب انتي يالعقيه الكامله  
وانتى ادره بهالزمان الفانى

\*\*\*\*

نادت ادرى لكن شلون الصبر  
من اشوفنكم ضحايه اعلى العفر  
وابگه بين اعداى ما عندى نصر  
حايه ومالى ضمد يحمانى

\*\*\*\*

كلکم تروحون يحبابى سوه  
وادرى تفنيکم اراضى نينوا  
من سمعت بهاي دلالي انجوه  
وهالمصيبه الغيرت الوانى

**لطمية**

صاحن كل بنات حسين  
لتروح وتخليه

\*\*\*\*

عدمن يا حمانا نصير  
بـعدك لو رحت يامير  
للخيمه الاعادى تـغير  
والعدوان تـاذينه

\*\*\*\*

صارت ضغبره وحنه  
وابـِـچاهن يـِـرفعنه  
صـِـدهن واجهر الونه  
واعـِـليهن بـِـجت عينه

\*\*\*\*

صد ألـِـهن بيا حاله  
وليـِـهن ذاب دلاله  
گـِـامن لـِـمن ذـِـياله  
بـِـعدك وين يـِـالـِـينه

\*\*\*\*

سـِـانـِـبـِـگـِـه بلا وليان  
وانت السـِـيد الـِـيسان  
وتـِـالى بس نـِـظل نـِـسـِـوان  
وبـِـالـِـحـِـومـِـه اـِـهـِـالـِـينه

\*\*\*\*

نـِـادن والـِـگـِـلب مـِـحـِـزون  
مـِـوهاذا عـِـليه بـِـهون

بين اهل الردى تسيبون

واعليكم شبيدينه

\*\*\*\*

نعوف اطفاله بهيمه

بنياب العده هضمه

لا غيره ولا شميمه

والله يصعب عليه

### لطمية

سكنه تنتحب وتصيح بعدك وين منوانه

\*\*\*\*

بعدك من يحامينه يا عزنا ويا والينه

العسكر يهجم عليه بويه عليك دوهانه

\*\*\*\*

شمته وتهل العين يا بويه ينور العين

حاطته العده صوبين گوم يزيد كثرانه

\*\*\*\*

مانى عزيزتك يا ياب خاف تعوفنى ويه اجناب

وامصابك اشد امصاب مدري وين مسرانا

\*\*\*\*

لو هجمت عليه الخيل      لو خيم ظلام الليل  
يا بويه و خدرنا يميل      وما يبغّه ولي ويانه

\*\*\*\*

شوف امي الرباب تلوب      من عدها الغلب ملهوب  
بعدك وين نمشي النوب      يـاعـزنا ويملفانه

\*\*\*\*

گلها من گلب دامی      اعتابچ زید الامی  
وانتی زهرة ايامی      شگد الروح حزنانه

### لطمية

هاليله يا اسلام      شنهو بـكـربله

\*\*\*\*

سمعوا دوى الجيمان      ومخاطف العدوان  
ومترسه الوديان      راياتها واعلام

\*\*\*\*

جـيـمان مـلـتمـه      وتريد ابواليمه  
ومطالبه بدمه      سبط النبي العلام

\*\*\*\*

نـيران سـعاره      وگـلوب مـحتاره  
وبکـربله الغـاره      بسـيوفها واسـهام

\*\*\*\*

وشـلون هـاليله      ومـروعه العـيله  
والمـدمع تـسيله      کلّه هـضم وآلام

\*\*\*\*

اللـيله صـريخ اطفـال      اللـيله نـحيب اعیـال  
ومکـدره الاحـوال      ما بـين هـالظلام

\*\*\*\*

وابـن النـبی مـحتار      بـيه حـاطت الاشرار  
اللـيله يـدير افکار      مـنه الـگلب مـحتام

### لطمية

هذا الوداع يخوتى      هالليلة  
يحسين يا ضي عيني      بعدك منو يباريني  
وگوم العده تسبيني

\*\*\*\*

اللـيله الـاهل خطارى      آلهـه يـحرة نارى  
وموجـره بفکارى

\*\*\*\*

وشلون حاله حالتي      بالروح تسعر جمرتي  
والحيره والله حيرتي

\*\*\*\*

تدوى اراضى كربله      چنها تموج بزلزله  
الجيمان كلها معاجله

\*\*\*\*

الليله النواظر ساهره      ودارت عليه الدايره  
وارواحنا متكدره

\*\*\*\*

لزموا عليه المشرعه      جيمان كلها مدرّعه  
وگلوبنا متروعه

\*\*\*\*

الليله سمانا مظلّمه      لبن الرسول وفاطمه  
تهمى المدامع من دمه

\*\*\*\*

شحچي واعد احسابى      ساتروح كل احبابى  
يا حيرتى وامصابى



## لطمية

هالحرم يا مظلوم      من يحميها

\*\*\*\*

لو راحت الفرسان      تتسلب النسوان  
لاخدر لاصيوان      وجيش اللعين يحوم

\*\*\*\*

خويه يبوالشيمه      سانبات بالهيمه  
لو حركوا الخيمه      ماعدنا والى يگوم

\*\*\*\*

خويه نطل ضياع      وارجالنا بالگاع  
وافادنا مرتع      من جوراهالى الشوم

\*\*\*\*

تتصارخ الاطفال      من شدة الاهوال  
واسنادها برمال      ومسبحه بدموم

\*\*\*\*

گلها يضي عيني      هالعتب ياذيني  
يم طهر عذريني      لورافگيتي الگوم

\*\*\*\*

غصبن مخليكم      والگوم تاذيكم  
واشبيدى عليكم      منى الغلب مالوم

## لطمية

ضيوف اخوتى الضيغمية

عدنه بس هـاى المسـيه

\*\*\*\*

نشبع وداع ويه اهلنا

راحـلين اهل المحـنه

بـاچر يشـيلون عـنه

وتـبـگـه دـيرانى خـليه

\*\*\*\*

ضيوف هـالـليلـه الحـيـاده

كـاتبـين اعلى الشـهادـه

والـهـم المـيدان عـاده

مـايـهابون المـنـيه

\*\*\*\*

مـايـهابون الحـريـه

واـهـما فرسان الكـتبـيه

خـاف سـفـرتـهم جـريـه

ومـا يـجـونـه هـاى هـيه

\*\*\*\*

شلون بينه يا غوالى  
نسيب من بعد المعالى  
خاف نبگه بغير والى  
ونصفه بيدين الدعيه

\*\*\*\*

صاحت النسوان كلها  
هالغوالى بان ذلها  
منهو ايبارى حملها  
لو وگعتوا اعلى الوطيه

\*\*\*\*

الليله مجموعه الهواشم  
حايفه خدور الفواطم  
بيدهم تزهى الصوارم  
الليله خيمته زهيه

### لطمية

باچر نطل سيوب يا والينه

\*\*\*\*

الليله زهيه الدار بالأهل والانصار

وباجر نطل طشار      مدرى نهج يا صوب

\*\*\*\*

ما ندرى وين نروح      وتلوج منه الروح  
والگلب کلّه جروح      واطفال عدنا تلوب

\*\*\*\*

عدنا جمع رضعان      وشلون يا وليان  
لاخدر لاصيوان      لو صار وكت غروب

\*\*\*\*

باجر بياحاله      وتهجم الخياله  
وبن سعد ورجاله      يهجم عليه النوب

\*\*\*\*

جيما مالمومه      وگلوب ميشومه  
يا عاشر ويومه      کلّه ألم وحروب

\*\*\*\*

وملزوم حتى الماي      وشلون يا ولياي  
يا غصتي وبلوای      منى الگلب ملهوب

## لطمية

يا هلى وياكم اخذونه      ليش خويه تضيعونه

\*\*\*\*

نطلب الموته وياكم      لاتـخلونا وراكم  
خويه ما نحمل جفاكم      واليموت اليوم عونه

\*\*\*\*

خويه منريد الدنيه      بدونكم يل الحمية  
والعمر بالمهضميه      وآل اميه يعذبونه

\*\*\*\*

نشبع مرار ومذله      من بعد هالزود كله  
باچر نرافگ خوله      ولبن هند يوصلونه

\*\*\*\*

آه يا ضيمى ومرارى      والشماته تزيد نارى  
ألـمن اتصبه وادارى      وحالنا يصبح شلونه

\*\*\*\*

شلون يا مظلوم بينه      من تغير الخيل لينه  
منهو ايحامى عليه      غصب عنكم ياخذونه

\*\*\*\*

لاتـخلونه سبايه      وسايودونا هدايه  
ليه يزيد ابن الدعايه      ريت لاقرت عيونه

## لطمية

خطار خوانى وبس هالليلة

\*\*\*\*

هالليلة بس عندى كل هيبتي وسعدى  
واهما امل چبدى وعليهم انجيله

\*\*\*\*

الليلة الزلم خطار خوانى والانصار  
وباچر توج النار والمدمع انسيله

\*\*\*\*

هالليلة ليل وداع وباچر نمسي ضياع  
وكل الزلم بالكاع ومسبيبه العيله

\*\*\*\*

ياريت يبگه الليل خوڤى الزمان ايميل  
يا ويل حالى ويل لو مالت الميله

\*\*\*\*

ما احمل اجفاهم يا نار فرگاهم  
يا ريتنى وياهم وانشيل هالشيله

\*\*\*\*

الليلة ألم واحزان والنوح بالصيوان  
ياحالة العطشان تصرخ مطافيله

## لطمية خاصة في الليلة العاشرة لطمية

يوم العاشر بعاشور      حين الغام ابواليمه  
غام اعلی الظلم والجور      واتفانه وهدر دمه

\*\*\*\*

شاهد گوم ابن سفيان      صابت ضامر الأمه  
واعلى دولة الاسلام      سيف الظالم توله  
صاح بصوت ابد هيهات      ما نصبر على الذله

واحنا حجة الرحمان

ولينه اتنزل القرآن

ما نخضع لبن سفيان

چيف انتابع الاشرار      واحنا قادة الأمه

\*\*\*\*

قدم نحره للاشفار      وبغالى الثمن وافه  
رايد عزة الاحرار      والحق ناتج اهدافه  
ثار بهمة الايمان      ضد الطاغى واسلافه

ما رايد مذله تصير

واحسابه العدل والخير

ما عنده جفه وتحوير

عاهد امّة المختار      عالايتار والرحمه

\*\*\*\*

هالأمّه الفداها حسين      وبدم النحر ضحّه  
راد الها حياة النور      ومن الواهمه تصحه  
لاكنها جفت وياه      وخلت بالدهر جرحه  
وظل حزنه مدى الايام  
طاعن مهجة الاسلام  
يلهب كل سنة وكل عام  
بالعالم شعل كانون      كل يوم اليمر يحمّه

\*\*\*\*

ماننسه وگوف حسين      يوم العاشر بعاشور  
صامد عالهم والظيم      ما مثله وگف مكسور  
يتلگه سهام الغوم      وبصفه تفيض انحور  
ينظر جملة الانصار  
مطروحه بسموم الحار  
لاحامى ولانغار

مفرد واجه العدوان      واصفوف الكفر لمّه

\*\*\*\*

توسط حومة الميدان      واعليهم بده ينادى  
أنا حسين ياكوفه      ليش اخلفتوا ميعادى  
من ذيج المنازل جيت      تارك گومى وبلادى

جيت بكل هلى ليكم  
ظنيت الأمل بيكم  
خدعتنى دواعيكم



تاليها صفيتوا شلون لاغيره ولاذمه

\*\*\*\*

من عندي اشبدى ياگوم وعليمن غدرتوني  
ياسايه وذنوب سويت انشدكم دجيونى  
ياگوم انسبونى منين أنا ولا تجهلونى

موجدى النبى المختار

والوالد على الكرار

وامى عودة الاطهار

غالوله الحقد يحسين ثابت بالحقه سهمه

\*\*\*\*

من شاف الوعظ ميفيد قدّم ناطق الصمصام  
شمّر للحرب يمناه واتعنه يصيد الهام  
ناس الماتعرف الدين وياها شتفيد احكام

ما فاد الوعظ ما فاد

لامنطق ولا ارشاد

ممليه حقد واعناد

مگصدها تريد ادماه ولا راعت أله حرمة



## نواعي فايزي

اليه حريم المصطفى يودعن الوليان  
وباچر بمصباح الفجر يصبح الميدان

\*\*\*\*

التمن حريم حسين بالخيمه على النوح  
هاذى تنادى وذبيح تنعه بگلب مجروح  
وزينب تگله يا حمانا عدمن انروح  
لو هجمت العسكر على خدور الخواتين

\*\*\*\*

حنن فرد حنه وصاحن يا حمانا  
لتروح يا عز الفواطم يا ضرانا  
يا ضيمنه من بعد عينك يا بلانا  
المن نعاين والبوادى تموج عدوان

\*\*\*\*

هالليله بوجود الأهل تزهى خيمنا  
وعباس بحدود النزل رافع علمنا  
وتحوف شبان الهواشم كلها يمنا  
حرّاس بيديها السلاح تحرس هالمجان

\*\*\*\*

خطار هالليله الزلم عند الخواتين  
وزينب عزيزه بسايت العباس وحسين  
وكل النشامه تحوف خيمتها مسلحين  
واهى كئيبه والغلب من عدها خلصان

\*\*\*\*

وليله على الاكبر تون والدمع مدرار  
ورمله على جاسم يويلى مضيعه الافكار  
وامّا الرباب تصيح يا سيّد يمغوار  
خافن تخلينه غرب ما بين جيمان

\*\*\*\*

وگام الغريب يسكت العيله الغريبه  
اگبل عليهن والغلب شاجر لهيبه  
حالت اعياله زودت نار المصيبه  
وهلت ادموعه ويّه دمع اليهل غدران

## نواعى فايزي

إسمع الضجّه من نواحي كربله تلوح  
هالليله آلام ودمع واحزان وجروح

\*\*\*\*

دويت العسكر من سما غاضر تجينه  
واصوات من وسط الخيم كلها حزينه  
واللّي يودع عيلته تسمع حنينه  
واتعاین احوال الحرم واللطم والنوح

\*\*\*\*

الليلة اراضي كربله فاضت بالخيل  
وارماح بيها منشّره والسهم مسلول  
كلها اعلى حرب ابن النبي ومهجة المرسول  
وباچر من ايصير الفجر تتولّم السوح

\*\*\*\*

الليلة استعدت كربله الساحات الحراب  
وباچر على حر الثرى من شيب وشاب  
الله يساعد زينب تعاین هالمصاب  
ومن گد مصاييها وبلاها ما بگت روح

\*\*\*\*

الليلة يوصيها الولي والگلب محتام  
حفظي بناتى يا حزينه وبارى الايتام  
وادرى يودونچ يسيره الديرة الشام  
وراسي تشوفينه گبل عيناچ مشبوح

\*\*\*\*

گالت يخويه شملك بعينى اباريه  
وبضلعي المـجمـور للضايـع اغـطيه  
احني عليه امن العده خافن تاذيه  
وحملك اشيله ولا اخلي حمل مطروح

### نعي مجرد

الليله الولى يودع العيله    گربان وموزم رحيله  
وناده ام طهر انتى الكفيله

\*\*\*\*

خويه بناتى دباريها    واطفال عندى سكتيها  
بالسفر حطي البال ليها

\*\*\*\*

لو سافريتى الديرت الشام    وسار الظعن ما بين ظلام  
بارى عليلى وبارى الايتام

\*\*\*\*

وباچر يخويه من تشوفين    جسدى موذر بالميادين  
قيي عليه ولا تونين

\*\*\*\*

لوشفتى جسمى بشمس مطروح والقلب ضامى وغايه الروح  
فَيَّيَّ عليه وداوى الجروح

\*\*\*\*

صاحت يخويه ونظر عيني جلده واسمعك توصيني  
وشلون ما يكثرونيني

\*\*\*\*

يحسين يا مهجة الهادى ووصيتك شعت افادى  
عسه لاجيت الهالبوادى

\*\*\*\*

شيصير حالى وافتكر ليك واگع يخويه بين اعاديك  
واهل الشيم كلها حواليك

### نعى مجرد

الليله صريخ بوسط الخيام الليله دموع وحزن وآلام  
وباچر فقد ساده وعلام

\*\*\*\*

الليله مناحه وساعت اوداع وياه الحياه حلوه الاطباع  
وباچر ضحاياه تصير عالگاع

\*\*\*\*

هاذى تودع ليه ولدها وذيجه تعين ليه ضمدها  
وهاذى الحزن مرّد جبدها

\*\*\*\*

اليه مزهره خيام الحسين ومعطره بالمّة الطيبين  
حرّاس وتحوف الصواوين

\*\*\*\*

عباس واخوانه النشامه وجسّام يا بهجة عمامه  
ولكبر علي محله كلامه

\*\*\*\*

اليه اراضي كربله تموج تدوى وكلساعه يجى فوج  
وحتى الفضاهالليله مرجوج

\*\*\*\*

الليله بغاذر فازعه الغوم كلها عساكر گامت تحوم  
ومحرّمه الحربك يظلوم

\*\*\*\*

جت الكفر جازات جازات وخيّمّت كلها بشاطي الفرات  
ماكو حميه ولا مروّات

## نعي مجرد

الليلة يزینب لیلۃ وداع وباچراهلنا برملۃ الغاع  
اللیلۃ الگلب حایر ومرتاع

\*\*\*\*

یزینب یخیه شلون لیلۃ والهدم ما اگدر اشیله  
من کثر ما روحی نحیله

\*\*\*\*

انظر لختوی الجنهم بدور وعینی تهل والدمع مسعور  
بالیلۃ العاشر بعاشور

\*\*\*\*

ادگلها دصبری یم چلثوم واحتسبی عالواحد القیوم  
گلبی مثل گلچ المالوم

\*\*\*\*

ضاع البصر چلثوم خیه وجتّنی نار الغاضریه  
واعلی اخوتی شیصح بدیه

\*\*\*\*

ابچی واهل العین عبری والنار بالدلال وجره  
یختی الگلب مگدر اصبره

\*\*\*\*



شصبر واشوف الاهل خطار وباچر ضحايه بحر الوعار  
وتالى شملنا يصير طشار

### نعي مجرد

سكنه تنادى يا ولينه يا بوى عدمن تخلينه  
لو رحت منهو اليبارينه

\*\*\*\*

لزمت اذياله وصاحت ادخيل لتروح يالعندك مطافيل  
يا بوى تدرى مابگه حيل

\*\*\*\*

حنت اضلوعه من سمعها وبيمنته يمسح دمعها  
هالغاليه الزاچى طبعها

\*\*\*\*

صد ألله وادموعه جريه يا بوى شنهو يصح بديه  
واحوالكم تصعب عليه

\*\*\*\*

ويمّه الرباب اتنادى وتنوح وامساهره والگلب مجروح  
تگله يوالي عنه لتروح

\*\*\*\*

لتروح يا خيمه العلينه يا بوعلي عزنا ووليئه  
لو رحت بالله شلون بينه

\*\*\*\*

يا تاج راسي والتجيه يبن النبي سيد البريه  
دخليك يوالي حن عليه

\*\*\*\*

أنا الرباب الدللتنى عشت بمعزه واكرمتنى  
والسا الفرگه دوهنتنى

\*\*\*\*

عشت بسعد وياك يحسين سلطان ومنتبّ الجدين  
وعودك علي طود الميادين

\*\*\*\*

بسمك عزيزه ورافعه الراس يا هيبتى والفخر والباس  
خافن تذبني بين الارجاس

### نعى مجرد

زينب تون والعين عبرى وتصيح دلالي شيصبره  
وباچر اخوتى على الغبرى

\*\*\*\*

مُرّ الصبر يالى توصفون وامصاب واحد بلكت يهون  
لكن هلى كلهم يخلصون وباچر ضحايه بساحت الكون

\*\*\*\*

باچر هلى كلهم ضحايه نومه اعلى رملة كربلايه  
واحنه يساره ويه الدعايه

\*\*\*\*

شيصبر المجروح يا ناس وابن امى سوري وشيلة الراس  
باچر يظل للخييل مرداس

\*\*\*\*

الليله الخيم تزهر بالولاد وكلمن تشوفه ايسر الفاد  
وباچر ضحايه بحر الوهاد

\*\*\*\*

شبان حلوين السجايا يزيحون منّ الغلب دايه  
اسم الله يضوگون المنايه

\*\*\*\*

اسم الله على حلوين الرسوم اسم الله على العريس جسوم  
اسم الله على لكبر المحروم

\*\*\*\*

انذب يگلبى اهجع اوهود لكن شيصبره والهجر چود  
واهوه من الاعماق ممرود

## هــوسات

زينب ساهره الليله وياه الخوان  
وتنظر للاحبه والگلب حزنان  
باچر كل اهلها بحومة الميدان  
«خطار اخوتها بها لليله»

\*\*\*\*

اجاها حسين عالفركه يسليها  
ودموعه تهل والونه يجريهه  
يخويه الدنيه تدرين بدواهيها  
«يا زينب حالج بچانى»

\*\*\*\*

گلتله يخويه شبیدی عالمقسوم  
روحى مدوهنه والگلب مملی هموم  
باصرنى بمصابى خويه يا مظلوم  
«ومن بعدك ياهو اياحامينه»

\*\*\*\*

گلله دصبرى والصبر محمود  
انتى ام العلم وام الفخر والزود  
واحسبى مصابيح خويه عالمعبود  
«واعيالى الظلت باريها»

\*\*\*\*\*

باری عیلتی و حفظیلی اطفالی  
یا زینب کفیلہ انتی ابدالی  
بس ابنی علی یمچ یظل والی  
«والگوم اخلافی ایقیدونه»

✻ ✻ ✻ ✻

بويه يا علي وانت تظل مأسور  
من بعدى تشوف النايبه والجور  
لرض الشام تمشي والغلب مسعور  
«والروس وياكم مرفوعه»

# هوسات

الليلة شلون ليله على عيال حسين  
ليلة حزن ليلة هضم عالطينين  
مجموعه الفواطم تهل دمع العين  
«والعيله تودّع ولياها»

\*\*\*\*

الليلة بكربله ليلة حزن ووداع

وباچر هالحياده كلها فوگ الگاع  
نادت زينب ومنها الغلب مرتاع  
«عدمين يحسين اتخلينه»

\*\*\*\*

زينب تنتحب وتصيح يالوليان  
باچر لوگضيتوا بساحة الميدان  
مالي عين اشوفنكم على التربان  
«ياخويه وياكم دخذوني»

\*\*\*\*

واجت سكنه لبوها وگامت تشمه  
تگله يا سنادى عليك متعلمه  
يابويه الغلب متفايض بهمه  
«مهضومه شلون تخلينى»

\*\*\*\*

ناداها ودليله من الحزن ملهوب  
انتى الغاليه وروحي عليچ تلوب  
لاكن يا عزيزه هالامر مكتوب  
«والضيم اخلافي تشوفينه»

\*\*\*\*

\*\*\*\*

وليله مدوهنه لمصيبة الاكبر  
تگله شلون بعدك يبنى يمحسّر  
ما أصبر على فرگاك ما اصبر  
«يالاکبر يانور ايامي»

\*\*\*\*

ورمله اتعنت الجسام وتنادى  
شلون تغيب وانت لبة افادى  
وعينى تعاینك بالكون مترادى  
«يا جاسم حنيت اضلوعى»

\*\*\*\*

هالليله الرباب مساهره وتلوب  
وعبدالله بحضنها من العطش ملهوب  
نوبه يجهر لونه ويصرخ نوب  
«يتلوّه ويشگف بيمينه»

# هوسات

هاليله زهيه الخيم بالوليان  
جسام وعلي يا نبعة الريحان  
والضرغام ابوفاضل گمر عدنان  
«ياسور العيله وحاميا»

\*\*\*

ناداته الزجيه وتهل دمع العين  
ياسور الفواطم يا عضيد حسين  
باچر خاف اشوفك وسط الميادين  
«ياخويه ويا نور عيونى»

\*\*\*

انصار حسين ليلة عاشر بعاشور  
ثاروا للمعاره من غلب مسعور  
گالوله نضحيلك مهج وانحور  
«ياسور الدين وعنوانه»

❁❁❁❁

گَـلَـهـم یَا صَـحـابَـه الـگـوم یـرـدـونـی  
اـنـتـو ا تـیـسـرـو ا وَا نَا دَـخـلـونـی  
مـشـکـورین یَا الجیتـو ا تـنـصـرو نـی  
«وَمَا غَیـرِ الـگـوم یَـطـلـبـونـه»



\*\*\*\*

بالله تيسروا هاذا سواد الليل  
صوب ادياركم بالله دسرجوا الخيل  
غالوله ابد وياك دمنه يسيل  
«وموت العز وياك انريده»

\*\*\*\*

صاحوا فرد صيحه جملة الاصحاب  
ياعزنا وحمانا يبن داحى الباب  
ما عفناك لمن نهوى فوگ اتراب  
«هيهات انعوفك يالوالى»

●○●○●

●○●

## القسم الثاني من الفصل العاشر في ما يخص اليوم العاشر من شهر محرم

### لطمية

من هوى روح الزحيه اعلى الصعيد بكربله  
ارتجّت السبع العليه والمدامع هامله

\*\*\*\*

من دمه هلت سماها والارض گامت تميد  
واظلمت جوها وفضاها يوم طاح اعلى الصعيد  
حلّت الاكوان رجّه وارتهب عسكر يزيد  
وظل ثلث ساعات مرمى جسم ابواليمه الشهيد  
والسيوف تحوم يمه طالبه حزّ الوريد  
ماگدر احد يدحمه والزّعب بيهم عله

\*\*\*\*

آه يا حزت وريده صوّبت گلب الرسول  
واصبح الاسلام ناعى لجل ابن فحل الفحول  
وباچر الأمّه العنيده عند ابو حسين شتگول  
من تشوف اهنالك جده وتنظر الزهره البتول

اتگول يا زهره اعلى صدره خيلنا گامت تجول  
والسهام اعلى عزيزچ يا زچيه اماعله

\*\*\*\*

هاذ ابن سيد البريه بالعري هاوى طريح  
واعلى رمح الكوم راسه والدمه منه يسح  
وراح للخيمه جواده يسهل بصوته ويصح  
يگول يا زينب دسمعى والخبر جبهه صحيح  
راح ابوالسجاد ظامى والنحر منه ذبيح  
وكل اهل بيته ضحايه بالطفوف مجدله

\*\*\*\*

وطلعت بدهشه العقيله تصرخ بحرگه گلب  
شافت الميمون خالى والسرچ منه انگلب  
صاحت اعلى الحرم گومن راح واليچن غصب  
هذا ميمونه اجانا والدمع منه يصب  
عمه ظليتن يتامه واليتم مُرّ وصعب  
لاكفيل ولامحامى وطاح سد العايله

\*\*\*\*

توجهت صوب المعاره والغلب يگطر دمه  
وراحت اعلى التل تنادى وين طايح ياحمه

يا غريب الدار خويه يا فريد الملحمة  
يا هو حزّ منك وريدك يا هو صدرك هشمة  
والله من فعل الاعادى اهتزت اركان السمّه  
يوم مامثله تصوّر ما سدى بكل المله

\*\*\*\*


يوم عاشر يا مصابه ماجره مثله مصاب  
جملة انصار الامامه تصرّعت فوگ التراب  
بين ماهو امبضعينه وبين مسلوب الثياب  
وبين مادم المناحر صار لچفوفه خضاب  
كلها بسموم الوطيه من كهول ومن شباب  
وحتى عبدالله الزغير ميّت بسم حرمله

\*\*\*\*

من بعد ذيج الفجيعة غاروا على الطاهرات  
روعوا گلب اليتامه والشمل خلوه شتات  
هاذى طفله تصيح يابه وذیچه فرت بالفلات  
والعدو يطرد وراها لاله رحمه ولاله ذات  
والخيم بالنار شبّت وين تتخفه وتبات  
وين جاسم وين الاكبر وين اهالى المرجله

\*\*\*\*

وين ابوفاضل حماها غالوا على المشرعه  
راسه بالعامود مرمى والچفوف مگطعه  
ناده كل الفواطم خل يجينه نودعه  
لش ماگام الخواته لش ظل ابمصرعه  
خله ينظر للغوالى خايفه ومروعه  
من بعد ذيچ المعزه بالطفوف مبهدله



## عدة لطميات مربوعة وفزاعية

### لطمية

بالعرك نسـمـع ونـيـنـه

ويـن طـايـح يا وليـنـه

\*\*\*\*

گـومـى يـم چـلـثـوم خـيـه

نـشـوف واليـنـه الشـفـيـه

طـاح عـز الـهـاشـمـيـه

راـح فـي الـلـي عـلـيـه

\*\*\*\*

بالعرك نسـمـع الصـايـح

يا حـماـنا ويـن طـايـح

خـلـي انـقـيـم النـوايـح

هـاى هـيـه ومـا يـجـيـنـه

\*\*\*\*

سـمـعي بـالـمـيـدان حـنـه

وبـوعـلي يـجـهر الـونـه

خل نزم السهم عنه  
يالله گومی یا حنینه

\*\*\*\*

گومی نفزع للمعاره  
والولي نعرف اخباره  
والله ظلينه حيارى  
والاعادى محياطينه

\*\*\*\*

بوعلى طايح بكونه  
گومی انغمض عيونه  
خاف صدره يرضونه  
انشيل سهم اللّٰي بعينه

\*\*\*\*

بلكى نطلع سهم گلبيه  
بلكى اميّه نشر به  
غصّته يا ناس صعبه  
خاف صدره راضينه

## لطمية

ثار الغبار الساع      واظلمت اسمانه  
وسبط النبي عالگاع      واگع بميدانه

\*\*\*\*

شو ضجّت الكونين      هاوى عميد الدين  
واگع بالميادين      والدننيه حزنانه

\*\*\*\*

وشهاالعجاج الثار      وتكدت الانوار  
وهلت سماها غبار      من جور عدوانه

\*\*\*\*

يا مهجة الزهرة      واگع على الغبرى  
وضلوعه متكسره      وبنحره نيشانه

\*\*\*\*

لمن هوه المظلوم      مطرت سماها دموم  
ودين النبي مهدوم      وانهدت اركانه

\*\*\*\*

لمصاب ابوالسجاد      متهدمه الاوتاد  
وياهجمة ابن زياد      زلزلت دنـيـانه

\*\*\*\*



وعياله بالصيوان      تصرخ على الوليان  
ماعدّها بس وجعان      وبالهيمه حيرانه

\*\*\*\*

تصرخ على المذبوح      ملهوبه منها الروح  
گبر عويل ونوح      والعيله خلصانه

### لطمية

اسمع صهيل الخيل      طاح ابو علي

\*\*\*\*

بالكون صار صياح      چنه ولينه طاح  
سور الغوالى راح      يا ويلنه يا ويل

\*\*\*\*

بالكون حس رنه      واتعالت الحنه  
راح الولى منه      شوفى الروايه تميل

\*\*\*\*

بالمعرکه شصاير      واغبارها ثاير  
شوفى العدو غاير      يا خيه باد الحيل

\*\*\*\*

ضجه وخیول تصيح      واغبار ويه الريح

وارجاله مذابيح      ويّانه بس اعليل

\*\*\*\*

طاح الولي بكونه      خالانغمض عيونه  
ماندرى شلونه      خافن دماه يسيل

\*\*\*\*

نايم على التربان      يبن النبي العدنان  
مذبوح يا عطشان      قطروله ماي دخيل

### لطمية

بالكون حنه وزلزله      على حسين مرجونه

\*\*\*\*

سمعوا حنين اهل السما      مذبوح مهجة فاطمه  
والدنيه صارت مظلمه      لمن تراده بكونه

\*\*\*\*

گبر الصايح والهضل      من طاح ابن سيد الرسل  
مهجة الزهره منچتل      واعليه بگت محزونه

\*\*\*\*

نايم على حر الثرى      والچبد منه موذره  
والروح منه موجره      بنار العطش مطعونه

\*\*\*\*

لمصاب شبل المرتضى	اظلم سماها والفضا
عزيز النبي يذبحونه	بسيوف عدوانه غضه

\*\*\*\*

يحسين مرضوض الصدر	يحسين يا دامى النحر
واهل السما ينعونه	هاليوم يبجيله الصخر

### لطمية

صوب المعركة	امشي يخيه انروح
-------------	-----------------

\*\*\*\*

نشوف الولى وينه	خالنروح يحنيه
نغصد عزيز الروح	خله يحاچينه

\*\*\*\*

هالساع للحومه	امشي يمهمومه
وعليه نزيد النوح	خل نمسح دمومه

\*\*\*\*

والروح ملهوبه	فریت مرعوبه
خله الغلب مجروح	يالبين وحروبه

\*\*\*\*

وين العزيز يلوب      وين اتجّه يا صوب  
ومضيعه الدروب      وين الولي مطروح

\*\*\*\*

مالي جلد مالي      ومدوهنه احوالي  
يا غصة الوالي      منه النحر مذبوح

\*\*\*\*

خل نوصل العطشان      وانشاهد الحيران  
شو ثايره التربان      وبالمعركه شيلوح

### لطمية

طلعت فارّه النسوان      وين انروح يابونه

\*\*\*\*

فرّن والعقل طاير      شنهو بالعرك صاير  
ضجّه والترب ثاير      الوالي نامت عيونه

\*\*\*\*

طلعت فارّه العيله      للمظلوم تشكيلاه  
وين انروح هلليه      والعدوان حاطونه

\*\*\*\*

بويه حسين وين انروح      حاجينه يبعد الروح  
نايم عالرمل مطروح      جرحك يالابو شلونه

\*\*\*\*

يابويه بگينه ضياع      وكل ارجالنا بالغاع  
منكم ما نهض فزاع      يهل الزود دحمونه

\*\*\*\*

هسه تهجم العدوان      كلها تغير عالصيوان  
وعدنا بس علي وجعان      واهما ما يرحمونه

### لطمية

زينب على التل اوگفت      طايح وين يالوالى

\*\*\*\*

طايح وين يالهييه      وحلت عليه السيه  
وتدرى يخويه اغرييه      واعلى التراب ارجالى

\*\*\*\*

وگفت حزينه مالّمه      ماعدها والى ولاحمه  
وتندب يمهجة فاطمه      انهض وشوف احوالى

\*\*\*\*

ياخوى بعدك حايره      ومن المصاب موجره  
وارجاله فوگ الثرى      وين الخدر وادلالي

\*\*\*\*

فرّت مريبه اتنادى      طايح يروح الهادى  
ونك مرد لفادى      يالنايم اعلى ارمالى

\*\*\*\*

طايح يبعد عيوني      بيك العدى فجعوني  
ياگوم متخلوني      اگصد اخي الغالى

\*\*\*\*

ياخوى گلي بحالك      وشلون سير اعيالك  
وشنهو البصر بطفالك      مهدوم سور العالى

### لطمية

گوم يا سور الغوالى      هجمت العسكر عليه

\*\*\*\*

هجمت العسكر يظامى      ماله بالگوم حامى  
بالفضا هجت ايتامى      والعزیز مضيعينه

\*\*\*\*

گوم خويه وانغر انه      گوم خويه لم شملنه  
منهو ايبارى حملنه      والاعادى محايطينه

\*\*\*\*

هجمت العسكر الحدنه      واحنه بالهيمه وحدنه  
وين طايح يا ضمده      بعد عينك يا سبينه

\*\*\*\*

اتطشرينه بهالبرارى      مدوهنه وتاهت افكارى  
خويه ما تدرى اشجارى      بيد عدوان انولينه

\*\*\*\*

سا يودونه هدايه      اخلافكم خويه سبايه  
وين حلوين السجايه      خل تگوم الساع لينه

\*\*\*\*

گوموا يا اهل الحميه      هجمت اعلينه الدعيه  
نايمين اعلى الوطيه      ومادريتوا اشصار بينه

**لطمية**

اشرب يخويه حسين      ماى عيونى

\*\*\*\*

انطيك ماى العين      يا هيبتى يحسين  
خويه اشوفك وين      الصابوك صابونى

\*\*\*\*

يحسين يا مظلوم      ومن الورد محروم  
ذبحوك خويه الغوم      وانصابت اعيونى

\*\*\*\*

عطشان يبن امي      يا روحى ودمي  
ما ينوصف همي      يا ناس عازوني

\*\*\*\*

يا خوي يا عطشان      مطروح بالميدان  
واشعملت العدوان      بحسين فجعوني

\*\*\*\*

سهمك جرح لحشاي      يالما شربت الماي  
وانت نظر عيناى      ومن بعدك اشلوني

\*\*\*\*

امشي يخيه نروح      يمه نزيد النوح  
وين الولي مطروح      يا ناس دلوني

### لطمية

وين نمشي يا ضمدنه      وياكتر منوانه

\*\*\*\*

ليش بويه سيبتنه      وبید من چا سلمتنه  
اليا حنين ودعتنه      وانگطع رجوانه

\*\*\*\*

وين نمشي يا ابونه      دخیل ویاکم اخذونه



بهاالبرارى تضيعونه      ومـنـهـو الويـانـه

\*\*\*\*

هجمت العسكر يوالى      رد جودك ليش خالى  
وينكم يهل المعالى      ولا ولى يـحـمـانـه

\*\*\*\*

وينكم يهل المروّه      لاتـخـلـونـه بشـلـوه  
والدهر بينه اشسوه      وبـالـثـرى ولىـانـه

\*\*\*\*

بالعرك جملة الساده      بس عليل المرض چاده  
آه ياچويت افاده      وحيـرته وامـحـانـه

\*\*\*\*

آه يا شدة احواله      آه يا غصة ارجاله  
آه يالوعة اطفاله      والحرـم دوهـانـه

### لطمية

رد جواد حسين خالى      والعزیز مصوبينه

\*\*\*\*

راجع الميمون يصهل      والدموع شلون تهمل  
يصيح خيالى تجندل      والاعادى محايطينه

\*\*\*\*

جايته يصرخ بهمه      وين خياله يعمه  
صارت الدنيا مظلمه      وبالعرك طايح ولينه

\*\*\*\*

راجع الميمون خالي      وين متكنظر الوالي  
طاح سور الجان عالي      وما نغر واحد عليه

\*\*\*\*

بالله طلعت يا فواطم      شوفن الميمون جادم  
والولي بالكون نايم      يا عزانه ويا سبينه

\*\*\*\*

جاي للخيمه جواده      وبالظليمه اليوم ناده  
يصيح راعيه تراده      والحرم ظلت حزينه

\*\*\*\*

اشصوبك يا ماي عيني      عليك ما يبطل ونيني  
اويه العمر نوحى وحنيني      والله بمصابك دوينه

### لطمية مربوعة

صاحت النسوان يا والينه  
بيد من يا بوعلی مخليه

\*\*\*\*

ودعته بيد من يا بو علي  
لا خدر لادار لاعدنه ولي  
وكل اهلنه مطشره بحر الخلي  
ويا هو وصيته الذي يحمينه

\*\*\*\*

يا هو وصيته يوالى بالحرم  
اتحيرت النسوان ما بين الزلم  
بس عليل يلوج وبجبداه الألم  
والعده كلسا تغير عليه

\*\*\*\*

بويه ظلينه يتامه بلا اهل  
هم رُعب هم خوف هم شدة وجل  
ولاكو وليان التشيل انه الحمل  
وخيل ابن سفيان غبلت لينه

\*\*\*\*

تدرى ظلينه حريم بهالفله  
وبالزلم والخيل غاصت كربله  
وين ابوفاضل كفيل العايله  
خله يسمع صوتنه ونادينه

\*\*\*\*

بويه نسوانك تره عدمن صفت  
انخبرك العدوان عالخيمه اهجمت  
واليتامه والحريم اتروعت  
والحنين اتگطعت چفينه

\*\*\*\*

وين واگع يا ولينه بياکتر  
اسمع اباناتك يبويه وانتغر  
خاف بالميدان مرضوض الصدر  
خاف چبدك بالسهم رامينه

### لطمية مربوعة

طلعت بدهشه العقيله اتنادى  
وين واگع يا عزيز افادى

\*\*\*\*

سمعت الضجّه الحزينه وعوّلت  
من درت بحسين مرعوبه هوت

يا عضيدي وين يا صوب اوگعت

صوّبت روحى يروح الهادى

\*\*\*\*

طلعت ومنها الجوارح ناحله

ومن عظيم مصابها متبهذله

بيا وضع طلعت كئيبه وذاهله

والعزیز اعلى الثرى مترادى

\*\*\*\*

وگفت اعلى التل لخواها اتحشمه

ومن لهيب الظيم مدمعها دمه

اتگله يا سلطان وامك فاطمه

لش مطروح بسوم الوادى

\*\*\*\*

يالآخو ونى على ونك جره

آنا خيتك واعلى ضيمك واجره

حملی يا مظلوم شنهو يدبره

لو مشينه ورافگينه الحادى

\*\*\*\*

كَلَّفْتَنِي بِالْيَتَامَةِ يَا وَلِيَّ  
وَانْدَبْتَ يَخْتِي دَحْفَظِيلِي هَلِي  
لَا جَن بِيَا نَوَّع يَمْشِي مَحْمَلِي  
لَا اخَوْتِي وَلَا هَلِي وَوِيلَادِي

\*\*\*\*

احْفَظْ أَيْتَامَكَ يَخْوِيَهُ بِجِدَّتِي  
وَلَا أَوِّنْ مِنَ الْمَسِيرِ وَغَرَبْتِي  
حَتَّى لَوْ جَانَتْ هَزِيلُهُ نَاغَتِي  
وَبِيدَ عِدْوَانِي يَصِيرُ اقْيَادِي

### لَطْمِيَّة مَرْبُوعَة

وَيَنْكُم يَهْلُ الشِّيمِ سَمْعُونَهُ  
لِيشْ مَسْتَكُومُونَ وَتَحَامُونَهُ

\*\*\*\*

سَمِعُوا نَخْوَانَا يَهَالِي الْمَرْجَلَهُ  
مَنْ غَلَبَ دَامِي تَصِيحُ الْعَايِلَهُ  
وَاللَّهُ مَا صَارَتْ فَجِيعَةُ كَرْبَلَهُ  
خَلَّتْ أَرْكَانَ الْأَرْضِ مَرْجُونَهُ

\*\*\*\*

وين شيمتكم يهالينه نصيح  
ومن مصايينا تره نمشى ونطيح  
وانتوا بالميدان مجروح وذبيح  
واحنه اطفال وحرم تدرونه

\*\*\*\*

حاموا اطفال وحریم الضايعة  
يالوگغتوا اعلى العفر والمشرعة  
ياحنين الهاليتامه انفزعه  
من گبل ماللدعى يودونه

\*\*\*\*

شوفوا حالتنه الصخر منها يذوب  
من كثر همنه وهضايمنه نلوب  
اليانويه نروح لوصار الغروب  
والاعادى بكل جهه يطلبونه

\*\*\*\*

تهجم العدوان للخيمه اسف  
وانتوا اصحاب العزيمه والشرف

يا نشامه عيالكم صارت هدف  
وانتوا كل واحد طريح بكونه

\*\*\*\*

وين الكبر وين عباس وعلي  
كلها بالميدان وبرمل الخلي  
ظلت النسوان ماعدها ولي  
بس عليل من المصيبه شلونه

### لطمية مربوعة

گوم یبن امي الخيم حرگوها  
والياتامه والحرم سلبوها

\*\*\*\*

شبووا النيران بخيمنه العده  
والشمل طشار بالبيده غده  
خويه وثياب الكرامه مفرهده  
وعدكم ايتام وحرم عفتوها

\*\*\*\*



يا عضيدي گوم لصياح الحرم  
بالخيم نسوان ماعدها زلم  
تحشم الوليان واصحاب الشيم  
وخاف هالساعه العده يمشوها

\*\*\*\*

درعم الظالم على خيمة علي  
ماكفاه ادموم خلانى وهلي  
ما بگه خيال يبرى محملى  
حتى للرضعان ما رحموها

\*\*\*\*

صاحوا الفرهود لمن غربت  
وبسبى النسوان ريتك مسمعت  
يا عزيز الروح بس عينك غفت  
والعده غاراتهم شنوها

\*\*\*\*

شنوا الغاره على كل الأهل  
خويه ما رحموا يتيم ولا طفل  
اهتزت الاكوان من هذا الفعل  
والشريعة بها العمل نكروها

\*\*\*\*

روعوونه وطشرونه بهالعرى  
واطلعت سكنه العزيزه مفرفه  
روعوا كل غاليه وامخدره  
وحرمة المختار ماراعوها

### لطمية

گومن يا بنات حسين      طايح وين والينه

\*\*\*\*

گومن شوفن الميمون      يصهل من گلب محزون  
وعيونيه تهل شلون      عنده اخبار ينطينه

\*\*\*\*

يخبرنه عن الوالى      وبظهره السرج خالى  
طايح وين يالغالي      ياعمه اشجره اعليه

\*\*\*\*

والينه وگع يا صوب      خليه نصيح النوب  
نبجي من گلب ملهوب      وين انروح تالينه

\*\*\*\*

گامن کلهن بهمه      وين انروح يا عمه  
وجيوش الکفر لّمه      نگرِب ما تخلينه

\*\*\*\*

صاحت وهى مرعوبه      روى بنار ملهوبه  
آيا البين وحروبه      ماكو ارجال تحمينه

\*\*\*\*

خله يسمع ابچانه      بلغى ايگوم يحمانه  
يدرى محد اويانه      والوالى غفت عينه

### لطمية

على حسين الفضا مرجون      والديران حزنانه

\*\*\*\*

صارت ضغبره وحنه      وبسابع سمه رنه  
لجل حسين هالونه      وشوفوا مظلّم اسمانه

\*\*\*\*

خليها تهل ادموم      والأملاك لجله تحوم  
آيا يحسين يا مظلوم      يالواگع بميدانه

\*\*\*\*

بالحومه غدت لَمَّه      والاكوان مظلَمَّه  
لمن طاح ابواليمه      آيا مصاب مولانه

\*\*\*\*

يبن المصطفه العدنان      طايح ليش علتربان  
وصدرك داسته العدوان      آيا جور عدوانه

\*\*\*\*

صدرك يا حسافه انداس      يا عالي يبوالنوماس  
بيك اشسوت الارجاس      امست كلها خوَّانه

\*\*\*\*

يومك يا غريب الدار      ابداً ماجره ولا صار  
صبرك حير الافكار      يالذبّحوا رضعانه

## لطمية مربعة

تصيح زينب والدمع همالى  
صواب جبك صابني بدلالى

\*\*\*\*

الصوبك يا خوى صوب جبدي  
بسهمك المالوم حالت دنيتي  
وين ربعى وين گومى وصحبتى  
كلها مطروحه بشمس وارمالى

\*\*\*\*

اسمع الونه يخويه وافتجع  
يا عضيدى عليك محنيه الضلع  
راح والي ونظر عيني الشمع  
ويّه ذبحك گوّضت آمالي

\*\*\*\*

خويه ظليت بمهانه ويه الغرب  
واگضى عمرى عليك مكسورة گلب  
عاین احوالى ودمع عینی الیصب  
ما حسبت اتعوفنى يالوالى

\*\*\*\*

چن لسان الحال جاوبها بقهر  
يصعب اعليه ونينچ يم طهر  
سامحيني لوبگيتي ويه الكفر  
هذا ذبحي من اليسر اشوالى

\*\*\*\*

مو عليّ بالهون يختي ميسره  
وادري مامثلج هضم شبعث مره  
يختي عالوادم مصابج ماجره  
بالمثل حالچ يخويه وحالى

\*\*\*\*

انتي بيد الغوم وأنى بكربله  
وراسى يمشي وياچ ويه الغافله  
وجسمى ظل بالكون محد غسله  
آنه واخوانى وجميع ارجالى

### لطمية

اسمع بالمعاره ونين      خويه حسين حاجيني

\*\*\*\*

اسمع بالمعاره ونين      يا ظامى الحشا يحسين

ياخويه ينور العين      ابچتک من يدلينى

\*\*\*\*

طايع وين يبن امى      ونك زوده الهـمى  
وانت بعيد من يـمى      يخويه لكـثر ونينى

\*\*\*\*

ياخويه طحت يا صوب      خويه بياكتر مضروب  
اصرخ والغلب ملهوب      يصوابك المآذينى

\*\*\*\*

خويه وين طبراتك      خويه بگلبى وناتك  
يغالى ذلن اخواتك      غريبه لاتـخلينى

\*\*\*\*

ونك گـطـع افادى      يالمطروح بالوادى  
خويه تسمع النادى      يندبك يا بعد عينى

\*\*\*\*

صوتك ما اسمعنه      وجهك وين اشوفنه  
خويه خافى الونه      وسط الغلب چاوينى

## لطمية

يا كرار گوم الساع شوف حسين وانصاره

\*\*\*\*

شوف حسين واحواله محد غسله وشاله  
ويمه مطرحه ارجاله عليهم شنوا الغاره

\*\*\*\*

ليش تغيب يا ابو حسين وانت فارس الكونين  
انهض دقن الطيبين وانت يالحمه جاره

\*\*\*\*

شوف حسين بالهيمه وانظر حالت احريمه  
حتى حرگوا الخيمه والنيران وجاره

\*\*\*\*

تدرى حرگوا الصيوان تدرى بحالت النسوان  
تدرى ما بگت وليان وام الخدر محتاره

\*\*\*\*

گوم الكربله يا حيد وانظر فاجعه بهالبيد  
شوف اعمال گوم ايزيد والكوفه الغداره

\*\*\*\*

بس ظلت حرم وايتام ما بين العده الظلام  
وينك يا رفيع الهام وين الزود واطواره



## نواعى فايزي

ودع حريمه حسين والدمعه جريه  
وخلصت رجاله وكل اخوته الضيغميه

\*\*\*\*

مفرد بگه يدير النظر والگلب حيران  
واصحابه كلها مطرحه بحومة الميدان  
وشلون حاله من اجه يودع النسوان  
ذايب دليله ونار حسراته سريه

\*\*\*\*

ناده دگومن يا فواطم حان الوداع  
والگوم تطلبني تريد الحرب هالساع  
شبعن اموادع من گبل ما طيح عالگاع  
الله الغلچن لو هويت اعلى الوطيه

\*\*\*\*

ناده يزينب والگلب فايض بالهموم  
وانتي يسكنه ويارباب او ام كلثوم  
ليكم سلامى وارد ارواح الساع للگوم  
ولديار طيبه بلغوا مني التحيه

\*\*\*\*

وسكنه العزيزه لزمت اذياله وتناديه  
تگله يبويه هالشمّل عدمن تخليه  
شبگت على ذاك الصدر وتعلگت بيه  
وهلت مدامعهم على الفرگه سويه

\*\*\*\*

وحتن اضلوعه من لگه السجاد مطروح  
اهوى على طوله يشمه بدمع مسفوح  
وگله العليل شلون بويه تمشى وتروح  
وتشوف حالته بكدر يابو الحمية

## نواعي فايزي

ظلمت الدنيا والأرض يقطر سماها  
من طاح ابن سيد الرسل عزها وحماها

\*\*\*\*

اهتزّت سماوات العلّى من شالوا الراس  
والشمس صارت مغبره واتزلزل الساس  
الله وكبر مهجة المختار ينداس  
وبهالمصيبة فجعوا الزهره واباها

\*\*\*\*

هلت سماها دموم والعالم تغير  
لمن عزيز المصطفى بكونه تگنظر  
وارتجت الاكوان والاسلام كبر  
ولجله ملايكة السما وجّر نعاها

\*\*\*\*

طاح الامام اعلى الثرى والخيّل اجت ليه  
مطروح جسمه والعوادى داست عليه  
يا صدر هاذ وخيل ابن سفيان تاويه  
صدر الرسول وفاطمه وصاحب لواها

\*\*\*\*

طلعي يزنب طاح اخوچ بحومة الكون  
رفعي الغريب من الثرى وغمضيله لعيون  
خافن بعد ساعه بنى ميه يهجمون  
ويظل بلا تحفين مطروح بثرها

\*\*\*\*

بلكى تغسلين الشهيد بدمعة العين  
وبلكي تشيلينه من حرور الميادين

سمعى ونينه يلوح يا حرة هالونين  
والله مصابه صخرة المرمر براها

### نواعي فايزي

طلعت من الخيمة العقيله تصيح يحسين  
يا صوب واگع يا نظر عين الخواتين

\*\*\*\*

سور الغوالى يا حسافه تكور وغار  
طلعن يمحبوبات بالله شوفن اشصار  
اسمع دوي العدوان وجّر والترب ثار  
ولنه وليسنة طاح وارتجت الصوبين

\*\*\*\*

هذا جواد حسين يصهل والسرّج مال  
گاصد الخيمة يخبر العيله والاطفال  
شوفن احواله جاى يا عمّه بياحال  
يبحث برجله والدمع يهمل من العين

\*\*\*\*

گو من یعمه طاحت الخیمه العلینه  
جانہ الجواد الساع خالی من ولینہ  
وبہالمصیبہ تلاہبت سکنہ الحزینہ  
گالت دگلیلی یعمہ نروح لاوین

\*\*\*\*

نادتها زینب والگلب بالجمر ملہوب  
مذبوح عودچ والغوالی ظلن سیوب  
ما ادری المن التفت وانظر الیاصوب  
ما عندی والی والأهل کلهم مطاعین

\*\*\*\*

وجاها علی السجاد منه الدمع مسجوم  
ومن المرض نوب یطیح ونوب یگوم  
یا عمہ امرچ فوضیہ للعلی القیوم  
گلہا وگلہ من القہر منقطر نصین

\*\*\*\*

عمہ استعدی للہضم والهضم جدام  
لَمَن یودونہ یسارہ لدیرۃ الشام  
صبری یعمہ اعلی الفجیعہ وجور الایام  
هذا المقدر من دهرنا ونايب البین

## نواعي موشح

فرت بدهشة العقيله وآجره بنار المصاب  
وگفت اعلی التل تنادی والعزیز اعلی التراب

\*\*\*\*

ناداته یحسین انهض وانظر الحال الفجیع  
واسمع العدوان غارت علی خیامک یا صریع  
حسین جاوبها شگوم ومنحری خویه قطع  
هاذ حالی وهاذ لونی هوّنی اعلیه العتاب

\*\*\*\*

گالت شبیدی یخویه غصب اعتب یا شهید  
حرم عندک یا ولیها خافن اتروح الیزید  
خویه رد الخیل عنه وانظر العیله شترید  
عگب عینک یا حمانه بالمهانه والعذاب

\*\*\*\*

جیت اشوفک یا ولیّ وارد اخبرک بالمسیر  
واشتکی همّی وعذابی واصبحت مالی مجیر  
ما بگه غیر ابوالباقر والوضع خویه خطیر  
تحیرت مدری شسوی وضاگت اعلیه الرحاب

\*\*\*\*

غال ياخويه اعذريني مگدر الساعه اگوم  
شوفى جسمى راضينه والنحر يسفح دموم  
لكن عيونى عليكم شابحه وروحى تحوم  
سمعي حسراتى الحزينه والگلب بهوممه ذاب  
\*\*\*\*

وين مارحتوا يخويه روحى وياكم تروح  
وراسى بالميال يبره دوم جدامچ يلوح  
ويظل جسمي اعلى الوطيه ايغسله فيض الجروح  
أنا محروم الميّه انه مسلوب الثياب  
\*\*\*\*

وأيت زينب تراهى ودارت الصوب الفرات  
عابت عباس اخوها الضيغمي وزين الصفات  
ترضه يا خويه خواتك للطواغي ميسرات  
وظلت الحوره تنادى وما أجه منهم جواب

## نواعى فايزي

گوموا يهالى الزود طفوا لهبة النار  
حرگوا الخيمه واليتامه صفت طشار  
\*\*\*\*

غارت عليه الغوم والخيمه احرگوها  
وهای الارامل والیتامه روعوها  
صاحت حرمکم یا نشامه دسمعوها  
ترضون ما بین الکفر والکفر اشرار

\*\*\*\*

اتحیرت یاہی اللی اباریها او المہا  
ویاہی الذی اگدر اہوّن من ألمہا  
کلہا مریبہ وبالعفر نامت زلمہا  
لو اگصد اطفال الذی هجّت بالوعار

\*\*\*\*

فرّت یتیمہ تلوب والنار بکترها  
ما تدری وین تروح وامضیعه خدرها  
لاحگہا طاعون الزمن وهیّ بصغرها  
ما عدها حمایہ تحامیہا ولانصار

\*\*\*\*

واسمع یتیم ایصح بالہیمہ وینادی  
مرعوب گلہ ویعثر بجعب العوادی  
هاذا الیتیم بصرخته ذوّب افادی  
اشذنب الزغیر ایلوع والظالم علیہ جار



\*\*\*\*

وعندى عليل من المرض والحزن تعبان  
وشلون حاله من اجوا حركوا الصيوان  
وجدام عينه شاهد امفرار النسوان  
من خيمه ليه خيمه تفر عترة المختار

\*\*\*\*

گوموا يهالى المرجله باروا حرمكم  
لاهين بالاكوان لو گلت شيمكم  
هاذى الغوالى محيره وتصيح يممكم  
لاكن فلا منكم يخوتى نهض نغار

### نعى مجرد

گومن يمهمضومات هالساع حانت الفرگه وحان الوداع  
ادرى تظنن بعدى اضياع

\*\*\*\*

صاحن بحرگه وصوت عالى لتروح ياعز الغوالى  
يحسين ما ظل بعد والى

\*\*\*\*

عدمِ تخلينه يـمـظـلـوم    واحنه حرم ما بين هـالـگـوم  
كلها عده وما يوجد ارحوم

\*\*\*\*

هاذي تشمه فوگ نـحـره    وذیچه هوت تبچی اعلی صدره  
وهو یوّن والعین عبری

\*\*\*\*

ونّ بـحـزن والدمع لاله    من شافهن لزمن اذیاله  
آله یا شدة احواله

\*\*\*\*

والله صعب هـالـحـال عنده    من شاف حالتهن بشده  
واعلی الخلگ همهن تعده

\*\*\*\*

گالن یوالی ما نـخـلیک    وخلصت یخویه کل اهالیک  
وما ظل بعد ناصر حوالیک

\*\*\*\*

ماظل بعد یحسین نـغـار    کل الـاهـل راحت والانصار  
ناوی تخلينه بالوعار

## نعي مجرد

صارت الضجّه وگبّر اصياح    واغبار من وسط الحرب لاح  
وابن الرسول اعلى الثرى طاح

\*\*\*\*

ظلمت الدنيه وهلت اغبار    لمن هوى مهجة المختار  
بهاالفاجعه ارتهبت الكفار

\*\*\*\*

گومن يمحجوبات هالساع    دريتن الوالى طاح عالگاع  
ماكو بعد بالخيم فزاع

\*\*\*\*

طلعن من الخيمه بلا شعور    يستعثرن والگلب مسعور  
يا بو علي بيا صوب منحور

\*\*\*\*

شافن جواد حسين يا حال    عالى صهيله والسرچ مال  
گاصد الخيمه ايخير العيال

\*\*\*\*

هاذا جواده جاى لينه    يخبرنه عن عزنه وولينه  
مهدوم يا سور العلينه

\*\*\*\*

وگام العلیل وحالته شلون من سمع عوده طاح بالکون  
واينادی بویه بگلب محزون

\*\*\*\*

يابوی وين وگعت يا صوب الدنيه اظلمت والکون مگلوب  
وطف کربله نيران ملهوب

\*\*\*\*

تگلهن يعمه شوفن اشصار شوفن الدنيه هلت اغبار  
واظلم سماها والکدر صار

\*\*\*\*

وصاحت بناته يا ولينه نگشعت الخيمه اللّٰي عليه  
هيهات ابونه يعود لينه

### نعي مجرد

گومن يخيه نروح للکون نعاين ولينه حالته شلون  
خاف الولی بالچبد مطعون

\*\*\*\*

اسمع هضل واسمع صوايح وحسين بالميدان طايح  
وسابع سمه گبر النايح

\*\*\*\*

امشى نشوف الولي بياحال    بلكى نداويله الدلال  
وانخبّره عن حال العيال

\*\*\*\*

انگله يخويه شلون بينه    وهسه العده تهجم عليه  
وماكو حنين يگوم لینه

\*\*\*\*

يا ابو علي عزنه وضمدنه    يا اخوى ظلينه وحدنه  
وامصابك الحامي ضهدنه

\*\*\*\*

امشي يخيه يازچيه    بلكى نقطّرله اميه  
بلكى نشيله من الوطيه

\*\*\*\*

امشي نفيلّه من الحر    وانداوى دلالة المطبر  
چم جرح بيه الله وكبر

\*\*\*\*

خافن يون من جرح چبده    لوله الصدر خيه مضهده  
همّه على الوادم تعدّه

\*\*\*\*

يا جرح خيه مكلف اعليه    جرح الذي بالچبد ماذيه  
لوله جرح گلّه وجرّ بيه

## نعي مجرد

زينب على التل وكفت تصيح واتحشم اخوتها المذايح  
سمعوا كلامي يا مطاريح

\*\*\*\*

يحسين خويه گوم لينه وانغر يبالشيمه عليه  
ما بين عدوانك بگينه

\*\*\*\*

بناتك يخويه ظلن سيوب الخيمه هوت والخدر منهوب  
خويه دگول انروح يا صوب

\*\*\*\*

سا تهجم العسكر للخيام كلها كفر والكفر ظلام  
يا بوعلي ما ترضه ن نظام

\*\*\*\*

صوبك يخويه اسمع ونين انهض وخل الترب يحسين  
والحگ على خدور الخواتين

\*\*\*\*

هالنوب دارت صوب عباس نادت يبالشيمه ونوماس  
خواتك يخويه بيد الارجاس

\*\*\*\*

نايم يبو الغيره وحميه مطروح فوگ العلگميه  
وعطشان ماضاگ الميه

\*\*\*\*

ونادت على جملة الشبان معاريس يالچنكم غصن بان  
قناديل واسكنتوا التربان

\*\*\*\*

گوموا وحاموا ابناات حيدر ساتروح مسبيّه الخدر  
وسايهجم اعلينه العسكر

\*\*\*\*

تونون جرحتا افادى يالنايمين بهالبوادى  
يحاب ما بين الاعادى

### نعى مجرد

صاحت الحوره بگلب خلصان گوموا يهل غيره يشجعان  
دارت على اخيمنه العدوان

\*\*\*\*

ياخوى خيمتنه احرگوها وكل الفواطم سلبوها  
وكل الصوارم فرهدوها

\*\*\*\*

گوموا یخوتی والحمه وین هجّت حرمکم بالمیادین  
سمعونّه لو چنتوا حیین

\*\*\*\*

هاذی حرایرکم بالبرور وتصرخ ومنها الغلب مذعور  
یهل الشیم ما ظلت خدور

\*\*\*\*

شحال التهج وسطت الهیمه مذعوره من خیمه الخیمه  
وما ظل ولی من اهل العزیمه

\*\*\*\*

ما عدها والی الینغر الها یبرالها ویبره طفلها  
بس العدو بسوطه ذهلها

\*\*\*\*

فرت بدشه والعقل طار وبکتارها تتلاهب النار  
وبها المصیبه شحال الزغار

\*\*\*\*

من شاهدت لهبة النیران تتصاعد وهدمت الصیوان  
بالبادیه فرت الرضعان

\*\*\*\*

سمعوا العتب یهل المحنه تگومون لو نقطع الظنه  
یهل الشیم بطلوا الونه



\*\*\*\*

يهلي ضحايه بحر التراب وبجسومكم نابت النشاب  
يحبابنه ميفيد العتاب

\*\*\*\*

تونون بالهيمه ضحايه تعانون سكرات المنايه  
كلكم فنتكم كربلايه

\*\*\*\*

الخيمه خذتها النار يهلي وانتو ضحايه وطاح ظلى  
يا دمعة عيونى دهلي

### نعي مجرد

دسكتن يعمه وجرعن الصار بعد مالچن بالزلم نغار  
صفيه بهضيمه ومالنه دار

\*\*\*\*

بچاچن يعمه جرح گلبى ومن الهضم ما شوف دربى  
ويا دمعة عيونى دصبى

\*\*\*\*

دصبرن على البلوه يعمه صدنه الزمان وصاب سهمه  
وخله الكلب مهدور دمه

\*\*\*\*

تعدّه وگصد عباس صگری وحسین یا هیبتی وفخری  
لانی بخوتی ولا بخدری

\*\*\*\*

دسکتن یبعد الروح ساعه بچاچن صمیم الغلب راعه  
ومتضایگه علینه الوساعه

\*\*\*\*

بیش اصبر وبیش اسلیچن والمهجه مفتوته علیچن  
سبایه وعلى الغبره ولیچن

\*\*\*\*

فاض الغلب ما یحمل هموم من کثر ضیم البین مسموم  
وعافت عیونی لذة النوم

\*\*\*\*

شهوّد وانا بالروح چویات علی حسین لو صاحب الکلفات  
والیا هضم اجذب الحسرات

\*\*\*\*

علی یا شباب اجذب الونه ولیا عریس الماتهنه  
ولیا رضیع الغاب عنه

\*\*\*\*

جمركم یعمه بوسط احشای یالگو ضیتوا بحسرة المای  
وأنه الغریبه الضاع ملفای

\*\*\*\*

یعمه الهضم فزر گلبنه سبایه ومفقودین اهلنه  
وبعیونه اسود دربنه

### نعی مجرد

ناده العلیل بگلب مهموم یا بوی گوم من الترب گوم  
وانغر علی حالی میظلوم

\*\*\*\*

یومك یبویه ذوب احشای شفتك رمیه گبل عینای  
یالی غضیت بحسرت المای

\*\*\*\*

جسمی علیل وگلبی مفتوت بویه اندبك واسمع الصوت  
وئی مرد مرمر المنحوت

\*\*\*\*

اسمع کلامی بویه یحسین وانظرنی ما بین الملاعین  
یالی تون وسط المیادین

\*\*\*\*

أنا العليل وشوف حالي وانظر على الغبري رجالي  
ومن كل هلي محد صفالي

\*\*\*\*

ظليت مفرد بين عدوان وكل العشيره على التربان  
وتذبحت حتى الرضعان

\*\*\*\*

يابويه خيمتنا احرگوها وكل الغوالى سلبوها  
وسكنه العزيزه روعوها

\*\*\*\*

فرت يبو الشيمه الغوالى متدوهنه وتندب الوالى  
وشافت الروس اعلى العوالى

\*\*\*\*

مدهوشه والظالم ذعرها وبهجمته ضيّع بصرها  
ومنهوب ومطشّر خدرها

\*\*\*\*

متحيره تتجّه يا صوب والجيش بالوديان مغلوب  
وصيوانها يا بوى منهوب

\*\*\*\*

ترجع تشوف الخيمه طاحت وارماد بالوديان صارت  
يا صوب تتوجّه احتارت

\*\*\*\*

سابت غواليكم يايا به بعد المعزه والمهابه  
يبويه شعد يومى وعذابه

### نعى مجرد

اگبل الليل وحالنه شلون واهلنا على الغبره يونون  
هاذا جريح وذاك مطعون

\*\*\*\*

عدنه يتامه وعدنه رضعان واحنه حرم ما بين عدوان  
وبالليل يا وحشة الوليان

\*\*\*\*

بالليل آيا وحشة الليل وخافن عليه تهجم الخيل  
وبالمرعنه كل الرياجيل

\*\*\*\*

شيگضى الليله يا غوالى واحنه حرم من غير والى  
احزان والمدمع يلالى

\*\*\*\*

ليلة حزن واطفالنه تلوب وصيوانه بالنار ملهوب  
اوّن بكدر والدمع محجوب

\*\*\*\*

اوّن بكدر والدمع ميسيل ومن المصيبه ما ألي حيل  
ولها واعاين للمطافيل

\*\*\*\*

ما عدها والى الينغر الها وبالكون نامت كل اهلها  
منكوبه والظالم ذهلها

\*\*\*\*

خيمّ عليه الليل يختى ماتنوصف والله فجعتى  
يا حيرتى وضيمنى وغربتى

\*\*\*\*

اهود ايتام الصارخه الساع لوله اهود گلب مرتاع  
لوله انوحن عالي بالگاع

\*\*\*\*

يانايبه هيئه عليه نومت هلي فوگ الوطيه  
لوله مصابى بهالمسيه

\*\*\*\*

ياهى يخيه منهن اتهون انظر واعاين على المطعون  
لوله اهود طفل محزون

## هوسات

طاح ابن الرسول بحومة الميدان  
واظلمت سماها وناحت الاكوان  
لمصاب الغريب اهتزت الاركان  
«واملاك توجر ناعها»

\*\*\*

ناحت بالسماء الملاك لَمَنْ طاح  
ومن فوق العوالى شلون هبّ ارياح  
اسود صار جوها والدمه سفاح  
«يحسين مصايك رجّاه»

\*\*\*\*

صارت ضغبره والدنيه مرجونه  
وصدر حسين بالحومه يدوسونه  
ومن صوب الخيم طلعت المحزونه  
«مرعوبه تحشم واليهه»

\*\*\*\*\*

طلعت فاره تحشم مراجلها  
 ملهوبة قلب والبين ذاهلها  
 ومن كثر المصايب حيل ما ألهـا  
 «مذعوره وهجّت بالهمه»

\*\*\*\*

شافت مهر اخوها جاى للصيوان  
نادتهن دگومن بالله يا نسوان  
هاذا المهر طالع من ثرى الميدان  
«والوالى موذّر بالحومه»

\*\*\*\*

طلعت كل حريم حسين مرعوبه  
بنيران المصيبه تصيح ملهوبه  
وصدّت للمهر والسرّج مگلوبه  
«چاوين تگنظر واليهه»

\*\*\*\*

نادن گوم يا مظلوم واحمينه  
ما بين العده يحسين ظليله  
وماعدنه حنين الينغر عليه  
«واطفالك تصرخ بالهيمه»



# هوسات

وگفت زینب اعلی التل وهي بياحال  
وكل اهل الحمیه موسده برمال  
یهل الشیم شوفوا حالت الاطفال  
«والخدرّ ظلت مهضومه»

\*\*\*

دارت صوب اخوها حسين واتنادى  
يا مظلوم جرحك وجر افادى  
ادرى بىك نايم والگلب صادى  
«وصوابك فجر دلالى»

\*\*\*\*\*

اسمع ونتك منها دلیلی ذاب  
یاخویه تون من یا جرح واصواب  
اسمعنی یخویه ورد علیه اجواب  
«آنا اختك زینب حاجینی»

✻ ✻ ✻ ✻

أنا اختك يبا والسجاد ليّه گوم  
 های الخیل رد الخیل یا مظلوم  
 ترضه الحرم خویه تصویر بید الگوم  
 «یحسین عبالک سلوها»

\*\*\*\*

ما تدري علينه حرگوا الخيمه  
واخواتك يخويه ظلت بهيمه  
وين اهل الفخر والزود والشمه  
«خل تنهض واتبارى العيله»

\*\*\*\*

متگومون انخاکم يولياني  
شوفوا النار شبت ووسط صيواني  
وهجت فارّه من الخوف رضعاني  
«وبالكون موذر واليه»

## هـ ————— وسات

والله يوم عاشر ماكو مثله امصاب  
دنظر بالمعاره وعارين الاصحاب  
هذا موذرينه وذاك جبده انعاب  
«واطفال الرضع چتلوها»

\*\*\*\*

اهنا تنظر عميد ويمّه شاب يلوب

واهناك تشاهد ضيغمي مضروب  
وآخر من دمه الهامه صبح مخضوب  
«يا يوم العاشر ومصابه»

\*\*\*\*

هَذَا يَوْم مَامر مثله بالايام  
بيه نسوان مفعوجه وصريخ ايتام  
وهناك عليل ايفرج بالآلام  
«وامصاب الطف هدم حيله»

\*\*\*\*

بيه حرگوا الخيمه وفرت النسوان  
بيه سلبوا عيال حسين هالعدوان  
بيه ظلت حرم كلها بلا وليان  
«تتعثر ظلت بالهيمه»

\*\*\*\*

وتشاهد يتيمه اهنالك مرعوبه  
تصرخ وبطرفها النار ملهوبه  
ألمن تلتجى والخيمه مشبوبه  
«وما عدها والى ابحاميهه»

\*\*\*\*

وزينب حايره وتنظر شلون الحال

لا جسام لالكبر ولا رجال  
وهاذ الليل اجاها والأهل برمال  
«وعباس مقطع چفینه»

### هوسات للانصار

شحال حسين لمن وگف عالانصار  
شاف اجساد مطروحه اعلى رمل الحار  
صاح أنا الغريب الهائم المحتار  
«يرجال العزوين الشيمه»

\*\*\*\*

يصحاب الوفه والعهد والايمان  
شوفونى وحيد بساحت الميدان  
وانتو الما جفيتوا يا أهالى الشان  
«ومحتار شلون تخلصونى»

\*\*\*\*

يصحابى الذى بالروح وافيتوا  
او واحد من بعد الآخر تفانيتوا  
والدين النبى المختار ضحيتوا  
«والجنه ترفرف شوفوها»

## لطميات خاصة ليوم العاشر أيضاً

### لطمية

واگـع الـوالـى	والـمـهـر خـالى
تـلـاحـگـنـه يـا بـنـات	شـو رـجـع خـالى

\*\*\*\*

يـا بـنـات حـسـين	طـلـعن بـهـالـحـين
عـمـه سـهـم البـين	صـابـنـه اعـلى العـين
عـودـچـن يـا عـمـه فـات	ويـا هـضـم حـالى

\*\*\*\*

رـد جـوـاد الحـيد	و صـوـتـه رـجّ البـيد
يـصـهـل و مـيـهـيد	و الخـيـمـنـه ا يـرـيد
چـن يـخـبـر الغـالـيات	هـا وى خـيـالى

\*\*\*\*

گـابـل بـيـا حـال	فـا گـد الخـيـال
عـنـه سـر جـه مـال	بـس يـحـث ا رـمـال
و الصـو ا يـح عـالـيات	يـصـهـل اقـبـالى

\*\*\*\*

طـلـعن ا نـحـا چـيـه	اعـلى الـولى ا نـعـازيـه
----------------------	--------------------------

يَـتَمِّه راعِيه	رايـح امـخليه
ماله روح ولا حياء	والدمـع هـالى

\*\*\*\*

گـومـن بهـمّه	يالله يا عمه
للولى انشمه	وخل نون يمه
صيحـن بـعالى الاصوات	گـومـ يـالغالى

\*\*\*\*

گـامـن اـبـلاشـعـور	والگـلب مسـعـور
لاطمات صدور	ناشـرات شـعـور
والمصايـب حاميات	يـمـنـه واشـمـالى

\*\*\*\*

طـلـعن بـيالون	والگـلب مـحـزون
ايـنـدبن المـطـعون	بـويـه بـينـه شـلون
اصـبـح المـجـمع شـتات	والکـدر عـالى

### لطمية

هالنسوان والرضعان	لحگوها لحگوها
بالصیوان هالنيران	طفوها طفوها
لحگوها غواليكم	سمعوها تناديكم

\*\*\*\*

طفوا النار يا ثوار	شـبـيـنـه شـبـيـنـه
صوت ازغار نوح اكبار	عـالـيـنـه عـالـيـنـه
والهجمه حواليكـم	سـمـعـوـها تـنـادـيـكـم

\*\*\*\*

يا فرّاس يهل الباس	جـاـفـيـنـه جـاـفـيـنـه
والعباس دامى الراس	وـالـيـنـه وـالـيـنـه
شو ماگام حاميكـم	سـمـعـوـها تـنـادـيـكـم

\*\*\*\*

هجم الخيل صار دخیل	يـعـضـانـه يـعـضـانـه
بس اعلیل ماله حیل	وـيـانـه وـيـانـه
يا لهيبه اشحل بيكم	سـمـعـوـها تـنـادـيـكـم

\*\*\*\*

يا اشراف موانصاف	تـجـفـونـه تـجـفـونـه
واحنه انخاف بين اجلاف	عـفـتـونـه عـفـتـونـه
تبره اعيونه ليكم	سـمـعـوـها تـنـادـيـكـم

\*\*\*\*

صار اهجوم من هالگوم	يـالـحـامـى يـالـحـامـى
يازى النوم يالله گوم	لـيـتـامـى لـيـتـامـى

مفجوعه ذراريكم سمعوها تناديكم

\*\*\*\*

هالملعون صال شلون عالخيمه عالخيمه  
والمطعون وسط الكون بالهيمه بالهيمه  
خويه اعتابنا اعليكم سمعوها تناديكم

### لطمية

تصبح زينب بالخلي وين درب المعركة

\*\*\*\*

وين درب المعركة دلونى  
ارد اشوف حسين نور عيونى  
بيك يبن امى العده فجعونى  
الك يا ربى اگول المشتكه

\*\*\*\*

طلعت بدهشه العقيله اتنادى  
وين واگع يا عزيز الهادى  
اسمع الضجه وطار افادى  
اسيوفها ورماح كلها شابكه



\*\*\*\*

تصيح دلونى اعلى درب الحومه  
وين صارت يا عزيزى النومه  
شافت خيول وزلم ملمومه  
منين ما تنظر جيوش امحشكه

\*\*\*\*

وينكم يهل الفخر والشيمه  
هجمت العسكر عليه هضمه  
توسد يتوا اعلى الثرى بالهمه  
انيام كلکم والجسوم مدكدکه

### لطمية

بـويه ياغالى	نايم على رمل الخلي
انظر احوالى	ياوالدى وانا علي

\*\*\*\*

دسمع اجوابى	انذب وانادى يالابو
صوت لهابى	ومن نار گلبى يلتهب
شحسب احسابى	يابوى من بعد الجره

هايم ومطفي مشعلی      والـحـزـن عـالی

\*\*\*\*

یا صوب واگع یا کتر      بـویـه حـاچـینی  
افزع وادور المعركة      مـن یـدلیـنی  
لوله اداوی علتی      و زایـد و نـینی  
وآنا العلیل المبتلی      و ثـگـلت احمالی

\*\*\*\*

یا بوی یا ریع الغلب      واگع بیا صوب  
مرجون وادی کربله      والفـضـا مـگـلوب  
والگوم هجمت عالخیم      والغـوالی سیوب  
ولاعندی عون ولا ولی      یـنـغـر الحـالی

\*\*\*\*

هجمت علی خدور الحرم      گوم ابن سفیان  
ولا کو مروّه ولاشیم      تـرـعـه للـنـسـوان  
للخیم عسکرهم اجه      و حـرگـوا الصیوان  
وبالکون یا تالی هلی      انت و رـجـالی

\*\*\*\*

مطروح یبن المصطفی      والجـسـم عاری  
والگوم حزت منحرک      والـدـمـه جاری

ويَمّي تلوع العايله      وتصرخ ازغارى  
وَأنا اسير وما ألي      بالكفر والي

\*\*\*\*

تصرخ خواتى وعيلتى      من گلب صادى  
مدهوشه من ظيم الحرب      شـعبت افادى  
وفرت من الخيمه تهج      وسطت الوادى  
آل الرسول وتسولى      بيد انذالى

### لطمية

هاى اطفال بالهيمه      تصرخ وين واليه

\*\*\*\*

مذعوره تهج وتصيح      وكل ارجالها مذايح  
تركض نوب نوب اتطيح      وما عرفت بواديه

\*\*\*\*

فرّت والعدو جاها      وهى مضيعه ملفاها  
وبالتربان ولياها      ومفغوده مبانها

\*\*\*\*

فرت هاجّه للبر      وبالجيمان تتعثر

ماعدھا ولی ینغر وین اللی یحامیھا

\*\*\*\*

الیاجیھا تهج وتروح وتشوف الدمه مسفوح  
ماعدھا گلب لاروح جمر البین چاویھا

\*\*\*\*

هجت من لهیب النار ویه عسکر الکفار  
صارت بالارض طشار وما تعرف نواحیھا

\*\*\*\*

ماعدھا ولی یفزع تنخه ولا احد یسمع  
کلھا انیام بالمصرع وین اللی ینجیھا

### لطمیة

یونون یونون علی الغبری یونون  
یلوجون یلوجون صبیانه یلوجون

\*\*\*\*

یونون اعلى رمل الحار  
هالشبان چه الاقمار  
وجوًا بالدلیل النار

يـوجـون يـوجـون      دليلى بنار يا ويلى

\*\*\*\*

اعلى التـربان ونـيتوا  
جـمر احشـاى وجـيتوا  
نـريد انـروح مـاجـيتوا  
يـنـامون يـنـامون      على التـربان يا ويلى

\*\*\*\*

شـلـون اولاد بـالهـيمه  
نـومـه اعلى الثـرى هـضيـمه  
يـهـل الفـخر والشـيمه  
يـعـوفون يـعـوفون      لذـيذ العـيش يا ويلى

\*\*\*\*

لـتـونون يـا صـبـيان  
خـلـيتوا الـگـلب دوهـان  
شـلون بـدور عـالتـربان  
ولـاتـهون ولـاتـهون      احزان الـگـلب يا ويلى

\*\*\*\*

يـلـوجـون اعلى رمل الـگـاع

منهم ما شبعنا وداع  
كلها مكسّره الاضلاع  
يـمـطـعـون يـمـطـعـون      بـوسـط مـيدان يا ويلي

\*\*\*\*

عباس وعلي وجاسم  
والفتيان من هاشم  
خليتوا الغلب وارم  
يـلـهـبـون يـلـهـبـون      صـمـيم الروح يا ويلي

\*\*\*\*

ونكم فطر افادى  
يـخـوانى او يـوـلادى  
وهسه يصرخ الحادى  
هـلي شـلون هـلي شـلون      نـجـافـيـكم هـلى شـلون

## لطمية

صار الليل واحنه سيوب ظلينه  
وبالميدان نامت كل اهاليه

\*\*\*\*

نومه اعلى الوطيه كل احبته  
آيا ضمينه وهمنه وغربته  
هاليله الصخر يبجي الحالته  
ماعدنه حنين الينغر اعليه

\*\*\*\*

گوموا يا نشامه باروا العيله  
يا وليان وين انبات هاليله  
بس عدنه علي والمرض هد حيله  
والوديان متروسه من اعادينه

\*\*\*\*

والله انخاف لو خيم ظلام الليل  
ماعدنه كفيل ايحوف المطافيل  
تصرخ هاليتامه والدموع تسيل  
والمهضوم شنهو ايبرد اجنيه

\*\*\*\*

يهل المرجله والشرف والشمه  
تخلونه حريم انبات بالهمه  
والعدوان حتى حركوا الخيمه  
بالغفره نطل محد يبارينه

\*\*\*\*

وحشه هالمسيه يا بني عدنان  
وانتو اجسام مطروحه على التربان  
حالتنه مريبه والگلب خلصان  
ومن گد الرهگ والخوف ذلينه

\*\*\*\*

حالتنه مثلها ما سدت حاله  
احزان وهضم ودموع هماله  
يا هو ويه الاعادى يترك اعياله  
وخاف انروح للشامات تالينه



### لطمية

وبياكتر يا صوب طايح وليـنه  
ومن جملة الونّات اعرف ونـينه  
وافزع واهج يا صوب  
والعسكر المغلوب  
ومن جملة الونّات اسمع ونـينه

\*\*\*\*

اسمع ونين اهنّاك ذوّب دليـلى  
وبين الحرب والنار طايح خليلي  
مرعوبه يا هالناس واتـبـدّه حـيلي  
مالي جلد لاروح

واندب على المطروح  
ومن الزلم والخيـل كلها خليلـنه

\*\*\*\*

چنه اخي اهنّاك صـوته اسمعه  
وأخذ صديد الصوت ويـاه واتـبعه  
بلكى عزيز الروح لهـله ارجـعه  
اسمع نـداى وگـوم

وعـنه درد الگـوم

واحنه العلينه احجاب واتفرهدينه

\*\*\*\*

هالطايح بميدان أسمع له ونه  
بعدك عدل لوميت واگطع الظنه  
گوم بسرع يحسين واجمع شملنه  
هجمت علينه الخيل

وادخيل خويه دخيل  
لolk قوی یا خوی دنفر علينه

\*\*\*\*

بعدك عدل والگوم لهلك سبوها  
وماخلوا الاطناب كلها احرگوها  
والعيله يا مظلوم هالفرهدها  
بيد العدى فرهود

ولاكنو نصر لاجنود  
وهاذى الزلم والخيل دحمت بنينه

\*\*\*\*

يالطحت بالمراد اسمع جوابى  
موهين اعلى الزين هضمى وعذابى  
ياخويه يا عباس خلصت احبابى

وانـخه بـگـلب مـمـرود

يـاـلـبـالجـرف مـمـدود

مـمـمـعـتـوا النـدـبـات      مـاـگـمـتـوا لـيـنـه

\*\*\*\*

نـخـت اـهـالـى الزود      مـا مـنـهـم اـحـد

مـحـد سـمـعـها وگـام      بـس الصـدـى اـيـرد

والصـبـر بـالـحـسـرات      ذاب      و تـبـدـد

كـل الـاهـل بـالـگـاع

ومـكـسـره الـاضـلاع

جـاوب صـدـى الـاـحـباب      و اـحـنـه شـبـدـيـنـه

### لطمية

شـحـالـها زـيـنـب يـوـيـلى اشـحـالـها

مـحـيـره و فـوگ الصـعـيد ارجـالـها

والـولي جـسـمـه خـضـيب      نـاـدـبه و يـن الغـريـب

شـحـالـها زـيـنـب يـوـيـلى اشـحـالـها

\*\*\*\*

شـحـالـها لـمـن عـلـى التـل او گـفـت

واعلى فرسان المعاره حشمت  
يا رزيه ويا مصيبه اتحملت  
والحمه خده تريب نادبه وين الغريب  
وشيلم احمالها  
اشحاله زينب يويلي اشحاله

\*\*\*\*

توجهت صوب المعاره بيا صفه  
ذاهله ومنها المدامع ناشفه  
يبس احشاها لهيب العاصفه  
وگاصده صوب الحبيب نادبه وين الغريب  
وانطفت آمالها  
شحاله زينب يويل شحاله

\*\*\*\*

يا خليصي وين واگع يالولي  
هاوى عالتربان يا تالي هلي  
وتدرى بالصيوان باقى بس علي  
واعرفت رحلك نهيب نادبه وين الغريب  
والحرب واهوالها  
شحاله زينب يويلي اشحاله

\*\*\*\*

شلون وگفه شلون ساعه حاسمه  
لامعين ولانصير ولا حمه  
نادت رجال الشيم والمرحمه  
صاحت وماكو مجيب نادبه وين الغريب  
وبالنهر خيالها  
شحالها زينب يويلى اشحالها

\*\*\*\*

صاحت اعلى اهل الفخر والمرجله  
ليش ضمتكم ذرارى كربله  
گوموا يا فرسان حاموا العايله  
والخدر اضحه سليب نادبه وين الغريب  
وين يوم اجلالها  
شحالها زينب يويلى اشحالها

\*\*\*\*

توجهت هالنوب صوب العلگمی  
ونادت العباس ذاك الضيغمی  
عيلتك يا حيد ماعدها حمي  
والأسر جور او عصيب نادبه وين الغريب

شلون بعد ادلالها

شحالها زينب يويلي اشحالها

\*\*\*\*

گوم يا بدر الهواشم يا عجيد

شلون تصغى يا نظر عيني وتهيد

والغوالى تروح للطاغى يزيد

شلون دلالك يطيب نادبه وين الغريب

ومنهو اليبرالها

شحالها زينب يويلي اشحالها

بسم الله الرحمن الرحيم

# المحتويات

## الفصل السابع

في ما يخص مصيبة العباس عليه السلام ..... ٥

## الفصل الثامن

في ما يخص مصيبة القاسم بن الحسن عليه السلام ..... ٩٩

## الفصل التاسع

في ما يخص مصيبة علي الأكبر عليه السلام ..... ١٩٧

## الفصل العاشر

القسم الأول: في ما يخص ليلة العاشر من محرم ..... ٣٠٥

القسم الثاني: في ما يخص اليوم العاشر من محرم ..... ٣٥٣

## سيمصدر قريباً إن شاء الله تعالى

١- ديوان الحنين في ذكرى الطاهرين (الجزء الثالث)

الخاص برثاء الصديقة الطاهرة الزهراء عليها السلام

٢- ديوان الحنين في ذكرى الطاهرين (الجزء الرابع)

الخاص برثاء الإمام الحسن المجتبي عليه السلام

٣- ديوان الربيعي للمرحوم الشيخ عبد العظيم الربيعي

٤- الصحيفة السجادية

مجموعة ادعية وارادة عن الامام السجادة عليه السلام